



CAROLI PATINI

HISTORIA NUMISMATUM.

Amsteladami apud *Henricum Wetstenium

CAROLI PATINI, Equit.
D. Marci, Doct. Med. Parif. & in
Acad. Patav. Med. Prof.

INTRODUCTIO
A D
HISTORIAM
NUMISMATUM.

Antehâc Gallicè bis edita; Nunc Latinè
verfa, & novis acceffionibus
locupletata.




CJ
231
P29

AMSTELÆDAMI,
Apud HENR. WETSTENIUM,

MDCCCLXXXIII.

INTRODUCTION
AND
LIST OF ILLUSTRATIONS
CONTENTS



THE J. PAUL GETTY MUSEUM LIBRARY



SERENISSIMO PRINCIPI

FRIDERICO,

Duci Saxoniae, &c.

Nobilitatem ac virtutem duplicem esse viam homines ad æternitatis famam conducen-tem politiorum populorum consensus est universus. Hanc egregiis laboribus à se partam, illam Dei ac Naturæ donum qui possidet, uno Iove minor esse videtur. Vera quippe nobilitas magnam

DEDICATIO.

vim habet, inquit *Cicero*, quæ majorem imo maximam adscita sibi virtute acquirit. Non aliter Heroes dicti sunt, Diis aut Regibus geniti, Hercules & Alexander, nisi cum generis claritati virtutis splendorem laboribus immensis adjunxerunt. Non alio consilio, Romani rerum domini, Honoris Virtutisque templa, erudita calliditate, construxerunt, nisi ut ad illud per hoc solum pateret aditus, nominis æternitatem hac arte suis civibus procuraturi. Hæc sunt cur mirari non debes, Serenissime Princeps, incli-
to

DEDICATIO.

to nomini tuo dicari hunc libellum, tot antiquis magnorum Principum monumentis refertum; quorum nobilitatem ab ipso cœlo deductam tantopere virtus extulit, ut terrarum orbem domuerit, & temporum injuriam ac circumscriptionem perbellè effugerit. Audaciam nostram, si quæ sit, excusat almæ Saxonicæ gentis virtus (ut de nobilitate taceam tot Heroibus tot Imperatoribus clarissima) ubique locorum cognita. Tuaque imprimis non Germanis solis, sed ubi disciplinæ militaris ac litterarum

* 4

rum

DEDICATIO.

rum reconditorum peritia
flore, notissima. Mihi qui-
dem tot annis apud optimos
Germaniæ populos degenti,
illa planè innotuit, ad quam
tamen manibus vacuis acce-
dere pudor erat. Hoc itaque
devoti mei & obsequentis a-
nimi testimonium benignè
fufcipere non dedigneris.

Patarvii, Kal. Febr. MDCLXXXIII.

PRÆ-

P R Æ F A T I O.

Inter præcipuas humani generis delicias, Numismata eorumque Cognitionem haud postremas esse censeo, magna quippe cum utilitate conjunctas. Difficiliorem eam reddunt libri, qui suppositâ generali notitiâ, descendunt ad explicationem particularem, atque sic adeò prolixi fiunt, ut quamvis tedium in progressu operis nullum afferant, difficultatis tamen specie Curiosorum animos non raro avertant. Huic ut obviam irem viamque planiorem redderem, de opusculo isthoc edendo cogitavi, nova methodo eaque perfacili composito. Exiguum enim temporis spatium quo lectio ejus absolvi potest, profundam Lectori Historiarum ideam imprimet, efficietque ut hujus usum non sine admiratione sentiat.

Numismata. ceu lapis lydius Historiarum, eas pari delectationis & utilitatis gradu nobis explicant; quæ vicissim non rarò commentarii loco inserviunt, atque abditos inscriptionum in Numismatis expressarum sensus detegunt. Quo fit ut Cimeliarchia Bibliothecis ferè semper conjungantur, sicut id Viris rara doctrina

Clariss

P R Æ F A T I O.

Claris à bis centum annis usu venit. Ex quo tempore etiam in eo desudatum est, ut omnis generis artes & scientiæ adeo excolerentur, ut quæ præteritis sæculis rudi vix Minerva delineatæ erant, jam ad supremum fastigium deducerentur. Id quod Numismatum experimento haud difficile probatu venit, quæ majore nunc loco quam antebac unquam habentur; dignitate & meritis eorum apud quos in pretio sunt, non exiguum huic curiositati pondus addentibus: Utilisq; illa quam afferunt delectatio imposteriorum efficiet ut nunquam non studiose curentur. Hæ sunt rationes quæ me impulerunt, quò exiguum hoc opus aggrederer, & fortè alios induxerunt ut ad suscipiendum onus me impellerent: Quibus dum morem gero, publicis me inservire commodis existimo. Reperies hic itaque Originem Monetarum & Numismatum, eorumque diversas magnitudines, varia genera & species. Ita ut si cui placuerit vel minimum curæ & studii huic negotio impendere, haud dubitandum sit, quin vel difficilimos quosque hujus generis Authores cum fructu evolvere, & in reconditissima antiquitatis secreta penetrare possit.

IN-

INDEX CAPITUM.

I. De Numismatum dignitate & præstantia.	I
II. De usu hujus studii.	8
III. De variis Numismatum & Monetarum Nominibus.	15
IV. De jure cudendi Monetas & Numismata.	22
V. De Monetæ & Numismatis differentia.	27
VI. De diversis Numismatum materiis.	36
VII. De Numismatibus aureis.	41
VIII. De Numismatibus argenteis.	47
IX. De Numismatibus Græcis.	53
X. De Numismatibus Romanis Consularibus.	61
XI. De Numismatibus Imperatorum Romanorum.	68
XII. De Numismatibus Hebraicis, Punicis, Hispanicis & Gothicis.	81
XIII. De Numismatibus recentioribus.	86
XIV. De Calculis & Talismanis.	94
XV. De Numismatis æreis in genere.	106
XVI. De Numismatis Romanis ex ære minimo.	113
XVII. De Numismatis Romanis ex ære medio.	119
XVIII. De Numismatis Romanis ex ære magno.	125
XIX. De	

INDEX CAPITUM.

- XIX. De Numismatis æreis ex maximo modulo. 133
- XX. De Nummis supposititiis & adulterinis. 139
- XXI. De quibusdam Rei Nummariæ scriptorum erroribus. 151
- XXII. De frequentioribus Romanorum Nummorum inscriptionibus. 157
- XXIII. De Notis & vocum abruptionibus quæ in Numismatibus Romanis occurrunt. 169
- XXIV. De iis, qui Nummos antiquos scriptis illustrarunt. 179
- XXV. De Cimeliarchiis Nummariis. 215



INTRO-



INTRODUCTIO
Ad
HISTORIAM
NUMISMATUM.

CAPUT I.

De Numismatum dignitate & præstantia.

EX universa antiquitate, cu-
jus quidem monumenta ad
nostram ætatem pervenere
nulla est cognitu dignior eâ
ipsâ cujus hîc meditamur descriptionem
& quâ validiori præ ceteris omnibus ar-
gumento, ad nominis famam in ævum
A exci-

excitandam Romani præcipuè usi sunt. Elegancia rerum, quas Numismata hæc symbolica referunt; Usus quem in indaganda historia præstant, pretium sane illis vel supra statuas & ædificia constituunt, non quod de horum veneratione quicquam detractum cupiam. Statuæ enim plerumque repræsentant Viros Heröas & Illustres, quorum virtus inclyta nobis in imitationis exemplum sistitur: Et architectura Veterum, exquisiti & magnifici operis blanda suâ facie amorem & admirationem sui parit, & vel solo aspectu animis nostris tacitam pariter gratamque vim adfert. Magnifica templorum structura, arcuum triumphalium superbum decus, excelsa pyramidum fastigia, circumfusi amphitheatrorum ordines, effusa palatiorum luxuria, omnem humanæ imitationis spem nostris temporibus, non modò dubiam, sed penitus irritam reddunt.

Dum interim tempus edax gloriæque tam immensæ invidum, magnam & potiore rerum pretiosissimarum partem nobis

nobis subtrahit, & quod ex ferro & igne residuum erat ruderum, id verò quotidie & sensim depascit. Paucae statuæ diras fati hujus injurias superârunt; sola Numismata ex ipsis animis eruta, integra & incorrupta, fato huic erepta cernimus. Atque ea ipsa voluptas, quam ex statuis & ædificiis capere licet, paucorum & vix aliorum est, quàm Magnatum, magnis laboribus & impensis redimenda, pretio earundem exstruendarum, communem hominis privati sortem excedente. Et illa quidem ad magnificentiam potius à suis Autoribus, Principibus, Magnatibus extracta, quam in literarium monumentum & documentum sunt adornata.

Cùm interim Numismata nostra cujusvis fortis ac conditionis hominibus inservire valent, Principes sanè quos non modò felicior nascendi fors, sed & virtus ipsa præ aliis extulit, haut postremam deliciarum partem in hoc studio collocabunt. Divites habent, quo redituum partem ritè impendant, & unde thesau-

ris suis decus haud vulgare concilient. Nec viri docti in id studium sumptus quantos & quantillos fors cujusque admittit, facere gravabuntur, sine quo ignorare necesse habebunt, quæ ignorare forte pigebit & pudebit. Ipse sexus femineus, suâ naturâ laudis avidus, inveniet hîc, quo abundè delectetur, quoque ad laudem, ex virtutis studio sperandam, excitetur, dum multo nummo exsculptas intuebitur Heroïnarum imagines. Castitas Artemisiæ; prudentia Juliæ, Divi Augusti uxoris; sanctitas Plotinæ; magnanimitas Zenobiæ, hæc quidem tanta sunt & tam luculenta sexûs hujus specimina, quibus etiam viris summis palmam rerum præclarè gestarum dubiam reddere valent.

Si quid insuper in arte aliqua curiosa & rara solidum est ac grave, in hac sanè nostra illud reperire dabitur. Liceat Magnatibus ex equorum varietate & dexteritate voluptatem capere, & vel cum Romulo equaria in campo Martio instituere, vel equos, *Qui candore nives*

anteirent, cursibus auras, in cursus venatorios effundere, modò ne jugulum & coxam cum Hadriano apud Spartianum, frangant. Sint hæc ipsis pacis oblectamenta, sint belli *παρασκήματα*: Illud interim nobis haud gravatim concedent, voluptatem hanc ipsorum paucis esse propriam; nostram plurimis & tantum non omnibus communem: Ipsorum, ad corpus; nostram hanc ad animum hominis pertinere.

Picturæ, quæ & ipsæ curiosas mentes haud leviter occupant & in admirationem Naturæ artificiosè effectæ rapiunt, cum Numismatis nostris hoc sortiuntur commune, quod ambo res hominum præclarè gestas exprimere collaborent: Illud tamen inter utramque artem discriminis intercedere videtur, quòd dum illa nonnisi ad delectationem & ostentationem est composita, ab arbitrio & genio, nonnunquam delirio Autoris sui dependens, nostra hâcce alium longè majorem præstet societati humanæ usum, quo comprobatur id quod repræsentat,

ipsi arti pictoriæ quicquid demùm ista habet autoritatis, conferens, sine quâ vana, iners & nugatoria esset omnis pictura.

Scientiarum professores cæterique per Europam dispersi viri docti, librariam suppellectilem tanquam omnis eruditio- nis fontem & cornucopiæ, rei nostræ nummariæ dubio procul anteferent: Quibus ego neutiquam contradico, quin potius potio- rem studiorum meo- rum, non medicorum modò, sed vel hujus ipsius Antiquarii partem monu- mentis chartaceis me debere palàm pro- fiteor. Eâ in me interim erunt æquitate & humanitate, quâ mei studii encomia faciles mihi permittent, ubi suis à me nihil detractum iri animadvertent.

Sicuti verò libri historici usibus poli- tics plusquam ulli alii inserviunt; ita Numismata, usum & applicationem hi- storiarum adjuvantia, hanc cum Hi- storiarum voluminibus gloriam quasi ex æquo participant; usque adeo, & sine Numismatum αὐθεντίας, ipsa histo-
ria,

ria, autoritate suâ destituta, in suspicionem fidei sublestæ ac temeratæ incidere possit. Gemmis quidem pretium eripere non contendo, quibus in arctum coacta rerum naturæ majestas, multis nulla sui parte mirabilior: varietate, coloribus, duritie, materia, decore, nunquam satis laudanda. Pro omnibus sit *achates illa Pyrrhi qui adversus Romanos bellum gessit: In hac ix. Musæ & Apollo citharam tenens spectabantur, non arte sed sponte naturæ ita discurrentibus maculis, ut Musis quoque singulis sua redderentur insignia. Plin. l. 37. c. 1.* Exiguus illarum numerus solis Principibus viris servatus videtur, imò Diis, quibus ab ipsis Principibus frequenter donabantur, ut Pompejo Magno contigit *daçtyliothecam*, peregrino appellatam nomine, quæ Mithridatis Regis fuerat inter dona in Capitolio dicanti: Hoc exemplo Cæsar dictator sex *daçtyliothecas* in Veneris Genetricis templo consecravit.

Ut silentio præteream alia cimelia quæ citra omne dubium infra pretium

& dignitatem eorum quæ modò recensuimus longissimè subsident, qualia sunt avium, piscium quadrupedumque, conchyliorum, murrhinorum Sinensium, ac Japonensium aliorumque naturæ & artis operum: quæ omnia, utut bellè curiosa, ad hujus tamen nostræ nummariae utilitatem & jucunditatem minimè accedunt, quæ expressum habet characterem ejus quod innuit, quæque nusquam habuit osorem & contemptorem, nisi ignorantem.

CAPUT II.

De Usu hujus studii.

Omniū ferè animis insedisse arbitror illud Cassianum, apud Ciceronem pro Milone: *Cui bono? adeo*

*Ipsæ decor recti, facti si præmia desint,
Non movet, & gratis pœnitet esse doctum.*

Fortius tamen movet utile, ubi cum necessitate erit conjunctum. Quo quidem utroque nomine nostrum sese com-

men

mendat studium nummarium, utut paulò aliter videtur quibusdam, quibus persuasum, non inservire nisi Melancholicis ad curarum; vel otiosis ad temporis tædium, miserè fallendum. Ego verò animi quandam relaxationem, ne ille sub curarum & laborum onere fatiscat, aut etiam penitus succumbat, omnino necessarium esse arbitror. Miserum tamen non dixero, id quod est & utilissimum & suavissimum, quale est quod Numismata præbent oblectamentum, quod novæ scientiæ accessione animum eâdem operâ ornat & perficit, non minùs ac aliæ seriæ occupationes.

Nullum est studium quod potius fascinat desideria mentis humanæ, quàm illud quod res multis retrò sæculis agitata quasi è tenebris in lucem protrahit, & vel dudum emortuis ac sepultis vitam reddere valet. Historiam intelligo, quæ Ciceroni *Nuncia vetustatis, magistra vitæ* haud immeritò audit, quæ & spiritus infundere generosiores, & viva sistere præceptorum moralium exempla

potis est. At verò eam non sola suppe-
ditat librorum lectio, nec omnem cer-
tè nec indubitata : Recurrendum o-
mninò ad lapidem Lydium, cui hacte-
nus hominum neque malitia neque in-
scitia vim adferre potuit : Nummos in-
telligo antiquos, infallibiles & ubique
necessarios, veritatis historicæ testes,
characteres & documenta.

Sed & iidem retegunt nobis Paganæ
religionis myſteria, exercitia & ritus,
quibus illi pro cæca ſua ſuperſtitione &
καυοζηλία ſunt deſuncti. Exhibent Nu-
mina quæ adorârunt, varia eorundem
nomina & inſignia, ut & magiſtratus
quorum autoritate prodierunt. Videas
illis inſculpta variæ ſtructuræ templa,
portus, fora, bibliothecas, vias publi-
cas, ſepulchra, pontes, aliaque quæ
ſive neceſſitas, ſive ſuperbia erigebant.
Eorum tamen præcipuam habuiſſe cu-
ram videntur quæ ad decus & gloriam
patriæ faciebant, qualia erant Arcus
triumphales, Porticus, Theatra, Am-
phitheatra, Circi, Pyramides, Ædes,
Co-

Colisæi, & Obelisci, quorum illustre decus ex solis Numismatibus nobis affulget. Exsplendescunt illa insuper triumphorum ludorumque publicorum magnificentia, civitatum privilegiis, regionum occupationibus, coloniarum deductionibus, aliisque quorum memoriam ad posteros transmittere suæ duxit pietatis antiquitas. Imagines certè & simulacra tot tantorumque virorum illustrium jam dudum periissent, nisi ære incisa etiamnum exstarent. Orthographiæ puritas, characteris excellentia, operis exquisita perfectio posteritati præstiterunt ea quorum præstandorum spem & desideria concepit antiquitas. Et vel ipsæ vestes, quæ pacis quæ belli, togæ & sagæ, currus, sellæ curules, congiaria, aliaque liberalitatis specimina inibi sunt curiosis mentibus & oculis conspicua. Nec minus intuemur varia coronarum genera, civicas, triumphales, murales, navales, obsidionales, rostratas, radiatas, varia variæ virtutis & fortunæ præmia, *honores illis temporibus raros.* &

tenues, obque eam causam gloriosos, nunc autem effusos aut obsoletos. Corn. Nep. in Ale. l. 6. 2. Ut nihil hac ex parte vel ad amorem vel ad imitationem tantorum Heroum non expressum videri possit. Exprimunt eorum ortus, conjugia, victorias, ἀποθεώσεις, nomina majore certitudine & autoritate, quàm si centum Autoribus descripta forent.

Neque verò est quòd quispiam nummi novi studiosus, dicam, an tenax, pretium justo majus & saltem non iniquum antiquis arrogatum causetur. Me quod attinet, Numismatis meis, ut fateor quod res est, quodque fateri non pudet, subinde carius statuo pretium, quàm quo vulgus emit. Interim liceat mihi pretium affectionis designare, quod liberum est emptori pendere, vel sibi servare: *Quod rarum, carum.* Deinde pro ratione temporum mutatur illud sæpissimè: Exemplum mihi suppeditat Epistola 5. celeberrimi Medici & Antiquarii Ad. Occonis ad J. C. Basileensem, Bon. Amerbachium scripta, à Cl. J. C. Ba-

Basileensi Seb. Feschio mihi Reipublicæ quæ literariæ communicata : *Revera affirmo* (sunt verba Occonis) *singulos meos Dictatores Julios, singulis constitisse coronatis, neque admodum elegantes, sed scioraros esse, & inventu difficiles.* Pro unico Gordiano Africano argenteo, persolvi tres florenos, quem alius vix totidem batziis redemisset ; dicere propemodum erubesco. Erubescerem ego ab opposito tres tantum florenos dare pro numismate argenteo Gordiani AFRICANI, cum sæpe supra triginta lubens concefferim. Neque verò vel T. Pomponius cognomine Atticus, vel Varro L. L. Princeps, ex dignitate sua judicarunt, pecuniam fœnori locare, studiis illustrioribus, libris, præsertim ad antiquitatis memoriam pertinentibus, impendendam. Et hic quidem, Plinio teste, librum consignavit septingentorum virorum illustrium, non nominibus modò, sed & imaginibus refertissimum ; Ipsummet audiamus, *lib. 35. cap. 2. Imaginum amorem flagrasse quondam testes sunt & Atticus ille Ciceronis,*

edito de his volumine, & M. Varro benignissimo invento, insertis voluminum suorum fecunditati non nominibus tantum septingentorum Illustrium, sed & aliquo modo imaginibus, non passus intercidere figuras, aut vetustatem ævi contra homines valere, inventione muneris etiam Diis invidiosus, quando immortalitatem non solum dedit, verum etiam in omnes terras misit, ut præsentesset ubique & cerni possent. Divus Augustus palatii sui sacratiora plurimis statuis exornata habuit: neque tamen ullus majori numero ac Alexander Severus Imp. qui & ipsiusmet JESU CHRISTI & Abrahami, non minus ac Achillis, Alexandri M. Orphei, Apollonii, Platonis, Ciceronis, Virgilii, aliorumque sanctitate meritisque illustrium imagines religiosè coluit, & in imitationis exemplum adservavit.

CAPUT III.

*De variis Numismatum & Monetarum
nominibus.*

EX quo primitus coaluit humana societas, opus illa habuit monetis pariter & Numismatis; illis ad negotiationis & mercaturæ usus, cum rerum omnium permutationes difficiles acciderent: his ad auctoritatem publicam monetis & gloriam viris illustribus conciliandam. Jus enim cudendæ monetæ, in summo honore habitum & nonnisi viris Principibus beneque de Republica meritis olim concessum, generosam & gloriæ cupidam indolem ad summa & præclara quævis erexerat, ut jure illo potitis, suam monetis imaginem imprimere & exprimere liceret, quod in summa votorum & honorum reponebant. Cui rei nullum aliud corpus solidum convenientius videbatur lapidibus & metallis, quorum durities imagines & actiones virorum magnorum insculptas fortius retinet

tinet & diutiùs à detrimento vindicat; unde Gallorum, quas vocant, *Medailles*, à metallis nomen sunt sortitæ. Rudibus metallis primò teretibus ut virgulis, vel in latitudinem diffusis, postea ad reprimendas adulterantium fraudes signatis, in commerciiis usos fuisse mortales, satis constat: quibus diversis imaginibus impressis hominum & animalium ut SAGITTARII, NOCTUÆ & aliarum rerum diversa nomina imposita sunt, ut DARICI, PHILIPPEI, à Regibus, à pondere, numero, & rebus impressis, Græcis drachmæ, tetracini, oboli, minæ, Latinis denarii, bigati, quadrigati, sestertia, & generali vocabulo, nummi seu pecunia appellati sunt. Leonard. Port. de sestert. pecun. ponder. & mensuris.

Huc pertinent & imagines Romanorum ceris impressæ, quibus ad usque pectus efformabantur Viri spectabiles, quas Græci *ἀγχιμας* vocabant, & erant plerumque Majorum effigies, de quibus proin P. inius lib. 35. c. 2. testatur: Expressi cera vultus singulis disponebantur

armariis, ut essent imagines quæ comitarentur gentilitia funera. Et Turnebus alicubi observat non repræsentasse ea totum corpus humanum, nec nisi ad usque humeros, de quibus fortè Plinius, plurimos viros magnos singulari studio & amore earundem flagrâsse, &c.

Clypei vocem hoc ipso significatu usurpatam fuisse, testis est idem Plinius, lib. 35. c. 3. *Scutis, qualibus apud Trojam pugnatum est, continebantur imagines, unde & nomen habuere clypeorum, non ut per-versa Grammaticorum subtilitas voluit à cluendo. Et lib. 35. c. 2. Imaginum quidem picturæ quàm maximè similes in ævum propagantur figuræ, quod in totum exolevit, ærei ponuntur clypei, argenteæ facies. Addit insuper, Suorum verò clypeos in sacro vel publico privatim dicare primus instituit, ut reperio, Ap. Claudius qui consul cum Servilio fuit, an. v. c. cclix. Posuit enim in Bellonæ æde majores suos, placuitque in excelsò spectari, & titulos honorum legi. Quod ipsum mihi in memoriam revocat marmoreum illud monumentum in cime-*

me-

meliarchio Regis Christianissimi conspicuum, tribus pedibus in rotunditatem altum & clypei formâ: cujus extrema variis ornamentis involuta effigiem cingunt insigni exstantiâ prominentem: quæ ipsa apprimè quadrant ad descriptionem Plinianam. Conveniunt & illa Trebellii de Claudio Gothico verba, *Clypeus aureus Senatus totius judicio in Romana curia collocatus est, ut etiam nunc videtur expressa thorace vultus ejus imago.*

Nec minus signa Romanorum militaria Imperatorum imagines referebant, de quibus Vegetius, lib. 2. cap. 6. de re militari: *Prima Cohors imagines Imperatorum, id est, divina & præsentia signa veneratur.* Et Plinius ait potius argentum in iis adhiberi quàm aliud metallum, quòd color argenti clarior sit & diei similis, ideoque militaribus signis familiaris.

Numismatis vox suâ origine exiguam massam metallorum significat, cui impressa est figura quædam, quo sensu Juris-consultus in digestis lib. 7. cap. 28. de usufr. *Numismatum aureorum vel ar-*
gen-

genteorum veterum quibus pro gemmis uti solent, &c. Et talia quidem ex collo pendula gestabant, vel religionis vel venerationis causa: usque adeo ut crimini læsæ majestatis imputaretur, tempore Tiberii monetas ejus lupanaribus inferri.

Pecuniæ vox secundum Plinium & A. Gellium originem ducere videtur à pecoribus, quorum imagines referebant pecuniæ. Ejus sunt hæc verba lib. 20. *Urgente bello, unciales cum nota Fani bifrontis & rostris navis & alii effigie pecudum unde PECUNIÆ dictæ, signati fuerunt, cujus notæ & ponderis antiquissimos vidi & appendi.* Sic brevius Plinius lib. 33. c. 3. *Æs signatum est notâ pecudum unde & PECUNIA appellata.* Referebant autem antiquissimæ monetæ, Plutarcho teste, in vita Publicolæ; figuram bovis, ovis, vel porci.

Ex qua consuetudine multa legum antiquarum pecore constat, etiam Romæ, inquit Plinius ibidem. Præterea legitur apud Varronem l. 4. de Ling. Lat. Pecuniosus

niosus à pecunia magna: pecunia à pecu: à pastoribus enim horum vocabulorum origo.

Et quia tum characteres tum figuræ expressæ de pretio & autore pecuniæ admonebant, factum est ut MONETÆ dicerentur à monendo, si Festus benè monet. Atque hinc Triumviri Monetæles qui pecuniæ flandæ feriundæ præfecti erant.

Græcorum νόμος, quod Latinis *lex*, locum dedit Latino NUMMI vocabulo, eò quòd nummus valeat, & φύσις, αἰδὰ νόμῳ; *non naturâ sed lege*, sive, ut Aristoteles loquitur *lib. 5. Ethic. cap. 5. ἐξ ἐπιθέσι*, *ex hominum instituto*. Ad quam originem attendentes malunt simplici consona mediâ, quàm geminata scribere, *Numus*, non minùs ac Numisma scribitur, quasi à νόμισμα. Et Monetarii quidem variis characteribus suisque nominibus inscriptis, bono publico, cavebant, ne quid fraudis committeretur, & adulterina pro legitima vendicaretur, cujus sponsores censebantur. Audiamus Varronem *l. 4. de Ling. Lat.*

& Pollucem, *lib. 9. cap. 6.* Nummus videtur Romanorum nomen esse: est autem Græcanicum eorum qui in Italia aut Sicilia Dores habebantur.

Græcorum *χρῆμα* usum monetæ designat, eumque necessarium, ab impersonali *χρῆν oportet*, eò quod ad omnes vitæ humanæ necessitates conducatur: Quamvis sint, qui à *χράομαι* utor arcescant ejus *ἔτυμον*, eodem argumento. Qua tamen utraque significatione, moneta cum Numismate videtur confundi.

Romæ viculi erant, sigillaria dicti, quòd ibi omnis generis imagines, figuræ, Numismata aurea, argentea, ænea & ex terra cocta, venalia exstarent, communi nomine *sigilla* dicta. Referebat locus ille forum quoddam, ubi curiosis volupe erat oculos animosque pascere. Fortè ille ipse vicus est, quem adhuc dum, sua lingua *strada delle coronarie* vocitant. Hadrianum Imp. *sigillaria amicis inopinantibus misisse, & ab his liberaliter accepisse*, Spartianus tradit.

CAPUT IV.

De jure cudendi Monetas & Numismata.

Inter cives Romanos pluribus autoritate publica indultum erat imagines Majorum, in usus familiæ suæ asserandos, adornare, quod *Jus* vocabant *Imaginis*, quadantenus cum jure nostro *Insignium gentilitiorum* conveniens, cum primis eorum, quæ coronide aliisque ornamentis sunt conspicua. Quod quidem jus nulli temerè concedebatur; non sanè promiscuè hominibus privatis, sed privilegii loco ducebatur teste Plinio: *Effigies hominum non solebant exprimi, nisi aliquâ illustri causâ perpetuitatem merentium.* Etenim, & loquitur Ennodius, *Per hæc simulacra nesciunt obitum vel sepul- ti, in æternitatem migrat per has artes imago mortalium, & angustam humanæ naturæ legem vincit industria.* Uti interim res quævis præstantissimæ in varios abusus degenerant, ita à temporibus Plinii sensim accidit, ut Romæ non pauciores numera-

merarentur statuæ quàm homines, arte non minùs in fingendo, quàm natura in formando occupata. Ut Cassiodorus non veritus fuerit affirmare, *Tot ibi statuas fuisse, ut posteritas parem populum cum arte dederit, quàm natura procreaverit.*

Jus vero cudendæ Monetæ arctioribus cancellis circumseptum erat, nec nisi ad Principes pertinebat, aut saltem paucis aliis ab iisdem indulgebatur. Florente Republica Rom. monetis præpositi magistratus ex Senatus consulto Deos Deasque, Romam frequenter, ac Majorum suorum imagines, triumphos, præclaraque facinora signavere. Cæsares postea summa rerum potiti, privilegium affinibus, cæsaribusque designatis concesserunt: Potior tamen illorum pars, parentes, uxores, sorores, honore tanto dignati sunt; ut Augustus Liviam; Caligula Agrippinam, Drusillam, Juliam; Claudius Massalinam & Agrippinam; Nero Octaviam & Poppæam, Titus & Domitianus Juliam, alii plurimi plurimas alias, quorum Numismata
in

in meis recenseo. Cænis Vespasiani amasia, & ad hujus exemplum Martia Commodi, eundem honorem, si non meruerunt, saltem impetrarunt. Hadrianus ipse Antinuum catamitam suum quibuscunque honoribus exornaturus, Moneas & Numismata ejus memoriæ consecrasse, quin & tandem inter Deos retulisse, legitur.

Et quamquam in suos hac ex parte essent valde liberales, hunc tamen honorem Regibus extraneis, sive fœderatis sive tributariis invidebant ut aureis monetis imagines suas exprimerent. Imo nec magnis Persarum Regibus utut potentissimis id licuit. Reges tamen Galliarum, declinante Rom. Imperio, virtute sua, hoc jure & privilegio potiti, illud ex propriis aurifodinis excolere ad usque splendorem & invidiam norunt. *Procop. lib. 2. de bel. Goth.* Quin imò Anastasius Imp. omni jure, quod sibi in Gallos competere potuisset, cessit; & in inclytum Regem Clodoveum transtulit, à quo tempore soli Galli cum Romanis,
mo-

monetas aureas percusserunt. Et narrat Zonaras, Leontium Imp. Justiniani Præfectum exercituum, fœdera pacis cum Arabibus rupisse, eò quòd tributum monetâ aliâ, quàm quæ Imperatoris effigie erat signata, penderent.

Historiam verò paulò altius repetituri, inveniemus in *Machabæorum libris*, indulgisse Antiochum populo Judaïco peculiare quoddam monetæ genus. Populi contrà Græci, qui liberi pro arbitrio cudabant monetas, sub jugum alieni imperii missi, tenebantur victoris sui Imperatoris Rôm. imagine monetas suas signare, quas tamen paucissimas argenteas, omnes verò æneas percutiebant, ut suspicio sit, jus aurum signandi, apud eos non viguisse.

Posteris temporibus, jus monetæ supremo magistratui sanctè fuit adservatum, nec concessum ulli, nisi quem merita haut vulgaria Principis benevolentia & tanto honore dignum præstabant. Sic Ludovicus XII. nostrorum Regum, meo judicio, optimus, hoc ornavit privilegium.

vilegio strenuissimum fortissimumque Trivulcium Gallix Mareschallum. Affine Christianissimorum Regum suis symbolis frequenter monetas percuti curaverunt. Blanca Castiliensis, Sancti Ludovici mater exstat in aureo nummo: Joannes Dux Biturigenfis, Frater Caroli V. sapientis vulgò dicti, Burgundix Ducis, Delphinatumque reguli, idem sibi jus arrogarunt. Et inter M. S. codicis curix monetarum Gallix, adservatur etiamnum regium Lud. Hutini edictum 17. May, 1316. quo Præsulibus quibusdam Baronibusque jus illud asseritur, simulque Regi integrum relinquitur & aversæ & adversæ faciei pondus, metallum typusque definire; quod quidem jus expiravit, ex quo Reges illud sibi pretio compararunt. Chopino etenim adferente Robertus Artesiensis Comes Bello-riensis, suum jus sex millibus librarum Regi vendidit. *Ex thesauro commentariorum vulgò des chartres, 12.*

Paganorum exemplo sua symbola monetis imprimendum moti Imperatores Chri-

Christiani suæ pietatis , & venerationis esse duxerunt Servatoris nostri JESU CHRISTI imagine Numismata sua insignire , hâc additâ epigraphe : ΙΗΣΟΥΣ ΧΡΙΣΤΟΣ ΒΑΣΙΛΕΥΣ ΒΑΣΙΛΕΩΝ. Quin etiam eodem pietatis affectu , crucem gemmis distinctam hac ornârunt inscriptione : IHS XPS NIKA , *Jesus Christus victor.*

CAPUT V.

De Monetæ & Numismatis differentia.

Contractuum & negotiationum necessitas etiam monetæ usus fecit necessarios, ut suppeteret quod pro re emptâ venditori confestim numerari posset, permutationibus multùm de pretio rerum diminuentibus, quòd nummi sive monetæ subsidium, quia commune est, & in usu vulgari positum, minùs sanè æstimatur, quàm decet, & usus ejus, quem in societate civili constat, exigit.

Numismata quidem tanti usûs & necessitatis quotidianæ non sunt, interim

tamen plus afferunt oblectamenti ac delectationis. Monetæ præter intrinsecum metalli pretium nullo pollent valore, dum Numismata gloriosis Heroûm actionibus immortale decus, charactere suo, conciliant.

Quæstio interim haud levis in utramque partem agitata hîc suboritur; an monumenta illa antiqua, quæ Numismatum nomine veniunt, in cimeliarchiis adseruata, olim monetarum usum in contratibus præstiterint. Quamvis autem plures iique doctissimi prioris sæculi Viri Numismata in censum monetæ aut pecuniæ non venisse sibi persuasum habent, attamen probatum reddam, Numismata hæc etiam monetarum ac pecuniarum loco habita, neque nomen illud suum aliunde, quàm ab antiquitate mutuata, adeo ut Numisma nil sit jam aliud, quàm *nummus antiquus*.

Numismata omnium antiquissima quæ nostra cimeliarchia exornant Græcorum sunt, quorum pleraque monetæ Daricæ, aut Philippicæ nominantur, eò quòd Da-

rii vel Philippi imaginibus sunt insignitæ.

Retulit acceptis regale Numisma, Philippos

Horatius Lib. 2. Epist. 4 Artemidorus refert somnium Stratonici de Rege à se prostrato, cujus imago insculpta esset monetæ ad pedes suos jacenti. Senatus Populusque Romanus inter summos quos Dictatori Jul. Cæsari decrevit honores, jussit effigiem ejus vulgari monetæ insculpi atque sic in tritos usus venire. Suetonius de Augusto refert cap. 24. *Tantam fiduciam fati eum habuisse, ut thema suum vulgaverit, nummumque argenteum nota sideris capricorni, quo natus est, percussisset.*

Νόμισμα illud τὸ κήρυξ, Numisma tributarium, quod Judæi tempore Christi pendebant Cæsari, Cæsaris imaginem & inscriptionem continebat. Seneca pariter & Tacitus asserunt tempore Tiberi criminis læsæ majestatis loco habitum fuisse, si quis in lupanar, monetam Cæsaris imagine signatam, intulisset. Et Philostratus, *in vita Appollonii* observat, Dominum quendam supplicii capitalis

reum fuisse actum, quòd servum, monetam talem manu fortè tenentem, percussit.

Dio refert Senatus-consulto cautum fuisse, ut omnia Caligulæ Numismata in detestationem immanis exercitæ Tyrannidis colliquerentur, quo procul dubio factum est, ut rariora supersint. In cimiarchiis nostris plures reperias Neronis nummos cytharædici habitûs notâ percussos, ut legere est apud Suetonium, cap. 25.

Tradit Xiphilinus, jussisse Vitellium, monetas prædecessorum suorum imaginibus signatas, in communem usum adduci. Herodianus refert de Septimio Severo, cum, ut palàm testatum faccret, se Albinum sibi imperii socium junxisse, monetas & statuas faciem ejus referentes procurasse: Νομίσματα Αλεξίνος κοπῆναι ἐπέτρεψε ἀνδραγάντων τε ἀνάσσει. Et Alexander Severus habitum Alexandri M. mentitus, sese in nummo signari jussit. Et Diadumenus, Lampridio teste, cum ad Cæsaream dignitatem evehus fuisset.

fuiſſet , hoc primum ſibi præſtandum duxit , ut nummum ſuâ facie inſignem percuteret.

Litteræ Gallieni & Claudii Imp mentionem faciunt monetarum aurearum , quæ Valerianæ ab imaginibus inſculptis , & Saloninianæ , vocabantur. Idem ille Gallienus dono dabit ſæminis ipſum ſalutantibus , Nummos imagine ſuâ figuratos Percuſſit & alios notâ Odenathi Perſas captivos tenentis , in altera facie , quibus titulo Auguſti ei conceſſo ſignificabat , ſe illum in imperii ſocietatem adſciwiſſe. Vopiſcus probat , I roculum poſitum imperio & majeſtate ſupremâ , eo quòd purpuram geſtirit & monetis ſui temporis Auguſti nomen fuerit inſcriptum. Cùm primum Trebellanus invaſit imperium , effigiem & nomen monetis vulgaribus inſculpiſit.

Imp. Juſtinianus , pro eo , quo propendebat in Belliſarium victorem & triumphatorem glorioſum , æquitate , ſummis eundem honoribus affecturus , in averſa nummi facie effigiem ejus

magnificâ hac inscriptione efformari iussit : GLORIA ROMANORUM , gloriam tot gentium devictarum , non minus ipsi ac sibi arrogans.

Codex Theodosianus meminit monetarum aurearum , imagines principum referentium , *lib. 12. tit. 7.* & Imperatores illi duo Valentinianus & Valens iusserunt nummos veterum Imperatorum , quotquot quidem suum constaret pondus & pretium , in quotidiano usu recipi. Theodosius & Valentinianus gravissimè conquesti sunt monetas Majorum suorum vix ac ne vix quidem acceptari.

Multi Historiorum referunt , Constantinum III Pont. Max excommunicato Imp. Leone III. cognonime *ἰκονομάχῳ* , populo interdixisse , ne Monetas effigie ejus signatas reciperent.

Imp. Phocas pessimè audiit ; apud Cedrenum & Zonaram , quòd majus pretium suis , quàm Prædecessorum suorum monetis , ut ut ejusdem ponderis & metalli statuerit. Paulus ICIus dicit , qui genui-

genuinam admittere recusat monetam Principis, lege Corneliâ teneri. Et plures dantur in Jure leges locique ex quibus luculentè constat, nummos communes imaginibus Imperatorum signatas fuisse. Ammianus certè Marcellinus observat, electo Imperatore, extemplò procusam fuisse ejus typis monetam, nomine atque effigie ejus insignem, tanquam publicum majestatis documentum.

Aristoteles docet Principum effigies ideo monetis esse insculptas, quò singuli certi essent de earundem valore & pretio: Unde Rex Theodoricus boni publici interesse dixit, Monetas haberi integras minimèque attritas. Hæc sunt Casiodori verba. var. lect. cap. 32. *Omniño Monetæ debet integritas quæri, ubi & vultus noster imprimitur & generalis utilitas invenitur. Quidnam erit tutum si in nostra peccetur effigie, & quam Subiectus corde venerari debet, manu sacrilega violare destinat?*

Et ut major constaret Monetæ venerationis, Pagani quidem Imp. Deam sibi

eandem finxerunt, quam frequenter ipsis nummis insculpserunt: Christiani verò hisce verbis insigniebant: SACRA MONETA AUGUSTORUM ET CÆSARUM NOSTRORUM. Repræsentabant autem tres Deas stantes, trutinas tenentes, quarum prima aureis, secunda argenteis, tertia æneis signandis consecrata censetur. Quò pertinet Triumvirorum Monetalium solemnis inscriptio, cùm officii sui rationem suis nummis inscriberent, quam his characteribus exprimebant: A. A. A. F. F. quasi illis sese sponsores traderent æquitatis monetarum suâ auctoritate proculsarum, Auro, Argento, Ære, Flando, Feriundo.

Tot tamque evidentibus argumentis omnino evinci arbitror, Numismata veteribus in usum Monetarum venisse: Neque hîc ero prolixior. Illud saltem præterire silentio non possum, quod Cassiodorus docet lib. 6. cap. 7. his verbis: *ut figura vultus nostri metallis usualibus imprimatur; monetamque facis de nostris temporibus futura secula commone-*
re. O

re. O magna inventa prudentum! o laudabilia instituta majorum, ut & imago Principum subjectos videretur pascere per commercium, quorum consilia invigilare non desinunt pro salute cunctorum. Insuper ut viri illustres ex Numismatis decus & famam aucupabantur, ita sperabant vicissim fore, ut ipsa Numismata ex imaginibus impressis immortalitate essent donanda, cum nullus sit secuturis sæculis Heroum historias lecturus, nisi pariter eorundem nummos vel ob solam antiquitatem in pretio esset habiturus: Quo nomine sane Numismata nobis vel maximè commendantur.

Neque tamen credi velim, omnia prorsus Numismata in usum pecuniæ & monetæ cessisse. Signa legionum cohortiumque Imperatorum imaginibus ex auro, argento vel ære erant decorata, pariterque & rebus ab ipsis insigniter gestis. Et illa quidem monumenta quæ S. C. notâ carent, mole atque pondere ita conspicua, vix inter monetas recensenda sunt, cum potius probatæ monetæ sint testi-

monia, aliis de causis percussa. Eorum speciem, meo quidem iudicio, referunt hæc donaria, quæ Gallis monetariis *Pieds-forts* dicuntur; normam enim ut alteram Polycleti, tradunt *pedis* nomine vulgò declaratam. Utraque hæc opinio probabilis apparet, neque verò officit menti nostræ, superiùs fusè explicatæ, quâ censemus omnia Antiquorum Numismata monetæ loco habita, exceptis iis, quæ formâ longè maiore ponderosioreque, à Gallis *Medaillons* nuncupantur, de quibus infra, cap. XIX.

CAPUT VI.

De diversis Numismatum materiis.

Metalla, eò quòd sola essent fusilia pariter ac sculptilia ævumque duratura, materiam præbuere Numismatis & Monetis. Tria autem maximè in hos usus veniebant, Aurum, Argentum, Æs, de quibus sigillatim. Dionysius Syracusarum tyrannus stanneam percussit monetam, Aristotele teste. Quod & in Lybia Indiaque usurpatum etiamnum tra-

tradunt Historici. Verumtamen , quia mixtura stanni & argenti occasionem præbuit hominibus privatis , monetas adulterandi , factum est , ut Romani monetis hisce usu communi interdicerent. *Eadem lege exprimitur , ne quis nummos stanneos , plumbeos , emere , vendere dolo malo velit. Dig. lib. 8. 4. 10. leg. 9. §. 2.*

Et quamvis hæc eadem lex interdicat pariter usu nummorum plumbeorum ; constat tamen Romanos quandoque iis usos. Est mihi Numisma tale , in *Fam. Rom. pag. 207.* descriptum , in quo C. PEDANI. Est & aliud Neronianum in quo IMP. NERO CÆSAR & facie averfa PAULLIN. Præter illud Claudii in quo IO IO SAT , aliumque nummum Britannicum Carausii , cum hac epigraphe EXPECTATE VENI.

Vocabulum *Nummi plumbei* apud veteres scriptores sæpius occurrit , ita Plautus , in *mostellaria* : *Tace tu , faber , qui cudere soles plumbeos nummos ;* ut trilinguis ille eruditionis Phoenix Erasmus non du-

bitarit *Nummum plumbeum* pro *minimo pecuniæ* proverbialiter afferre. Idem Plautus, in *Casina*: *cui homini peculi nummus non est, nisi plumbeus.*

Veteres Britannicarum insularum incolæ ferreis usos monetis, testis est omni exceptione major Julius Cæsar, *Comm. 5. de bel. Gall.* quod idem de Clazomeniis afferit Aristoteles in *œcumen. lib. 2.* & Plutarchus in *vita Lycurgi & Lysandri*, de Lacedæmoniis, his verbis: *Spartæ Nomisma utile abolitum est, cujus mina Æginensis quatuor asses æreos valebat.* Ut & Pollux de Byfantinis.

Savotius noster mentionem facit Monetæ Romanæ, quam ferream fuisse probat, quòd à magnete attrahi visa fuerit. Verùm ego existimo adulterinam potius fuisse falsarii cujusdam, quam autoritate publicâ proculsam.

Deficiente verò materia metallica aut languente Monetariorum industriâ, alia in monetæ vulgaris materiam adscita leguntur, ut fuere terra cocta, electrum nigrum, gagathes, lignum, cortices arbo-

arborum, chartaceum, sal, conchyliæ, nuclei, filices, murrhina alba, quorum aliqua penes me conspicua sunt. Verumtamen ista nec satis usibus quotidianis commoda, nec nisi egestatis sublevandæ causâ inventa, barbaris tantum gentibus, rerum ignaris aut laboris impatientibus, usitata. Lacedæmonios *Numismate coriaceo* usus fuisse docet Stobæus, serm. 145. quod idem apud Senecam scriptum legitur, de benef. l. 5. c. 14. *Æs alienum habere dicitur & qui aureos habet, & qui corium forma publica percussum, quale apud Lacedæmonios fuit, quod usum numeratæ pecuniæ præstat.*

Urbes obsidione diuturnâ cinctæ & ad pecuniæ egestatem reductæ nummis ex varia materia suppositiis, certo tamen charactere, fictoque pretio, legitimum excedente, signatis utebantur, qui quidem militibus præsidariis civibusque obtrusi, eâ tamen lege ut magistratus obsidione solutâ, eodem quo protruserat pretio, ab iisdem recipere teneretur. Inter plurimos hujus generis ostendere licet qua-

quatuor æreos vario emblemate pretio-
que Cazali signatos, cùm illam, defen-
dente Toiracio, Galliæ ut vocant Mare-
schallo, oppugnarent Hispani.



Copiam hîc facere lubet alteriusadmo-
dum spectabilis ex spissiore charta con-
fecti, an MDLXXIV. Hispanis Lugdu-
num Batavorum diuturna obsidione cin-
gentibus; cui pretium quatuordecim so-
lidorum erat addictum. Neque verò ani-
mus est fusiùs umbratiles hosce nummos
persequi; Qui plura ex his desiderat, e-
gregium opus consulat cui titulus est,
Curieuses recherches des monoyes de France,
par Mr. de Bouteroüe Conseiller &c. Nos ad
alia properamus.

CAPUT VII.

De Numismatibus aureis.

Frequentes sunt in aurum investivæ, tanquam omnis avaritiæ scaturiginem dum interim sine sua culpa malè audit; fonte omnium vitiorum non in auro sed in nobismet ipsis existente. Immoderati sunt affectus nostri, nimis sollicitè atque per fas & nefas auro inhiantes, quod ejus ope se consecuturos sperant, quidquid desideriiis ipforum blandiri potest. Interim aurum in se consideratum, excellens quidpiam & admiratione dignum est, sive metalli hujus colore, sive partium unionem, soliditatem, aliasque ejus virtutes spectes, quæ ipsum inter tot metalla aliave corpora unicè ab omni corruptione & diminutione immune præstant.

Nequit immutari nisi apparenter admixtione alius metalli, dum interim ipsa massa metallaris auri nomen retinet, numero saltem graduum, designandæ puritati,

tati, adscito. Ita enim aurum purissimum
omnisque mixtionis expers, commu-
niter viginti quatuor graduum habetur,
(quos nomine ab Arabibus mutuato *ca-
rattos* vocant) & gradus puritatis pro
quantitate albi & rubri metallo com-
mixti diminutionem patiuntur. Sunt
hæc nomina quibus communiter argen-
tum & æs distinguuntur: ita ut una quar-
ta albi pars, una quarta rubri, & duæ
quartæ auri invicem commixtæ, aurum
duodecim graduum constituent. Atque
juxta hos gradus examinanda veniunt
Numismata & monetæ.

Omniū autem antiquissima Numis-
mata aurea quibus fruimur, in Græcia
temporibus Philippi Regis Macedonum
& filii ejus Alexandri Magni sunt percuf-
sa: Sunt illa exstantiâ satis magnâ & ex-
quisitâ puritate; continent enim viginti
tres gradus & sedecim denarios, ut ad
summam eorum perfectionem ne quidem
dimidius gradus desideretur Philippus ille
aurifodinas prope Crenidas in Thracia
fitas, cū hætenus exigui essent proven-
tus,

tus; cura operisque adhibitis adeo pro-
vexit, ut mille talenta ex iis quotannis
perceperit: hinc amplissimis collectis o-
pibus, regnum Macedonicum ad luculen-
torem fortunam brevi evexit, & aureum
nummum PHILIPPICUM à se dictum
cudi curavit. Herodotus quidem l. 1. Ly-
dios *primos fuisse asserit qui nummum au-
reum argenteumque ad utendum percusserunt:*
l. 1. cap. 94. *Πρῶτοι δὲ ἀνθρώπων τῶν ἡμῶν
ᾧμεν, νόμισμα χρυσῆ καὶ ἀργύρῃ κοψάμενοι
ἐχρήσαντο:* At eorum nihil ad nostras ma-
nus unquam pervenit.

Romæ quidem cœperunt aurea Nu-
mismata cudi LXII annis post argentea,
testimonio Plinii, *lib. 3. cap. 3.* hoc est,
DXLVI. ab Urbe condita, *sceleris tamen
authore incerto*, inquit ille. Et Dio nos e-
docet proportionem inter aureas & argen-
teas eorum monetas: & aureas quidem
valuisse XXV. drachmis. Veteres quo-
que Historici communi consensu testan-
tur æquale fuisse drachmæ & denarii Ro-
mani pondus; neque est quod de ista con-
venientia dubitemus, cum etiam nostris
tem-

temporibus exiguum sit drachmæ & denarii discrimen. Etenim moneta aurea duodecim libellarum gallicarum cum dimidia, accedit ad pretium XXV. denariorum, unoquoque eorum pretium X. solidorum gallicorum adæquante.

Qui Reipublicæ præerant magistratus semper summum observarunt puritatis gradum (ut Monetariorum vulgaribus verbis utamur) & Imperatores qui iis succedebant non minùs erant ejus observantes. Cornelius Sylla Dictator, lege quæ ab ipso nomen Corneliæ acceperat, adigebat monetarios ut purissimum elaborarent aurum: quas constitutiones Augustus lege Julia & Imp. Tacitus renoverunt. Bodinus, *de Republica lib 6. cap. 3.* memorat probationem suo tempore Parisiis institutam, qua apparuerit aurea Imp. Vespasiani Numismata, ea fuisse puritate & bonitate ut Præsides rei monetariæ & aurifabri oculatissimi vix septingentissimam octogesimam octavam partem adulteratam deprehenderint.

At-

Atque ita aurum purum in usu esse cœpit, usque ad tempora Imperatorum Alexandri Severi, qui permisit ut quinta pars argenti quatuor auri portionibus admisceretur, de quo Lampridius ait, quòd pluribus monetis ejus imago fuerit repræsentata, cum ornatu Alexandri Magni, & iis quæ ex electro erant: ita enim vocabant mixturam quatuor auri & unius argenti portionum. Et quoniam in nonnullis rem monetariam correxit, quod nonnulli interpretantur quod æquaverit veterem monetam proportioni communis monetæ in tributum populi aut stipendium militum exolvendæ; inde Numismata ei tanquam **RESTITUTORI MONETÆ** consecrata fuere. Et certè successores ut & antecessores ejus leges illas monetarias tanta sanctitate observarunt, ut nulla moneta Romana nisi fictitia ex auro minùs puro reperiatur.

Dantur & aurea Numismata maximi moduli, magnitudinem communem excedentia: Verùm cum sint rarissima, in iis curiosè investigandis non ero prolixior;

lixior ; quin potius lectorem in cognitionem Numismatum quæ vulgò occurrunt adducam ; magnitudinem , characteres & genium percutientium paucis traditurus , simulque exhibiturus unum suo typo atque raritate summè conspicuum.



Ab altera parte conspicitur facies Imp. Septimii Severi; ab altera Princeps magnificentissimus inter filiorum par Caracallam & Getam confidet , & Dea Liberalitas sua tessera cornuque copiarum conspicua, thesauros ejus in populum largissimè effundit.

Licebit seriem monetarum aurearum Romanarum typis, inscriptionibusque ut materia nobilium contexere : Sexcentæ interim aut septingentæ exhaurient omnem curiosæ indaginis operam : Neque enim

enim ampliorem numerum observare mihi contigit, etsi frequenter ad Sacræ Cæsareæ Majestatis, Regis Christianissimi, Serenissimi que Electoris Palatini, hac in parte quoslibet, me judice, superantium, cimeliarchia frequenter admissio.

CAPUT VIII.

De Numismatibus argenteis.

U s que adco vilius argentum est auro, ut libra una hujusce ferè æquiparetur libris illius quatuordecim: veteri quippe ævo tantum decem, uti sic docet Livius. l. 38. *Pro argento si aurum dare nollent, convenit, dum pro argenteis decem aureus unus valeret.* Utrumque tamen Numismatum nostrorum materiam præbet pretiosiore. Et aurea quidem suo se pretio chariora & rariora reddunt, quò pauciores sunt, quibus est auri copia dum argentea manus plurium subeunt, & rerum antiquarum studiosis illustrissima dant historiæ veteris documenta.

Aurifabri gradus argenti *Denariorum*

no-

nomine insigniunt, ut ultimus isque perfectissimus sit duodecimus; sic ut vigesimus quartus auri gradus ejusdem puritatem absolvat, Arabico nomine *Carat* vulgò designatus. Argenteorum Numismatum veterum materia proximè accedit ad hanc ultimam metalli perfectionem, duodecimum scilicet denarium; demantur modò quæ sequioribus sæculis percussa: iis enim, ob universalem inopiam, argentum æri permixtum in usum venit. Nec ratio habeatur adulterinorum, avaritia quorundam in crimen publicum deducta. Hinc enim fit, ut, si quando Vulcano tradantur, magna oriatur fundentibus jactura. Quædam Græca laminam argenteam ostentant interiore sui parte nonnisi vel ærea vel ferrea, longè tamen plura Reipublicæ Rom. temporibus Imperatorumque. M. Antonius ferula censoria notatus est ab historicis, quòd laminis ferreis argentum superinduxerit, & publicæ monetæ locò esse jussit. Falsarii, monetæ veteris adulteratores, tenui admodum lamina argentea num-

nummos ex ære & ferro vestiebant, sed qui legitimorum characteribus erant insigniti: Ars illa nequissima, ingeniosa fraude adjuta, anceps fecit inter æra & lupinos iudicium, ut ipsi veterum Numismatum periti, de hujus monetæ antiquitate minimè dubitent, cum ferrum aut æs argento superinduto, typis veteribus cusum cernunt.

De tempore quo primùm Romanis in usu esse cepit moneta argentea, edocet nos Plinius, hist. nat. l. 33. c. 3. *Argentum signatum est an. v. c. CD. LXXXV. Q. Ogulnio & C. Fabio Coss. scilicet ante bellum Punicum quinquennio. Et placuit Denarius pro decem libris æris, Quinarius pro quinque, Sestertius pro dipondio & semisse.* Hoc equidem certum est, Denarium vulgò notatum signo X, literâ numerali, quâ Romani pretium decem librarum æris designabant, quo quidem ære utebantur, ut cap. XV. declarabitur. Quinarius sive Victoriatus signabatur V, numero Romanorum quinario. Sestertius signum sibi proprium vindicabat

C

compo-

compositum ex littera L geminatâ eâque dissectâ, addito S hac formâ ~~LL~~ S. Ille quidem Denarius, Q. Fabio Maximo Dictatore, valebat sedecim assibus, Quinarius octo, Sestertius quatuor, quod ipsum post Plinium edocent tres nummi mei, quibus gradus valoris seu pretii accuratè & eleganter sunt expressi. Ad. Occone porrò Antiquario celeberrimo se nunquam Sestertium cum nota LL S vidisse affirmante in epistola ad J. C. Amerbachium scripta. Discrimen non reticebo inter Sestertios & Sestertia. Illi singulos nummos indicabant, ita viginti sestertii decem quinarios seu quinque denarios continebant; viginti vero sestertia, sestertiorum millia viginti pendebant. Forte compendio loquendi in usum adducto, ut qui viginti millia sestertiorum voluerint indicare, imperitè primum dixerint viginti sestertium. Et cum ad nongenta sestertium millia pervenerant, negata ulteriori computandi ratione, alio compendio majore significaverunt, sic cum millena sestertium millia

VIII. NUMISMATUM. 51

millia erant exprimenda, decies sestertium sentiebant, ita unies, centies, milles. Exemplum est apud Ciceronem or. 3. in Verrem: Dionem Sestertium decies centena millia numerasse.

Sæpius autem illud pretium ad prisco-
rum temporum rationem reducebatur,
quod majus minusve semper remansit,
ad usque Imperii inclinationem. Æqui-
tatem Romanorum in cudendis mone-
tis indicat abunde hæc Plinii narratio
lib. 6. c. 22. *Anni Plocami, qui maris
rubri vectigal à fisco redemerat, libertus cir-
ca Arabiam navigans, aquilonibus raptus
præter Carmaniam xv die Hippuros portum
ejus in vectus, hospitali Regis clementia sex
mensium tempore imbutus alloquio, percon-
tanti postea enarravit Romanos & Cæsa-
rem: (hoc autem Claudii principatu
contigit) mirum in modum in auditis ju-
stitiam ille suspexit, quod pares pondere de-
narii essent in captiva pecunia, cum inver-
sæ imagines invicarent à pluribus factos. Et
hoc maximè sollicitatus à inimicitiam, lega-
tos quatuor misit, &c*

Referebant autem ut plurimum Romam, ut Deam, galeâ ornatam & averfa facie Castorem & Pollucem aliaque illius ævi numina. Postea exprimebant etiam Victorias, unde nomen nummis victoriatis: deinceps additi & currus triumphales, bigis quadrigisve instructi, unde *denarii bigati* & *quadrigati*, apud Plinium l. 33. c. 3. Sequioribus temporibus, Magistratus, rei monetariæ à Senatu præfecti, Deos suos, Majores item, triumphos & dignitates exprimebant. Neque tamen illis fas erat, effigies proprias insculpere, donec Pompejus id sibi obtinuit juris, quod ante eum ausus est nemo, & Julius Cæsar postea Senatusconsulto obtinuit, posterique Imperatores usurpârunt.

Numismata & monetæ communiter ex argento cudebantur omnibus ferè temporibus: sic apud Græcos Romanosve in usu fuit, ut & apud Hebræos, Gothos, & Manos, recensioresque gentes, quibus ^{ve} aurum minùs frequens, vel æs nimis vile sum est. De diversis
autem

autem gentium & temporum numismatibus argenteis sigillatim uno atque altero capite agemus.

CAPUT IX.

De Numismatibus Græcis.

Exstant Numismata græca temporibus Amyntæ Macedoniæ Regis cussa, quibus tamen omnino dari antiquiora, ut & ad nostra sæcula non transmissa, nulli dubitamus. Primitus imagines Deorum suorum repræsentabant, deinceps & Regum, quibus adulatio inter Deos locum dedit. Triplex autem metallum adhibebatur, de quo proin triplici Numismatum genere erit nobis paucis dicendum. De argenteo quidem primariò, de reliquis occasione hâc datâ, & ne deinceps recurrat dicendi necessitas.

Minimum ærei Numismatis vocabatur λεπτόν, quorum duo, vidua illa paupercula in gazophylacium reparan-

do templo Hierosolymitano, immisit. *Luc. 21. 2.* χαλκὸς illorum valebat octavam oboli partem, inde διχαλκός, τριχαλκός, τετράχαλκός. Sextam drachmæ partem adæquabat Κίδαλος Græcorum, quò fere & oboli pretium accedebat. *Hilar. in 17. cap. Math.*

Drachma erat moneta argentea sex obolorum, æquabatque pretium unius denarii Romani: Didrachma duorum: Tetradrachma quatuor. Erat & drachma, de qua in sacris paginis. *Luc. 15. 8. & alibi.* Audiatur *Plinius*, l. 21. c. ult. *Drachma Attica denarii argentei pondus habet.* Mina, quam illi Μνᾶ, duplex erat, Antiqua LXXV. & nova C. drachmarum. Neque verò quispiam minam aut talentum nomina monetæ reputet, qua utimur in commerciis, quin potius æstimum & pretium certum designabant, quod nonnisi multo græcarum monetarum numero pendi poterat. *Plut. in Solone.*

Talentum ergo Atticum complectebatur LX. minas & harum quælibet C. drach-

drachmas ; adeoque sex drachmarum millia , five ter mille libellæ nostrates conficiunt talentum Atticum.

Stater moneta erat aurea , ad duarum drachmarum aurearum pondus exacta , pretiūque adæquans viginti drachmarum argentearum : sed & stateres argentei dabantur.

Omnia hæc numismata hieroglyphicis & ænigmatis suis , unicuique provinciæ propriis , insigniebant. Sortilegi Delphi delphinum ob conformitatem nominis gerebant. Athenienses avem Minervæ consecratam , noctuam illam suam , procudebant. Bœotii Bacchum signabant , cum botro & cratere , ad vini sui copiam & excellentiam deprædicandam. Macedones efformabant Argyraspidum suorum clypeum , unde exercituum præcipuum robur. Rhodii repræsentabant caput solis , quorum colossus inter mundi miracula relatus Insulæ huic nomen immortale conciliabat. Paucis omnis magistratus volupe habebat , regionis aut urbis suæ insignia num-

mis vulgaribus exprimere: communiter quidem argento purissimo aut ære, quod ipsis erat vulgare, aurum verò rarissimum, ut præter aurea Philippi & Alexandri numismata, cætera quæ exstant, sint pauciora & parciora.

Dolendum sanè detrimentum quod historiæ ex deperditis omnis generis numismatibus græcis patiuntur, ex quibus si vel paucissima exstarent, multa haberemus comperta, de quibus apud Historicos altum silentium; multis etiam, quæ in fabulis vulgò habemus, sua constaret fides. Ut propterea tantò diligentius custodienda & rimanda quæ nobis residua sunt, quò plura periisse dolemus.

Conspicimus inibi viginti Regum quæ Macedoniæ, quæ Asiæ, quæ Syriæ, quæ Ægypti, quos regulos vocare liceat, capita; Legimus deinde nomina civitatum plusquam ducentarum, cum characteribus peculiaribus. Genuinam inde eruimus veterum geographiam, cum variis inventis ingeniosissimis, quæ

quæ posteris exemplo inservire possunt.

Hoc Numismatis genus antiquitatis gloriam præripit Romanis, nonnisi ad eorum exemplum, tanquam *πρωτότυπον*, effictis, & quod volupe omninò est, diversa sculpturæ præstantiâ, quoscunque rapiunt in admirationem: video ut multi græcos nummos Romanis præstantiores esse censeant insigni gravitate atque peritiâ. Alii contrà ab hisce superatos græcos opinantur, blando polito atque ad miraculum usque deducto artificio, sicque omnem græci Numismatis gloriam in romanum conferunt. Præstantissimi nostri temporis delineatores, litem hanc unà mecùm indecisam relinquere malunt, quàm detrahare his, quod arrogant illis, aut demere gloriæ illorum, quo horum laudes exaggerent.

Neque verò in antiquioribus Numismatis græcis recensemus quæ in honorem Romanorum, multo numero, sunt percussa: notum enim, Græcos cum tempore mores pariter mutasse; unde

nec mirum, eos alieno imperio subiectos, Romanis rerum Dominis adulari cœpisse, usquedum acerrimis contentionibus inter se certarent de gloria tum Imperatoribus Romanis tum etiam Genio Urbis, Senatus Populique templa edificandi dicandique, quod sibi perhonorificum ducebant..

A tempore autem deperditæ libertatis, cùm monetæ aureæ & argentæ usu ipsis esset interdictum, rarissimè aureas cudebant, æneis in vulgares necessitates adsciti, eâ formâ & modo, quo cap. XVII. declarabitur.

Difficultates quæ in disponendis ordine chronologico hisce Numismatibus, concinnandâque eorum perfecta serie tales occurrunt quales plurium conatus irritos fecere; donec Hubertus Goltzius Antverpianus eruditis sculpturis, Schottusque atque Nonnius descriptionibus elegantissimis studium longè facilius effecerint, quibus historiam Asiæ minoris, maris Ægæi insularum, Græciæ, Siciliæ, ejusque Italiæ partis, quæ olim

olim Magna Græcia nuncupabatur, illustrarunt. Sollicitâ curâ investigârunt coloniarum græcarum origines, quarum nobis monumenta supersunt, quibus apprimè nobis confirmantur, quæ de origine multarum urbium ad oram maris mediterranei exstructarum, Massiliæ cumprimis, apud Historicos occurrunt.

Numismatum græcorum duo genuina exempla hic subjunxi, quorum prototypos in meis numero. Alterum refert divinum Vatem poëseos & historiæ patrem, cujus averfa facies ortum ejus explicat.



Meletis fluvii nomen inscriptum legitur, à quo, quòd ad ejus ripas natus

crederetur Homerus, prius Herodoto teste μελισσηός dictus erat. Decurrebat is Fluvius prope Smyrnam, & Numisma Amastrianorum nomen fert, coloniæ, ut opinor, eò deductæ. Veteres (*Cicero pro Archia*) observarunt oppidulum, Homeræum dictum, usum esse vulgari moneta, effigie nomineque Homeri insignita.

Alterum Numisma famosam illam Cleopatram repræsentat quæ regnum plus amorum illecebris quibus Julium Cæsarem perstrinxit quàm natalibus suis



debet. Nomen & dignitas regia græcis characteribus exarata cernuntur, quibus in Syria & Ægypti regionibus, à
tempo-

tempore Alexandri M. utebantur. Aquila averſi nummi ſymbolum eſt ſupremæ majeſtatis, quippe avium rex. Cornu copię exprobratura videtur Romanis beneficium ingens, idque frumentarium, quo inopiã victûs preſſos affecit. Sed de his abunde in opere noſtro *de nummis ex ære mediocri.*

CAPUT X.

De Numismatis Romanis Conſularibus.

Inſtituti mei non eſt, Numismata conſularia omnia ſeorſim enarrare, juxta ſeriem temporum, quibus ſummarum penes Conſules erat: nec enim manuſcriptio noſtra patitur ad ſpecialia deſcendere. Hub. Goltzius ea vulgavit ordine chronologico, cujus tamen antiquiſſima omnium moneta, eum non niſi ab an. V. C. CCCCLXXXIV. repetatur, & nos ex noſtris vix dimidiam partem eorum quæ ipſe exhibuit, ſupeditare valeamus, placuit methodo

C 7 potiùs

potius Fulv. Ursini insistere, quâ omnia Numismata consularia, secundum Familias Romanas disposuit, quæque omnia vidimus, neque eo excepto **COCLITIS** nomen ferente ab Imp. Trajano restituto ad **HORATIAM** familiam relato, quod à nemine hujus sæculi visum investigatumque audivimus.

Duo autem maximè conatibus Goltzianis obstare video: unum est, quod plura videntur in genuinis reposita, quorum ectypos, neque nos, neque ullus alter prototypos vidit, quare ficta fuisse ab erudito viro, gravis est suspicio. Alterum, quod commentariis careant, quò fit, ut sitis potius excitetur quàm sedetur; Fulv. contrà Ursino desideriiis lectoris omninò satisfaciente. Uterque interim experientiæ consummatissimæ laudem à posteris meruit, eam certè, qua utriusque opera sibi, suo jure, prima in bibliothecis illustrioribus subsellia deponere videntur, inter septem primorum historiæ Rom. sæculorum scriptores.

Caterum

Cæterum Romani, ut superius dictum est, suos nummis cudendis præfiebant Magistratus, quorum operâ, successu temporis, trium metallorum æris, argenti, auri, usus invaluit, magnitudine diversâ, usque adeo ut & ærei nummi sub triplici formâ procuderentur: atque id præcipuè Augusti temporibus, eruditione, ingenioque priora quavis longè superantibus. Nummos autem consulares, quos ad mille cum triginta septem numeramus, ad septuaginta octo Familias Rom. redigimus, quibus & indies alii priùs incogniti accedere debent. Vidi equidem quadraginta duos aureos, septingentos quadraginta & unum argenteos, ducentos quinquaginta quatuor æreos, nisi fortè eundem repetitò numeravi, ad diversas Familias relatum. Exemplo sit nummus à Sepullio Macro, in Julii Cæsaris honorem, cusus, ad familiam JULIAM pariter ac SEPULLIAM referendus. Methodus interim nostra & facilior est & certè ad captum rei nummarie Tironum

num

num magis adornata, quâ antehac FAMILIAS ROMANAS EX ANTIQVIS NUMISMATIBUS exaravimus an. 1663. Parisiis impressas, quibus horum mille & triginta septem numismatum icones atque explicationes prodidimus. Quædam præterea à nobis observata sunt, illis data occasione inferenda summa nostra diligentia ne dicam industria ac felicitate comparata.

Vulgò autem numismatum consularium nomine veniunt, ea quæ stante Republica percussa sunt: quamvis talia præcisè dici non debeant, quasi à Consulibus solis omnia sint edita. Constat enim etiam jubentibus prætoribus, tribunis, imperatoribus & ædilibus nonnulla prodiisse. Potior pars eorum quæ primi duo Imperatores Jul. Cæsar & Augustus ediderunt, consularia dicuntur in ordine ad consulatum, unde suam potentiam mutuabantur. Paulò tamen post, dignitas illa consularis ita cœpit vilescere, ut & fortis infimæ personis facta fuerit communis.

Non

Non possum non profiteri affectum, quo hujus generis Numismata veneror, non tam ob antiquitatem & tot Illustrum virorum exsculpta nomina, quorum aliàs omnis periisset memoria, quàm ob insignia hieroglyphica illustraque facinora iis expressa. Conspiciendum se præbet Lepidus Consul à S. P. Q. R. Alexandriam missus, Ptolomæo pupillo præfectus, Regique deinde, eâdem autoritate, ut TUTOR REGIS coronam imponens, sicut fert typus octaviummigenis ÆMILIÆ. Videmus M. Antonium, gestientem affectum pariter ac formam Cleopatraræ suæ exprimere, & divinum sacrificii cultum non Ægyptiis modò, sed populis Asiaticis imperare, simulque posteros in parem libidinis vesaniam pellicere. Id quod plurima Numismatum ANTONIÆ familiæ præse ferunt. Est alius Familiæ JUNIÆ nummus, M Brutum ceu Virtutem à Fortuna oppressam referens, in cujus averso typo duo signati sunt pugiones quibus confectus J. Cæsar, pileusque liber-

libertatis symbolum in medio positus, quæ Cæsaris nece Romanis reddita credebatur, addito & die parricidii, EID. MAR. quas cavere jusserrat Mathematicus. Numisma est aureum Pompei M. à Sexto ejus filio in Siciliâ restitutum, cum Romanos proscriptos reciperet, quo coronam querceam, ob cives servatos, meritus est. In familia POMPO NIA videre licet Musas novem, cum Hercule suo Musagete, variis ornamentis. Atque, ut tandem finiam, in Numismatibus hisce consularibus, tot diversa numina, diversa sacrificiorum, triumphorum, ænigmatum & hieroglyphicorum genera conspiciuntur, ut qui his non capitur, ei ad omnem deliciarum suavitatem, quæ historiam, antiquitatem, eruditionem spectat, palatum obsurduisse necesse sit.

Unus fit plurium loco Nummus QUINTI ATII LABIENI PARTHICI MAXIMI. Cum ille à partibus staret Bruti Cassique, auxilia adversus Augustum Marcumque Antonium missus est.

est qui à Parthis quæreret, occidentis exercitibus opponenda. Sed auditâ ante adventum suum, Amicorum nece



ultimorumque Romanorum, maluit inter barbaros vitam agere, quàm Romanorum, quos tyrannorum loco habebat, crudelitati ancipitem sortem committere. Nomen interim sumens PARTHICI, antecessorum suorum exemplo, quibus volupe fuit à regionibus à se devictis arcessere agnomina, qualia erant Scipionum Africani & Asiatici, Metelli Numidici, Mummii Achaïci, Antonii Armeniaci &c.

CAPUT XI.

De Numismatibus Imperatorum Romanorum.

Inclytum Imperatorum nomen omnium ora & venerationem subit, quod tamen pauci penitus perspectum habent, multis maximisque quâ virtutibus quâ vitiis celebre. Adeò ista sæcula nihil mediocre, sed cuncta vel excellenter bona, vel impensè mala tulère: quod ipsum Numismata hæc actionum vel præclarè, vel turpiter gestarum indices apprimè designant, animos studiosorum excitantia pariter & recreantia. Sunt insuper communiora, jucundiora & facilia, à quibus, meo iudicio, initium cognitionis nostræ circa rem numariam fieri poterit.

Suppetunt nobis universa ab Jul. Cæsare ad usque Heraclium, ut & maxima copia aliorum à Principibus aut Tyrannis percussorum, cùm primum rerum summâ sunt potiti. Jus etenim imaginum

num monetis vulgaribus exsculpendarum statim à primis temporibus cepit in usum vocari : A Phocæ verò & Heraclii temporibus sensim periere artes & scientiæ elegantiores : Italiâ universa Gothis gentibusque aliis barbaris in prædam cedente, quibus majus erat armorum quàm artium & bonarum litterarum studium. Horum autem Imperatorum monetæ uti Imperii Rom. majestatem, ita & nostras series finiunt.

Jul. Cæsar primus ex illis fuit qui rerum potitus imaginem suam, titulo Dictatoris perpetui, Romanis monetis exprimi jussit ; quod ipsum Augustus imitatus, successoribus modum dedit abolendæ quod supererat libertatis publicæ, cujus illi ne umbram reliquam fecerant. Arrogabant sibi deinceps splendidos dignitate ut & autoritate titulos, quales erant Pontificis & Censoris, suppressis interim Dictatoris & Regis nominibus, quæ illi invidiæ declinandæ repudiabant : Autoritate quoque eorum munerum imminutâ, quæ
hæcte-

hactenus necessaria habita, qualia erant Consulum, Senatorum & aliorum.

Erant autem Numismata eorum prima ex argento puro si adulterina exceperis, quæ omnia conflasse Tiberium Imp. notat Xiphilinus è Dione, usque ad Severi & Caracallæ sæculum, quo illis admixta fuit æris portio, sicque deteriori metallo facta pejus exemplum successoribus iterum adulterandi præbuere. Crevit ita istud vitium, ut ejusmodi argenti ære adulterati libra nonnisi sexdecim Francis, ut Galli vocant, valeat, cum tamen ex argento puro quinquaginta & quatuor valuerit. Usque adeo tandem monetæ corruptæ sunt ut vix ab ære discernerentur, argenteæque apud Gallos non audiant, sed peculiari metalli mixti nomine, *billon*, subintelligantur. Diocletiani temporibus sequentiumque Impp. puritas monetis reddita est, pondere tamen & magitudine diminutis. Ærario enim ex bellis diutinis argento & auro fere exhausto, postremi Imperatores remedium præsentis inopiæ

inopiæ quærere tenebantur, ex veterum monetarum conflatione, & repercussione; inde rariores evasere, quàm quæ vigente imperio & sub primis Imperatoribus vulgatæ erant.

Illæ autem non solos modò Imperatores Rom. sed & uxores, patres, matres, fratres, sorores, affines, & interdum amasias repræsentant, quas nos Principum, quorum luce radiabant, Numismatibus subjunximus. Occurrunt etiam plurima Magnatum Numismata, quæ secundum temporum seriem, Imperatorumque suorum necessitudinem disposuimus. Brutum Cæsari, M. Antonium, Cleopatram & Lepidum Augusto subjecimus: Drusum Tiberio, Germanicum Caligulæ junximus, & siquidem belli duces exstitere, quos Romani Imperatores vocabant, inter IMPERATORIA Numismata vocare non dubitavimus. Quæ singula ut appareant luculentiora, en elenchum suppeditamus argenteorum nostrorum.

Cneus Pompejus Magnus.

Sextus Pompejus filius Cnei.

• Juba Rex Mauritaniae.

Juba filius.

Ptolemæus filius Jubæ filii.

• JULIUS CÆSAR I. Imp.

Marcus Brutus.

• Lepidus Trium-Vir.

• Marcus Antonius Trium-Vir.

Cleopatra Regina Ægypti M. Ant. uxor.

Lucius Antonius frater Trium-viri.

• AUGUSTUS II. Imp.

Livia Augusta uxor Augusti.

M. Vipsanius Agrippa.

Cajus & Lucius filii Agrippæ

• TIBERIUS III. Imp.

Drusus filius Tiberii.

Drusus frater Tiberii.

Antonia uxor Drusi.

Germanicus filius Drusi & Antoniae.

Agrippina uxor Germanici.

• CAJUS CALIGULA IV. Imp.

CLAUDIUS V. Imp.

• Agrippina uxor Claudii.

• NERO VI. Imp.

GAL-

- GALBA VII. Imp.
- OTHO VIII. Imp.
- VITELLIUS IX. Imp.
- Duo Liberi Vitellii.
- VESPASIANUS X. Imp.
- Domitilla uxor Vespasiani.
- TITUS XI. Imp.
- Julia filia Titi.
- DOMITIANUS XII. Imp.
- Domitia.
- NERVA XIII. Imp.
- TRAJANUS XIV. Imp.
- Plotina uxor Trajani.
- Marciana soror Trajani.
- Matidia filia Marcianæ.
- HADRIANUS XV. Imp.
- Sabina uxor Hadriani.
- ÆLIUS XVI. Imp.
- ANTONINUS Pius XVII. Imp.
- Faustina uxor Antonini Pii.
- M. AURELIUS XVIII. Imp.
- Faustina uxor M. Aurelii.
- VERUS XIX. Imp.
- Lucilla uxor Veri.
- COMMODUS XX. Imp.

D

Crispi-

- Crispina uxor Commodi.
- PERTINAX XXI. Imp.
- DIDIUS JULIANUS XXII. Imp.
Manlia Scantilla uxor Did. Juliani.
Didia Clara filia Did. Juliani.
- PESCENNIUS NIGER XXIII. Imp.
- ALBINUS XXIV. Imp.
- SEPT. SEVERUS XXV. Imp.
- Julia Domna uxor Severi.
- CARACALLA XXVI. Imp.

*Quo tempore monetæ non ex argento
puro sed æri mixto cudebantur.*

- Plautilla uxor Caracallæ.
- P. GETA XXVII. Imp.
- MACRINUS XXVIII. Imp.
- DIADUMENIANUS XXIX. Imp.
- ELAGABALUS XXX. Imp.
Julia Paula uxor Elagabali.
Aquilina Severa uxor Elagabali.
- Julia Mæsa avia Elagabali.
- Julia Soemias mater Elagabali.
- Julia Mammæa mater Alex. Sev.
- ALEXANDER SEVERUS XXXI.
Imp. Bar-

XI. NUMISMATUM.

75

Barbia Orbiana uxor Alexandri Sev.

• MAXIMINUS XXXII. Imp.

Paulina uxor Maximini.

• MAXIMUS XXXIII. Imp.

• GORDIANUS AFRICANUS pater XXXIV.

• GORDIANUS AFR. filius XXXV.

BALBINUS XXXVI. Imp.

• PUPIENUS XXXVII. Imp.

• GORDIANVS pius XXXVIII. Imp.

*Plus æris quàm argenti monetis illius
temporis inesse, notandum est.*

• Tranquillina uxor Gordiani.

• PHILIPPVS pater XXXIX. Imp.

• Otacilia Severa uxor Philippi.

• PHILIPPVS filius XL. Imp.

• TRAJANVS DECIVS XLI.

• HERENNIVS ETRVSCVS XLII.

• HOSTILIANVS XLIII.

• TREBONIANVS GALLVS XLIV.

• VOLVSIANVS XLV.

Herennia Etruscilla uxor Volusiani.

• ÆMILIANVS XLVI.

D 2

VALE-

• VALERIANUS XLVII.

Mariniana uxor Valeriani.

• GALLIENUS XLVIII.

• Salonina uxor Gallieni.

• Salon. Valerianus filius Gallieni.

• Licin. Valerianus frater Gallieni.

Cnea Cornelia Supera uxor Lic. Valer.

• POSTUMUS pater.

POSTUMUS filius.

*Numerus Imperatorum circa hæc tempora
exortus est, quos aliena victoria
Tyrannos fecit.*

• CLAUDIUS Gothicus.

QUINTILIUS.

• AURELIANVS.

Severina uxor Aureliani.

• TACITVS.

FLORIANVS.

PROBVS.

CARVS.

• CARINVS.

NVMERIANVS.

DIOCLETIANVS.

- CARAVSIUS.
- ALECTVS.
- JVLIANVS.
- MAXIMIANVS.
- CONSTANTIVS Chlorus.
- Helena uxor Constantii Chlorig.
- Theodora uxor Constantii C.
- GALERIVS MAXIMIANVS.
- Galeria Valeria uxor Gal. Max.
- GAL. VAL. MAXIMINVS.
- VALERIVS SEVERVS.
- CONSTANTINVS Magnus.
- Fausta II. uxor Constantini M.
- Crispus filius Const. M. & Minervinæ.
- MAXENTIVS.
- Magnia Urbica.
- Romulus Cæsar.
- LICINIVS pater.
- LICINIVS filius.
- DELMATIVS.
- CONSTANTINVS junior.
- CONSTANS.
- CONSTANTIVS.
- MAGNENTIVS.
- DECENTIVS.

- JULIANUS.
- JOVIANVS.
- VALENTINIANVS.
- PROCOPIVS.
- VALENS.
- GRATIANVS.
- VALENTINIANVS Junior.
- MAGNVS MAXIMVS.
- VICTOR.
- THEODOSIVS.
- Ælia Flaccilla uxor Theodosii.
- EVGENIVS.
- ARCADIVS.
- EVDOXIA uxor Arcadii.
- HONORIVS.
- THEODOSIVS junior.
- ÆLIA EUDOXIA uxor Theodosii
junioris.
- JOVINVS.
- SEBASTIANVS frater Jovini.
- IVSTINVS.
- IVSTINIANVS.

Illis temporibus regnare in Italia •ATHA-
LARICUS, THEODATUS, WITI-
GES,

*GES, TOTILAS, quos exhibent nummi
argentei.*

PHOCAS.

HERACLIVS.

Atque hîc terminum Numismatibus
Imperatoriiis juxtaque bonis litteris &
gloriæ Imperii Romani posuere Gothi &
Africani. Unum ex iis exponam, quod
alterâ sui parte Faustina, matrem, An-
tonini Pii conjugem, alterâ honores ei
habitos refert, dum matres, filias suas
tutelæ educationique, in spem ampli-
oris fortunæ, committere videntur; Et
ipsa quidem Faustina, quòd lubens eas
fufciperet, fponfionis pignorisque loco
suum nomen isti nummo inscribi passa
est, P U E L L Æ F A U S T I N I A N Æ.



Lucem nummo affert Julius Capitolinus, *in vita Pii*, his verbis, *Puellas alimentarias in honorem Faustinae Faustianas constituit Antoninus*. Quod idem videtur imitatus M. Aurelius in gratiam suæ uxoris junioris Faustinae.

Imperatorii hi nummi argentei parvo constant, si Pertinacis, Did. Juliani, Pescennii Nigri & Gordianorum Africanorum excipias, reliqui enim faciles sunt acquisitu, quibus nonnisi averfa facies, multo usu cognoscenda, pretium faciunt. Etenim integritas sculpturæque nummi, historiæ sublimitas & exiguum illud tempus quo Principes illi regnârunt, pretium ejus adaugent; quamvis Curiosi & Litterati nummos non ex sola raritate, sed vetustæ historiæ documentis præcipuè æstiment.

CAPUT XII.

*De Numismatibus Hebraïcis , Punicis ,
Hispanicis & Gothicis.*

Dubio procul Ægyptii ingeniosæ artis inventa etiam monetis & Numismatis suis expressere, quibus sperare poterant nominis sui gloriam, cujus tantopere fuerunt avidi, immortalitati consecratum iri. Hebræi artes quascunque sive à se profectas, sive ab Ægyptiis acceptas, multo studio excoluere; quin imò antiquissimos nummos ab hac gente recepisse nos verisimile est.

Talentis utebantur, quæ suâ linguâ *Chicar* appellabant, quorum unumquodque centum & viginti minas Atticas valebat, *Ezechiel* c. 45. 10. Habebant insuper minas suas Hebraïcas, *Ioseph* l. 14. c. 12. easque duplicis generis, quarum minor constabat centum viginti drachmis atticis, sive totidem libris Romanis; Major duplo pluris. Neque verò

D 5 talen-

talentum & mina certarum monetarum erant nomina, sed certas summas, pluribus nummis pendi solitas, designabant.

Siclus eorum argenteus valebat obolis Judaicis 20 aut bechiis duobus; (*Henschius de asse*) bechius duabus suzis; suza vel drachma vel darkemon, quinque geris; & gera, sex quasi solidis gallicis, *sols* dictis. Erat iis & siclus aureus, cujus sacrae litterae mentionem faciunt. *Job* 42. 11.

Siclus argenteus idem est cum denario Judæorum, quorum triginta adæ-



qua-

quabant præmium proditionis Judæ exhibitum, pro Servatore nostro J. C. *Math. 27. 3.* Referebat autem alterâ sui parte virgam Aaronis, hâc epigraphæ: IEROUSCHALAIM HAKKEDOUSCHA *Hierosolyma sancta*; altera verò calicem colligendæ mannæ, & in circuitu SCHICHEL ICHRAEL *Pondus Israelis, seu moneta.*

Plurima ejus exemplaria circumferri norunt qui has res tractant, quorum porrò nullum unquam antiquum videre mihi contigit. Suaviter quidem audio unum antiquum asservari pretiosè, apud PP. Hierosolymitanos in Escuriali, quod ab Imp. Carolo V. unâ cum incomparabili illa bibliotheca, nuper conflagrata, dono acceperant.

Punica Numismata dicitur primùm percussisse Dido Regina Carthagenensis: Etsi illius temporibus nulla exstent, exstant tamen illa quæ frequenti mercatorum commercio erant in usu, è quibus unum hic apponendum selegimus, rarum & notatu maximè dignum, quod alibi explicatum de-

D. 6. dimus,



dimus , *in nummis ex ære mediocri*,
pag. 15.

Ad Punicarum sive Carthaginensium imitationem exarârunt sua Hispani, tum temporis Carthaginis imperium passi. Sunt autem iis characteres peculiare ne-
mini hodie satis perspecti. Tentârunt vadium & exercuerunt ingenium non-
nulli, inter eos imprimis eruditissimus Archiepiscopus Tarraconensis Antonius Augustinus: sed vix videtur operæ pre-
tium reddere, quem proin Hispanis re-
linquimus, bene collocatæ fructus ab ipsis expetentes, dum interim ad Nu-
mismata Gothica pergimus.

Nomen hoc satis tritum rei antiqua-
riæ studiosis, quo omne antiquum, rude

ac

ac impositum designant. Numismata hæc Gothica infelicia sua auspicia arcessunt ab inclinato Imperio Romano. Gothi enim rerum facti Domini, Romanos Imp. æmulaturi suis typis & characteribus monetas procudebant, sed barbarie & crassâ ubique regnante ignorantia tantâ, ut vix quidquam contineant quod gratum esse possit. Artifices enim abjecto operandi animo, arma quibus se defenderent capeſſebant, sicque scientiæ artesque illustriores, non minus ac homines & regiones diram patiebantur depopulationem, ut ex iis nummis levia quædam & rudia monumenta nobis manserint residua, qualia sunt Regum quorundam, Atalarici, Theodahati, Witigis, Totilæ, Atilæ, quos veluti tyrannos, juxta Imperatores Rom. sui temporis, serie chronologica, collocamus. Rebus postea tristi pace compositis, omne cudendorum Numismatum artificium & conservandorum studium sensim periit; Barbaris rudi & leviter signatâ massâ, in usus vulgares,

contentis, cujus characteres & typos qui explicet, plusquam sit Oedipus. Nec metalli majorem habebant curam, cum argentæ monetæ plus interdum contineant ferri aut æris quàm argenti, aureæque exstent admodum dissimiles, ne quidem interdum argento & æri, quartâ auri parte admixta, à qua tamen aureæ denominantur. Ex his facile con-
jicere est, quantùm detrimenti patiatur istorum temporum Historia, paucis exstantibus comptioribus Numismatibus, quæ certè ei contexendæ aut illustrandæ non sufficiunt. Secus prima monarchiarum auspicia quæ ex ruinis Imperii Rom. surrexerunt plenius & planius comperta haberemus, si quæ cura monetarum & Numismatum illis temporibus fuisset.

CAPUT XIII.

De Numismatibus recentioribus.

Nunquam sanè excelsius fastigium
assecuta est industria humana
quàm

quàm Augusti tempore, qui gloriæ suæ partem haut postremam in scientiis & artibus, sive inveniendis sive adaugendis, reposuit. Sed pauci temporis hæc fuit felicitas, Gothis potiolem Europæ partem devastantibus, & ipsam Urbem urbium dominam, ad usque internecionem, delentibus. Sæculum tamen illuxit felicius, vestigia quædam veteris artificii repetens, ex quo Carolus Magnus tot præliis victor, tot regionum dominor, tot hostibus quæ extraneis, quæ domesticis debellatis, Parisina & Ticinorum academiis constitutis, *Pater litterarum* ipse litteratus dictus est, cujus quidem exstant monumenta haut contemnenda.

Bellis extrinsecis & intestinis, quibus Gallia vexabatur, ardor quo in artes & scientias ferebatur, nonnihil consedit, ad usque Franciscum I. bonarum litterarum restauratorem, qui magnifico actus spiritu, omnium ferè artium, linguarum, scientiarum Professores constituit Regios: quo ipso, omnes ferè Viros insigniter

signiter eruditos ex universa Europa pellexit, multis honorum & præmiorum ornamentis adfectos, æternam interim nominis sui famam adsecutus. Quem si fata, generosis conatibus, constituendæ inprimis Professioni historiæ veteris superstitem permisissent, melius & gloriosius de re nostra Nummaria ageretur, & plures certè ejus cognoscendæ studio ac admiratione ducerentur, pauciores contrà darentur imperiti ejus contemptores. Gentes interim aliæ hanc gloriæ partem satis studiosè sibi vendicarunt, constitutis in plerisque Germaniæ Academiis, cum primis autem Lugduni Batavorum, Professoribus historiarum, qui suo exemplo Christianissimo optimoque Regi Ludovico fortè occasionem dabunt vota Antecessoris sui Francisci I. adimplendi: atque uti, Regis ad exemplum totus componitur orbis, ita Galli tum demùm artibus & scientiis totos se dedere, ubi exemplo Regum suorum fuere accensi, ac ab iisdem operas suas haut parùm probatas, animad-

verre-

verterent : sic laudata crescebat virtus & immensum gloria calcar habebat. Ita enim pictoria, sculptoria, plastica, aliæque politiores artes majus sibi acquirere, Francisco I. regnante, decus, quàm sæcula priora, à prima regni Galliarum fundatione, conciliare valuerunt. Inde tot procusa Numismata, exteris gentibus imitationi inservientia, cum prius rariora exstarent & ætatis notâ carentia, postea tamen ad eam artificii & usus cultum deducta, quem vix superare ingenium humanum ulterius valebit. Varini opera exquisitissima, Autori suo perennaturam nominis famam pepererunt, & posteritati exemplum imitationis, quod tamen assequi vix valebit, relinquunt.

Complectimur autem ambitu Numismatum recentium quæcumque ab omnibus populis à dominatione Gothica fuerè excusa; inter quæ primas damus Pontificum nummis, quibus à centum quinquaginta annis, volupe fuit rerum à se gestarum memoriam nummis consignare.

signare. In Gallicis nostris expressas conspicimus Regum imagines, à Ludovico XII. *Patre patriæ* dicto, quo suo in subditos affectu etiam venerationem nummis suis conciliavit. Nec minus huc referemus varia Imperatorum Rom. Hispaniæ, Angliæ, Poloniæ, Sueciæ, Daniæ, Lusitaniæque Regum; & post hos Electorum Principumque Imperii Rom. Numismata. Quò & pertinere videntur monetæ aliæ nonnullæ, historiæ lucem fœnerantes, quales Italicarum multæ. Exemplo sit antiquissimum ex Numismatibus recentioribus, referens Carolum Magnum laurea corona redimi-



tum, quo Gallis suis felicitatem, ex litteris non minùs quàm armis, promittit.

mittit pristinae suae gloriae Gallicum Imperium restitutus, quod superiorum saeculorum barbaries ignorantiaque tenebris submerferat: dignum certe quod ex tenebris meorum loculorum, in lucem publicam protrahatur Numisma, quodque etsi plumbeum auro contracharum, aestimari meretur, Principumque cimeliarchio dignissimum.

Opus tamen Caroli Magni imperfectum mansisset, ni fuissent ex ejus successoribus, qui quod ipse feliciter cepit, pari felicitate absolvissent. Et quandoque Regnum Gallicum vix ad excelsius gloriae suae, per orbem terrarum diffusae, fastigium potest consurgere, ad quod incredibilis industria & potentia Regis nostri perduxit, quidni Numisma Imp. Hadriani cum elogio eidem tributo RESTITUTORIS meritis videri possit. Ejus enim opera, consiliis atque copiis, Turcarum tyrannum Europae inhiantem ORBIS CHRISTIANI bono repulsum, nemo nescit.



Ex tot Autoribus, qui in tradendis nummis recentioribus symbolisque explicandis, operam suam posuere, præcipuus est Jo. Jac. Luckius Argentoratensis qui quos ære expressit, idiomate latino illustravit, ab initio ad finem usque millesimi quingentesimi. Omisit tamen plures, quod fortè eos videre non contigit, & accesserunt à sæculi nostri decursu plurima, quorum haud exiguum partem oculis nostris reconditam tenemus. Opus tum demum omnibus suis numeris integrum & absolutum videbitur, ubi & Nummi à temporibus Caroli Magni sæculo superiori præmittentur, omissa eidem inferentur, & hujus sæculi illustriora subjicientur. Sumptus in tanti operis gloriam faciendi, quos ars typographica & sculptoria desiderat, ut hominis privati fortem ferè excedunt, ita Principis expectant & implorant munificentiam; quam si nobis propitiam sperare & experiri liceret, experiretur Orbis litteratus industriæ nostræ indefessæ specimen, fortè haut
con-

contemnendum : Prodirent certè Numismata, quibus imagines Heroum armis litterisque illustrium expressas cernere liceret, eorumque ferè omnium qui ab annis paulò minùs ducentis, natalibus, pace belloque clarì exstitère, quorum interim delineationes, gnauiter à tineis vindicatas, ad meliorem usum seruabimus.

CAPUT XIV.

De Calculis & Talismanis.

Calculi supputatorii, unà cum renascentibus, sub Francisco I. Rege, bonis litteris, suo se non ornatu tantum sed & eximio quem in supputandis rationibus & faciendo calculo (unde ipsis nomen) præstant usu, commendare sese ceperunt, & primitus quidem rudes erant nec signati, uti ex tabulis pictis antiquis patet. Postea, ornatûs gratiâ, signabantur, anno tamen non expresso, qui demum posteris temporibus

bus adjici cœpit. Quin & Reges, Principes, Magnates imaginibus suis illustrabant, nec minùs insignibus, symbolis, emblematis, quæ quisque sibi in familiæ decus, & actionum suarum gloriam tribuebat. Ad horum imitationem, alii quoque minorum gentium Dii, & sequioris fortis, liberalitatis suæ specimen edituri, calculos vulgârunt, quibus, si nil aliud, qualecunque tamen familiæ suæ monumentum posteris reliquere, quo non exstante, forte omnis ejus periisset memoria.

Est autem calculus vilior minùsque solemnis Numismatum species, minoris longè pretii, operæ, sumptusque. Conficitur ille, dum lamina ex auro, argento, aut ære intra duos typos commissa, vel malleo, uti olim, percutitur, vel rotulâ, quæ nunc quidem in usu est, procuditur: Dum interim alia Numismata aurea, argentea, ex metallo fuso & liquato primùm exprimuntur, dehinc, intra matrices posita repetitis ictibus percutiuntur imò reper-

repercutiuntur, tandemque elimantur
& lævigantur.

Pro cæteris autem in pretio habentur
vel qui referunt imagines virorum, me-
ritis aut natalium splendore, illustrium,
vel symbolis & emblematis utrâque facie
sunt insigniti, institutioni & recreatio-
ni nostræ haut parùm inservientes. Quin
& Principes aculeos calculis hisce infige-
bant, quibus alter altero se majorem
potentiolemque deprædicabat. Ita Phi-
lippus IV. Hispaniarum Rex, domina-
tionis suæ amplitudinem & uberes auri
ex India proventus ostentaturus, calcu-
lo inscripsit: HIC TAGUS ET GANGES:
Cui Rex Galliarum Ludovicus XIII.
hoc nomine Hispano impar (ejus quip-
pe imperium, mari, montibus Pyre-
næis, Alpibus, Rhenoque terminatur)
satis tamen argutè & apprimè alio calcu-
lo an. Christi MDCXXVI procuso, ser-
vato symbolo Hispanico, respondit;
HIC TAGUS ET GANGES. Oleam in-
terim in medio sculpsit, quam vitis uvis
luxurians undiquaque ambit, flaccescen-
tibus

tibus spicis ab utroque latere conspicuis; quo ipso soli Gallici fertilitas, quâ in Hispaniam oleum, vinum, frumentum (tria maximè necessaria vitæ hujus præsidia) tanquam è liberalitatis suæ penu & cornu-copiæ largissimè effundit, adumbrans tacitè simul Hispaniæ sterili auri fertilitate exprobratâ, quæ rei frumentariæ & commeatus desideria ex Galliis redimere necesse habet, Hispanorum Tago simul & Gange, in Gallorum granaria cellasque vinarias & olearias, effusis.

Collegia quaque & societates in vulgi usus magnam protrudebant calculorum vim, quales sunt qui à clero, à regni cancellaria, à supplicum libellorum rationumque magistris, ab ordinibus provinciarum, ab Academiis, à Secretariis regis, mercatorumque societatibus, aliisque pluribus prodiere, tandem ob immensam sui copiam, neglectim habitæ: quamvis symbolis suis & emblematis illustres, quorum supra duo milia diversi typi inscriptionisque exstant.

Saluberrima Facultas Medica Parisiensis, hoc ipso cudendorum calculorum privilegio gaudet, illudque quovis exercet biennio cum à candidatis donativum excipit. Gerunt communiter insignia facultatis medicæ, tres scilicet ciconias, lauri ramulum rostro tenentes, sole de cœlo illas irradiante. Aversa facies, insignibus Decani facultatis pro biennio, conspicua est; Et quia nonnulli loco gentilitii stemmatis, imagines suas expressere more eò laudabiliore quò antiquiori placuit, quod sub



calcem cæterorum opusculi hujus capitulum factitatum, calculum Facultatis medicæ subjungere, Parentis mei heu optimi facie insignitum.

Liceat porrò Calculis nostris adjungere Talismanos, ne quod ad Numismatum cognitionem accedit, penitus ignoretur. Quæ Græci Στοιχεῖα, Τελέσματα, Ἀποτελέσματα, vivos lapides λίθους ἐμψύχους, dixêre, Arabes *Telefmat*, Chaldæi *Thalmanaia*, Hebræi *Teraphim* *Hatalismaoth* & *Scata Davidis*, Latini atque ipsorum imitatores Itali, Galli, Hispani *Talismanos* nuncupant, futuris indicandis & prædicendis, malisque averruncandis & avertendis. *Salmasius* ad Flavium Vopiscum censet *Talisman* esse Græcam vocem, modico flexu in Arabismum detortam. *Talisman* est τέλεσμα, hoc est, τετελεσµήιον; ut sunt τετελεσµήιοι ἀνυλὶ, τετελεσµήιοι ἀνδράντες, & cætera hujusmodi. Ex metallis sæpiùs, nonnunquam etiam ex gemmis minorisque pretii lapidibus formabantur.

Religiosiores, & ad eorum exemplum hypocritæ, aliquando sanctissima Dei nomina ipsis insculpserunt: EL, *fortem*; ELOHA, *gubernantem*; ELOHIM,

providentem ; SABAOTH, *Deum exercituum* ; ELION, *excelsus* ; SUM QUI SUM ; ADONAI, *Dominum* ; IAH *Deum* ; SADDAI, *omnipotentem* ; JEHOVA seu *παρατάξιματον*, *omnium sanctissimum*. Interdum etiam Angelorum nomina signavêre, at præcipuè MICHAEL, *quis ut Deus* ; GABRIEL, *fortitudinem Dei* ; RAPHAEL, *medicinam Dei*. Nonnunquam versus aliquot è S. Scripturis, ut hunc Danielis : MILLIA MILLIUM MINISTRABANT EI : ET DECIES CENTENA MILLIA ADSISTEBANT EI. Maximè autem idiomatibus reconditioribus, ac præcipuè hebraïco.

Curiosiores Astrologi ex Talismanorum fabrica, characterum unione, numerorum combinatione, syderumque notis, mira vaticinabantur portendebantque : Præsertim si metallo Planetæ analogo, locisque aut populis sympathicè vel analogicè convenirent. Quâ ratione crocodili lapidibus insculpti sunt, coërcendæ eorum ferociæ. Crocodili imaginem plumbeam ad crocodilos repellent-

pellendos conflata, igne solvisse Achmed Ben-Tolon Ægyptius Calipha dicitur, ut ex Arabum monumentis docet Jul. Scaliger, *Exercitat.* 196. & Cardanus, *lib. 9. de Subtilitate.* Ita sibi persuadebant ex serpentum figuris, morsus eorum venenatos apprime sanari: Cùm, inquit Arabs Haly, *scorpio cælestis terrenis scorpionibus dominetur, & cælestis serpens terrenis serpentibus.* Et hæc sunt Veterum ἀγάλματα τὰ ζῶντα.

Commemoratur à Gregorio Turo-nensi, *l. 8. c. 33.* lamina plumbea, Parisiis è pontis cujusdam fundamentis eruta, serpente, mure & flammâ signata, quibus hoc Talifmano præcavebatur; rupta enim hisce malis viam aperuisse credita est.

Aureus Talifmanus alter, sèlibræ pondò, inter politos lapides, à rustico repertus est, Lugduni in Galliis, hujus sæculi initio. Illius ectypum ad me Parisios olim miserat, nunc ἐν ἀγίοις, R. P. Compain S. I. interpretationem explorans, quam uberiores reportavit.

à celeberrimo ejusdem Societatis R. P. Athanasio Kirchero, epistolâ Romæ, an. Chr. MDCLXVI. scriptâ, caput panno cinctum, characteresque ignotos ad magicum Gymnosophistarum Ægyptiorumque morem referente: Solebant quippe Dæmonum omnis generis nomina cuilibet analogo metallo inscribere, sicut argento lunares, auro solares, &c. quales fingeant EAPHIEL, THARDIEL, HAGEASTE - IOBOIM, RAPHAEL.

Ansam hinc arripuisse Magos autumno, vota interdum fuscipientes, interdum naturam provocantes, quorum vanitas portentissimis mendaciis plura pollicebatur quàm præstare poterat, formatio ubicunque magicis, insolentibus, & ridiculis characteribus, qui ideo nuncupabantur οἱ μαγικὰν τέχνην. Horum amplum proferunt testimonium, innumeræ gemmæ, annuli, lamina, & ipsa Numismata: Annulorum historiam exhaustisse videtur Fort. Licetus, libello, *De Annulis antiquis*. Plinius.

nus quidem l. 37. c. 9. Veneris gemmam Lunæ Solisve nominibus inscriptam collo appensam, hirudinis plumis, venenis resistere tradit.

Rhombi magici, & strophali Hecatici ad plures usus ab Antiquis excogitati sunt, de quibus Eusebius, in *Præpar. Evang.* 5. c. 7. Pindarus, *Pythionic. od.* 4. pluresque alii. Hos triplici Numinis jussu efformabant, ἐν Θεῷ pro divinitus; ἐν τῷ νόμῳ, pro juxta leges; demum ἐξ Ἀφροδίτης, seu Veneris decreto impulsu. Συμβολικὰ Δαιμόνων μορφαὶ ab Origene, *adversus Celsum* l. 4. appellantur. At præcipuè ea Talismanorum species quæ Iunx nominabatur, excitandæ complendæque veneri: Quod nomen motacillæ avi five σεισπυγίῳ nonnulli tribuunt. Unus pro omnibus erit Theocritus *Idyl.* 2. sagam suam fingens sic rogantem suum jungem: Iunx, Iunx, deduc in ædes meas istum juvenem: ἰὺ γέ, ἰὺ γέ, ἔλκε τὸ πῦρον ἐμὸν ποτὶ δῶμα τὸ ἀνδρα.

Scripsit Tzetzes, *Chiliad.* 2. *hist.* 6.

imaginibus ab Apollonio Thyanaeo fabricatis culices Antiochiâ expulſas & ciconias Byzantio, circa annum Chr. MCLXI. & Taliſmano ejusmodi, Charonis facie inſignito, Antiochiæ valvis appenſo, ſanataſſe illius peſtem. Prætermittendum non eſt Jo. Seldeni J. C. teſtimonium, *Syntagm. 1. de Diis Syris*. Is ſe habere ſcribit vetuſti authoris anonymi arabicè manuſcriptum codicem, in quo plura occurrunt de *Taliſmath*, in celebrioribus Orientis urbibus olim collocatis. *Atque omnium*, inquit ille, *horum Taliſmath autor ſeu artifex fuit Polonius ſapiens, quo Apollonius Thyanaeus intelligi creditur*.

Celeberrima fuerunt apud Ægyptios, Hori, Iſidis, Serapidis aliorumque Ἰδαο-Θεῶν ſymbola, à quibus fluxit illud ΦΥΛΑΞΕΤΕ ἀλεξητηρίῳ ἢ φυλακτικῶ inſcriptum, quem ex antiquo foramine, collo vel brachio appenſum, amuletumque creditum mihi conſtat. Quasi ad rei nummariae famam dignitatemque deſuiſſet

ars ipsa magica, quæ præstigia sua exequi non potuerit, absque Numismatibus: quippe quæ elementis, mineralibus, plantis, omnisque generis animalibus & syderibus ipsis persæpe usa est. De quibus audiamus Scaligerum: *Nihil, inquit, tam frequens est, quàm hæc ἐκτυπῶν in gemmis inclusa videre, etiam vetustissima. Ea nemo intelligit nisi qui facienda curavit, & frustra illis interpretandis opera datur. Quot enim verisimilia dici possunt, &c. Veteres hæretici præsertim Valentiniani & Marcosiani multa ejusmodi reliquerant quæ hodie in Antiquariorum loculis asservantur, cum eorum Deo ΑΒΡΑΞΑΣ.*

A quo quidem, ut obiter referam, ortum habuisse videtur amuletum illud hæmitritæo sanando, in quo magorum præcepto scribi debuerat, ut narrat Q. Serenus Sammonicus Gordiani præceptor, ΑΒΡΑΚΑΔΑΒΡΑ.

Religiosè quidem atque reverenter admodum, Sacri Officii Romani moderatores vetuerunt ne magici Talismanorum characteres publicarentur aut

innotescerent. Indictio quidem utar silentio, quo præterquam quod impiarum artium, vanarum, fraudulentarumque sum ignarissimus, Ibidi meo eripiam, quam lubenter susciperet calumniandi opportunitatem.

CAPUT XV.

De Numismatis æreis in genere.

In describendis numismatis, quâ aureis quâ argenteis, hætenus versati, tandem ad æreos delabimur, quibus & suum constare debet decus & pretium, quibusque tradendis eò lubentiùs insistimus, quò plus ad historias veteres illustrandas faciunt. Ut ut enim aurea & argentea suo se pretio commendant, fulgidoque splendore oculos perstringunt, operæ tamen pretium est longè maximum, etiam ab æreis rubiginem abstergere, & quidquid latet antiquioris & rarioris monumenti, in lucem protrahere. Etenim avaritiâ omnium ferè
tem-

temporum in aurum & argentum de-
 scendente, parcitum tamen æreis ob me-
 talli vilitatem, aureis & argenteis, cæco
 vulgi, in spem lucri intenti, errore col-
 liquatis, ærea magno numero nobis re-
 fidua facta gratulamur, & uti pretium
 illa aboluit, ita hujus materiæ vilitas
 ab interitu vindicavit: quin imò in-
 scriptionum elegantia plus videtur di-
 gnitatis iis conciliasse, quàm aliis pre-
 tium metalli. Nihil hîc mihi vel impu-
 dentiâ excidit, vel præconcepta opinio
 sinistri dictat: certa loquor, quæ cer-
 tiora facient Virorum litteratorum con-
 sensus, & quæ jam jam dicenda ve-
 niunt.

Sunt itaque Numismata ærea omnium
 ut antiquissima, ita & veneratione di-
 gnissima, eò quòd aurum & argentum
 non nisi post usitatum diu æs, in usus
 dicam an abusus, introducta videntur,
 jam dudum enim & verè Poëta,

*Nullum crimen abest, facinusque libidi-
 nis ex quo*

Paupertas Romana perit.

Romani ære utebantur, ab Urbe condita, quod æstimabant ex solo pondere, nullâ signatâ notâ, cujus testimonium frequens tradit Livius; Ejus sunt hæc verba lib. 4. *Indicibus X millia æris gravis, quæ tunc deliciae habebantur &c.* Et Plinius l. 35. c. 3. pariter ac Festus, de pondere libræ olim à Romanis imminuto, *Pöpus Romanus pressus ære alieno libræ pondus imminuit, & ut asses sextantario pondere ferirentur, instituit, ita quinque partes factæ lucri, dissolutumque æs alienum.* Regum Rom. sextus Servius Tullius, ovium boumque effigie primus æs signasse apud eundem Plinium legitur l. 18. c. 3.

Sunt qui primum æris signati autorem Janum tradunt, geminâ conjecturâ fulti; altera Athenæi, lib. 15. c. 19. *Fanum ferunt primum æreum numisma signasse: itaque complures ex Græciæ, Siciliae, Italiæque civitatibus in altera numismatis parte faciem bicipitem, in altera vel pontem vel coronam vel navigium.* Altera Macrobiï lib. 1. idem penè adferentis.

rentis. Alii (*Lactant. lib. 1.*) primum æs signatum à Saturno repetunt, qui mari in Italiam devectus, navim illam æri, memoriæ gratiâ, insculpsit, faciemque illam bicipitem, quam nos Jano adscribimus, esse Jani pariter ac Saturni contendunt. Sed dubiæ hæ sunt conjecturæ: nobis potius cum Ovidio videtur (*lib. 1. Fastor.*) æs imagine Jani à posteris signatum in honorem Dei sui benefici;

*At bona posteritas puppim signavit in ære
Hospitis adventum testificata sui.*

Audi Plutarchum (*in Quæst. Roman.*) Cur antiquum numisma ab una parte Jani bifrontis imaginem, ab altera navis aut puppim aut proram insculptam habet? An quæ vulgata est opinio, in honorem hoc fit Saturni, navigio in Italiam advecti. At hoc ei cum multis aliis est commune: nam Janus quoque Evander & Æneas mari in Italiam appulerunt: &c. Et D. Augustinus ludi cujusdam puerilis men-

tionem facit, in quo sublata in aërem moneta, cum in terram resiliisset, anticâ vel posticâ sui parte victoriam ritè conjicienti portenderet, quam vel capite vel navigio indicabant. Illum eundem mutatis solis nominibus, ob mutatos typos, usurparunt Galli *croix & pille* vocitantes.

Ausim asseverare, quidquid est cunctis Numismatis aureis & argenteis expressum, id omne in æreis signatum reperiri: Excipi tamen velim cos, qui à bis mille annis periêre, & nonnullos quos mihi habeo, singulare quid exprimentes, Deo bene fortunante, cum tempore divulgandos. Mille contra æreos numerare valeo, qui in aversa facie diversum quid ab argenteis & aureis referunt.

Toto illo tempore, quo Græciæ urbes Romano Imperio parvêre, æreorum nummorum, ingeniosis inventis illustrium, ingens numerus fuit proventus: Rarissimè unus vel alter ex argento, nullus prorsus ex auro cusus. Colonia

loniæ constitutæ & renovatæ in æreis plerumque ne dicam unicè, signantur, ut Geographia antiqua penitus ignoraretur, nisi æreorum numismatum plusquam septem millia indubitatæ fidei indicia ex monumentis exstarent.

Numismata ex modulo maximo omnia, paucis exceptis, ex ære sunt: Pepercit heic auro & argento vel ipsa Græcorum & Romanorum, aliàs ad luxum & superbiam composita, magnificentia. Neque verò exigua moles nummulorum aureorum & argenteorum non erat diversarum figurarum distinctè & omnimodè signandarum capax, uti contrà ærei Numismatis grandior forma quælibet admittebat argumenta, quæ quidem ingeniosa visa.

Diversas de pretio horum Numismatum æreorum sententias conciliare, hoc opus, hic labor foret. Temporum series, ingruentes Reipublicæ, pro temporum injuria necessitates, & fortè quorundam magistratuum sive æquitas sive avaritia, pretium modò augebant, modò

modò minuebant, pretio nummi, per appositum characterem, designato. Et quamvis omnia tam exactè supputari non possint, constat tamen monetam, quam à suo pondere *assem libralem* vocabant, fuisse omnium maximam. (*Rudæus de asse.*) In corpore juris, duodecim leguntur æstimationis seu pretii designationes diversæ, quarum quælibet fortasse monetæ peculiarem speciem constituit, globulis seu punctis intertextam signatamque.

As		XII. uncias.
Deunx		XI. uncias.
Dextans		X. uncias.
Dodrans		IX. uncias.
Bes		VIII. uncias.
Septunx		VII. uncias.
Semis	valebat	VI. uncias.
Quincunx		V. uncias.
Triens		IV. uncias.
Quadrans		III. uncias.
Sextans		II. uncias.
Uncia		I. unciam.

Nos

Nos dividimus monetas æreas pro magnitudinis diversitate in eas quæ sunt ex ære minimo, medio & magno. De quibus sigillatim ut & de nummis ex maximo modulo, quos Galli *Medaillons* vocant, rectius tamen inter Numismata, quàm monetas referendos.

CAPUT XVI.

De Numismatis Romanis ex ære minimo.

Quamvis magnitudo pulchritudinem & decus rebus conciliare videtur, minutiores tamen hi nummi pro majoribus minimè sunt contemnendi, modò typi elegantia iis sint pares, quo ipso & pluris faciendi, si quod in magnis est rarum & pulchrum, in parvis tanquam per compendium, artificio majori, exhibetur. Fatendum, non posse eos per integram seriem temporum deduci, ut medii æris numismatibus adjungere necesse habeamus; altero.

tero nummi genere alterius defectus, mutuâ quasi operâ, supplente.

Pretium quod Magistratus Romaniis constituerunt, non usque adeo ad amissim exigere licet: multa sunt, quæ tenebras offundunt, ut quòd in variis provinciis, mole, pondere, typo, & delineatione varii sunt percussi. Græcia hujus generis plurimos produxit character, typoque illustres; unde quod exigui erant, facilius in exteras regiones transportare licebat quàm majores, ex ære scilicet mediocri & magno.

Stupenda nobis superest vis eorum, qui à temporibus ultimorum Imperatorum cusi sunt, à Postumo scilicet ad Heraclium. Aureliani, Probi, Constantini M. Helenæ, Crispi, Constantii, Gratiani, aliorumque nonnullorum adeo frequentes ubique occurrunt, ut vix alii plures conspiciantur: Ut in eam opinionem descenderim, factum fuisse, ut, auro argentoque omni, diutinis adversus Gothos aliâque gentes barbaras bellis, exhausto, minutiores
hi

XVI. NUMISMATUM. 115

hi nonnulli ærei, facti sint necessarii, argentei verò & aurei adeo rari, ut nunc majoris habeantur, quàm vulgares, qui in ipso Imperii flore etiam longè ornatiores prodire.

Diversitatem fabricæ & delineationis numismatum ex ære minimo exhibeo, exemplis duobus infra positis: Quorum superius, idque satis tenue, imaginem Agrippinæ matris Neronis, sertum manu tenentis, refert, in quò distinctè apparet papaveris flos inter duas spicas;



& in

& in averſa , Diana venatrix , cui ad-
juncta nymphula , ſiniſtrâ caput cer-
vinum , ceu prædâ venatoriam , oſten-
tans. Inferius , idque multo ſpiſſius ,
exhibet faciêm Zenobiæ , Heroïnæ ,
Palmyrenorum Reginæ , quam Ode-
natus viduam reliquit , quæque nomen
Auguſtæ ſibi in nummo ſumpſit , ex
quo plures Provinciâs Romanorum ac
Perſarum ſubegit. Ipſa in militiam
concedebat , habitu ad prælium com-
poſito , militem oratione gravi pro con-
cione , adlocuta. Gloriari poterat de
legionibus ſuis , ex milite Romano com-
poſitis , qui ſuæ ducebant gloriæ , ſub
Principe generoſa , virtutibus & forti-
tudine inclytâ , ſtipendia mereri , ejus-
que auſpiciis aciem ſubire. Linguam
latinam ſatis callebat , Syriacam tamen
Perſicam & Ægyptiam felicîus , qui-
bus poſterius majori curâ incubuit ,
quòd crederet ſe à Cleopatra Ægypti
Regina ortum ducere. Bâ fertur fuiſ-
ſe caſtitate , quâ nunquam niſi prolis
cauſâ cum conjuge ſuo congreſſa fuerit.

Terre

XVI. NUMISMATUM. 117

Tempore belli, quod adversus Aurelianum gessit, Regina Orientis salutari voluit, plurimis ejus provinciis suo imperio adjectis. Pars exercitus ejus, astutiâ & largitionibus Aureliani, corrupta; pars pluribus congressibus, præcipuè autem ad obsidionem Palmyræ, confecta; ipsa ex fuga, quam sibi Dromade accelerare tentabat, retracta, ac in triumphum Romam ducta, quâ pompâ, pluribus gemmis torquibusque aureis fuit ornata aut onerata veriùs, ut vel adesset, qui ponderis parte eam levaret. Vixit deinceps in agro, aliquot miliaribus ab urbe, liberalitate Aureliani Imp. concessio, quem hodie etiamnum *il campo di Zenobia* aut *Concho* vocant: ubi & secundum iniiit matrimonium, quod familiæ Zenobianæ sortum dedit, cujus apud scriptores varios fit mentio. Ejus autem numisma inter rarissima reponitur, neque enim præter id quod possideo, aliud videre contigit, nisi Parisiis apud Ill. & Rev. Abbatem Seguinum Sti. Germani Antistitem,

tistitem, cujus fama per ora virum volitans luce mutuatitia mei præconii non indiget, suis radiis coruscans: Illud autem cum cæteris pretiosissimam suppellectilem antiquariam componentibus in manus devenit Regis nostri Ludovici XIV, quem Deus diu sospitet.

Plurimi Autores scripsere de Numismatibus ex ære minimo, nullus tamen opere satis integro. Adolphus Occo Medicus Augustanus, Germaniæ, suo sæculo, ornamentum, catalogum congeffit, qui tamen potius nummis enumerandis, quàm enarrandis & explicandis Imperatoribus Romanis inserviat. Trifanum Sanctamantius magnam eorum partem descripsit in commentariis suis historicis, plenius certè, quàm ullus alius scriptor Gallicus. In quo tamen fortè desiderari possit, quòd Numismata cuncta quæ novit non explicuit, neque etiam cuncta novit, quæ apud nos exstant: quibus si quis esset, qui nitidiorem cultum superadderet, opus exurgeret & argumenti dignitate
& de-

XVII. NUMISMATUM. 119

& descriptionis concinnitate, immortalitate dignum. Majus interim ei superaddi posset decus si iterum à nobilissimis heredibus editum, accessione Numismatum variorum, ex ejus M-S. locupletaretur, & ut sunt δευτέραι Φρονίδες σωφότεραι, ex iisdem emendaretur.

CAPUT XVII.

De Numismatis Romanis ex are medio.

Hæc sane sunt, quæ potio-
rem præ aliis curiosæ mentis operam occupent, siue Numina, siue typos, siue inscriptiones, siue colonias ex aver-
sa facie intueri lubeat: cum potiora visa sint quæ magistratibus offerrentur, quàm minora aut majora. Talia ab Ægyptiis, Syris, Asianis, Græcis, Macedonibus, Hispanis, Gallis, Insularibusque procusa, quæ magno numero possideo, id ipsum ad oculum exhibent. Et nummi quidem minimi non videbantur,
expri-

exprimendo subditorum in Principes suos affectui, sufficere: maximi verò, mole sua graves, usui communi minùs erant idonei, unde tot gentes diversis locorum intervallis, diversâque vivendi ratione & genio discreti, in usum tamen monetæ hujus mediæ mirificè conspirârunt. Uno heic nummo conjunctim expressa videas quæ in aliis non nisi dispersa reperies.

Originem edocent religionis Veterum, quam quælibet ferè gens sibi propriam sumserat, quâque Heröas suos vel legislatores & Imperatores venerabunda colebat, nummo eorum in vulgus emisso, sive imaginem sive res præclarè gestas exprimente. Amastriani signabant Homeri effigiem, cui ortum illa regio dedisse censetur Græci Achillem, Ilienses Hectorem, Lacedæmonii Lycurgum, Laodicenses Dracum, Mytilinæi Pittacum & Alcæum, Pompeiopolitani Chrysippum & Aratum, Coienses Xenophontem medicum. Sed ad Deos nos conferamus: Ephesii quam
singul-

singulari cultu prosequerantur Dianam, etiam nummis unicam ferè exprimebant. Cretenses Jovem inter se educatum; Ægyptii Nilum, Serapidem, Canopum, Jovem Hammonem, numina sua gentilitia figurabant. Perinthiorum nummi Bacchum; Atheniensium Minervam; Heraclidum Herculem, & Macedonum Alexandrum referebant; summum honorem suis Numinibus aut Heroibus superaddituri, si eosdem monetis & nummis suis exprimerent.

Nummi insuper æris medii, vel ob id venerabiles, quòd civitatum & multarum & amplissimarum historiam exhibent, quarum aliàs Conditores, antiquitatem, aliáque præcipuæ notæ ignorare necesse haberemus. Ascalon nobilis Palæstinæ civitas in sacris literis sæpiùs memorata, suis nummis Semiramidem reginam venerabatur, grates referens conditæ urbis. Cyziceni Cyzicum, Byzantem Byzantii, Tomitani Tomum, Teïenses Teium, Docimum Docimenes, hisce monumentis quæ
F omnia

omnia vidisse contigit immortalitate donarunt. Pari honore Berytus Phœniciæ civitas Cæsarem fundatorem, Augustum item & Agrippam restauratores suos afficiebat: ut alias præteream, ad parem Heroum suorum cultum, eodem argumento, animatas.

Phœnices navigandi artibus primi illustres fuere, à quibus illas acceperunt Græci, quas postea cæteris gentibus tradiderunt. (*Herodotus.*) Illorum ope colonias plures in Europam, Africam, Asiam & præcipuè Italiæ loca deduxerunt, quod ex multis Natoliæ, Syriæ, Arabiæ, vicinarumque regionum Numismatibus abundè constat. Et, si fortè bellis diutinis aut sterilitate agrorum exhausta erat, ne ad usque internecionem colonia deficeret, Imperatorum Romanorum curâ, novi subinde deducti, pristinisque juncti coloni fuerunt, qui conservatæ atque restauratæ coloniæ memoriam suis nummis significabant. Licet inde tot ænigmatum & figurarum obscurarum explicationem petere,

petere, quibus numismata talia insignita. Sunt enim quæ nonnisi figmenta poëtica referant, rebus tamen quas exprimere satagunt, summum decus & gloriam tribuentia. Alia rei veritatem & genuinam historiam referunt, sicque & prosunt & delectant. Et sicuti Numismata hæc, ex ære medio, præ cæteris luxuriant & exsplendescunt suis characteribus, mirum non est, si politioris illius literaturæ amantes ea, ut ut intellectu difficiliora, ardentius depereunt: Virtus in arduis. Δύσκολα τὴ καλὰ.

Illustrissimus Briennæ Comes Lomenius præcipuâ, ex horum numismatum contemplatione, voluptate afficiebatur, ut curiosâ suâ indagine & bonarum artium, cum primis politiorum studio, refertissimum congererit cimeliarchium: Cui tamen innocuæ voluptati cum cæteris vitæ deliciis valedixit, & illud in meas manus tradi meique juris esse voluit. Et quamvis ejus pretium hominis privati sortem excederet,

deret, desiderio tamen gemmis istis splendidissimis eruditissimisque potiundi temperare non valui, quin κτήμα τὸ ἐγὼ Χρῆμα meum facerem. Ex iis Lectori benevolo unum adjiciam, speciminis loco, nummum Juliæ Mæfæ, quæ Imp. Severi conjugii Juliæ Domnæ soror exstitit. Facies averfa intuentem in admirationem rapit. Expressa ibi duodecim signa cœlestia, eâ prorsus figurâ, quâ hodie etiamnum vulgò exhibentur. Amastriani, Asiæ populus, nummum hunc ei offerebant, qui imperium cœli terræque isti Augustæ portendebant, illud potentiâ, hoc sapientiâ suâ obtinendum: *Sapiens dominabitur astris.* Fortè & allusio est ad nomen hujus Principis Augustæ, quod lingua Syro-Phœnicia Solem dicit, qui sicuti lucem adfert sideribus cunctis, ita Julia Mæsa, familiæ Imperatoriæ, cujus illa fuit illustre decus & gloria.



CAPUT XVIII.

*De Numismatis Romanis ex ære
magno.*

Si quid de maiestate Imperii Ro-
mani nummis antiquis inscriptum
& ad nostra tempora deductum est,
exhibebunt illud dubio procul æris ma-
gni Numismata, quæ latitudine sua,
quidquid ingenium humanum elegan-
tiæ & ornatus comminisci valuit, ad-
mittunt; artificibus omnes ingenii &
industriæ suæ vires in comptam & ex-
quisitam sculpturam eorundem impen-
F 3 denti-

dentibus. S. P. Q. R. signum & characterem suum S. C. apposuit, non tantum, ut de genuino pretio & materiæ præstantia, sed & præcipuè, ut de impressis figuris, nummique autoritate constaret. Et sanè, præterquam quod in his facies Imperatorum ad vivum videatur expressa, multò nobilius, quàm in aliis magnitudinis & metalli nummis, alia etiam & sublimior in iis, quàm in aliis apparet historiæ ratio.

Exemplo sint vel soli Imp. Hadriani nummi, qui & typi elegantia & historiæ sublimitate reliqua antiquitatis nummaria monumenta longè superant. A singulis quas lustravit provinciis & civitatibus principibus, omni amoris & honoris cultu certatim quasi affectus fuit: Feriebant nummos in ejus honorem, facie aversâ insignibus & symbolis suis signatâ: memini vidisse Ægyptiacum cum ibide, cum sistro & calathio frugibus referto, eundem Serapidi, Ildis, Hammonis, Harpocratis, Canopique faciebus insignem; Alexandrinum,

drinum, Nilo, hippopotamo, crocodilo, spicisque conspicuum; Mauritanicum, equo; Dacicum, rupibus & aquilâ legionaria: Cappadocicum, signo militari; Africanum, scorpio; Hispanicum, cuniculo; Britannicum, scuto & sarissa; Germanicum lanceâ; Asiaticum, serpente, clavo & prora: Judaicum matre & pueris: Siculum, monstro marino, & Medusæ capite; Italicum cornucopiæ; & Romanum tandem Palladio illo suo maximè illustres.

Adventantes Imperatores non tripudio carminum modo, quale est illud Martialis,

Phosphore redde diem, quid gaudia nostra moraris?

Cæsare venturo, Phosphore redde diem.

Sed & monetâ in eorum honorem percussâ excipiebant, hisce characteribus signatâ; ADVENTUI AUGUSTI, addito regionis nomine: cujus generis

nummos exhibere liceret complures, Galliaë, Hispaniaë, Macedoniaë, Siciliaë, Moesiaë, Thraciaë, Bythiniaë, Ciliciaë, Judæaë, Arabiaë, Asiaë, Africaë, Lybiaë, Mauritaniaë, Alexandriaë, Italiaë.

Gallia, Hispania, Italia, Achaia, Macedonia, Thracia, Bithynia, Nicomedia, Phrygia, Arabia, Asia, Mauritania, Africa, Sicilia, aliquotque aliaë Provinciaë eidem Imperatori nummos suos, inscriptione adhibitâ, dedicavêre, quâ Restitutorem suum venerabantur. Exstat unus inter alios, quo gloriôsum elogium RESTITUTORIS ORBIS TERRARUM attribuunt, cui non suffecerit Provinciis suis salutem & pacem largiri, nisi quoque universum terrarum orbem omnigenâ felicitate beâisset: quod ipsum luculentius declarat nummus alter sic inscriptus: TELLUS STABILITA, indicio profundæ pacis universo orbi partæ.

Exstant & nummi ejus militares à Syriaco, Dacico, Rhætico, Germanico,

nico, Norico, Britannico, Mœsiaco, Mauritanico, Hispanico, Gallico, Capadocico milite percussi, præter eum quem cudi curaverunt COHORTES PRÆTORIANÆ, illumque in quo præeuntem Imp. sequitur exercitus quasi ad hostem gradens cum hac epigraphe DISCIPLINA AUG. ei innuendæ quam instituerat; ut & adoptivus Trajani nummus, & conjugalis cum Sabina, aliique, varias ejus LIBERALITATES declarantes. In primis notatu dignus est ille, quo generosum & magnificum Hadriani factum describitur, abolentis privatorum partim, partim provinciarum universarum æs alienum, nominibus eorum in Foro Romano igni absumptis, quæ quidem ad vices biscentena millia aureorum excurrerant: In circuitu legitur RELIQUA VETERA H-S NOVIES MILLIES ABOLITA. Alter nummus eundem Imp. in theatro exhibet, quo congiarium in vulgus universum disjicit, hâc epigraphe: LOCUPLETATORI ORBIS TERRARUM. An-

Fas nus


nus quoque celebratorum ludorum circensium litteris Romanis, quod alibi nuspiam ibidem est exaratus: ANN. DCCCLXXIIII. NATALIS. URBIS. POPULO. CIRCENSES. CONCESSIT. Quæ singula & universa æreis nummis, ut ut vilioris metalli, pretium supra pretiosissimos constituunt.

Romanorum nummi ex ære magno egregiam seriem admittunt, quæ accessione aliorum duum generum integrari & ampliari poterit: Sunt enim quædam Græcorum numismata, quæ splendendum Romanis decus addent; qualia sunt in primis Alexandri M. quæ in primis loculis & in frontispicio Imperatorum Rom. constituentur. Ad hanc classẽ referunt quoque illa, quæ Imperatores Romanos repræsentant; artificio singulari, at Romanis inferiori, *Contourniata* vulgò audiunt; cujus nominis derivationem potius ad circulum numisma comprehendentem, quem *contorno* Itali; *contour*, Galli vocant, quàm ad Crotonæ civitatem revocandam

dam censerem, utpotè quæ nihil cum istis nummis commune habeat: Hos porrò dignos arbitror quorum describendis elegantiss & enodandis ænigmatibus curiosæ mentes suam impendant operam. Nondum enim licuit eorum originem assequi: Qua de re conjecturas meas, si ita Deo placuerit, suo tempore eruditorum examini gratus submittam. Interim ut ut nummi hinc *Contourniati* sunt elegantes & rari, eos tamen Romanis cedere necesse est, temporis gratiâ, typo, inscriptione, cœlandi dexteritate, omnique artificii genere.

Illud insuper habent peculiare magni æris Numismata quòd, serie continuâ, exhibent Imperatorum omnium, ple-
rarumque Augustarum, aliorumque Principum & Heroûm effigies. Ad-
dam exemplum nummi talis; ejus-
que, omnium qui exstant, rarissimi. Refert ille Pescennium Nigrum, cujus adeo breve fuit imperium, & locus, ubi degebat, tanto intervallo Romæ
F 6 diffitus,

dislitus, ut mirum non sit, si inter rarissimos primum locum occupet, ejusdem cimeliarchii Lomeniani, cujus primarium erat ornamentum. Ecce ejus ectypum.



Facies averſa Dianam refert, qualis vulgò depingitur cùm venationi vacat: arcum tenet tenſum, quaſi telum jam-jam emiſſura. Ad pedes decurrit canis venaticus, in prædam effuſus. Inſcripta eſt nummo Cæſarea Germanicia ſeu Comagenorum, quæ ſcilicet hunc Imperatorem agnovit, cui ad exitium uſque quantam potuit opem tulit maximam.

C A P U T XIX.

De Numismatis æreis ex maximo modulo.

Gloria Numismatum tota remansit illibata in maximo modulo; cùm cætera continuo attritu, ex usu monetæ desiderato, integritatis partem, imo sæpè eam totam amittebant. Qui enim in rebus antiquis versatiores sunt, in eas descendunt partes, nummos ex maximo modulo procusos non venisse in monetarum usum, nec nisi ad delectationem Magnatum & Principum cusos, quales etiamnum eadem occasione nummos symbolicos fieri videmus, quæ Germani *Schaupfenning* vocant, Galli *Pieces de plaisir*. Pretium iis præcipuè faciunt, elegantia, historia, moles, & raritas; de quibus sigillatim nonnulla dicenda veniunt.

Numismatis elegantia, meo quidem iudicio, duobus absolvitur, delineatione & integritate. Delineationis decus

F. 7. est.

est, quò ars propiùs naturam refert & oculos genuinâ expressionis dexteritate fascinat; quod quidem est summi artificii, ad superandas omnes temporum & ætatis injurias. Græci & Romani, ut erant gloriæ avidissimi, ita omni studio, labore, & industria in id incubuère, ut nominis sui famam immortalitati quovis modo consecrarent, ad quam adipiscendam nihil conducibilius esse censuerunt, quàm ut, artificio summo, historiam suam, vili ignobilique metallo, insculperent; ut si quando monumenta hæc ornatiora in manus caderent hostium, ea vel ob operis præstantiam vel ob materiæ vilitatem integra conservarentur, quæ prorsus abolita fuissent, si auro aut argento consignata fuissent; vi metalli pretio potiùs, quàm signis illatâ. Et sanè Numismata hæc nostra ex maximo modulo, Gallis uno nomine *Medaillons* dicta, palàm produnt artificum suorum peritiam exquisitâ illâ sculpturâ quæ vitam illis & longævitatem & immortalitatem tribuisse videtur. Ei ad-

jungitur

jungitur circularis figura, quæ quò rotundior, eò perfectior censetur: characterum æqualitas, lineamentorumque proportio, ejusdem elegantiae partes faciunt; quibus si ærugo, rubra sit vel viridis, accesserit, tantum abest ut vitium ex illa contractum censeatur, ut potius ab omnibus temporis injuriis monumentum tueatur, sicque integritate conspicuum venit, quæ elegantiae est pars altera.

Historia quæ primarium confert nummis nostris encomium, luculentissimè & perfectissimè hisce maximis Numismatis est insculpta; ut exinde pateat, quousque quantisque viribus Veteres generosi animi conatus produxerint, quantaque sint moliti: ut de præstantia temporum nunc taceam, quibus pretium eorum quàm maximè interdum adauctum est.

Horumce Numismatum moles ex comparatione cum cæteris arguitur, quam pondere, magnitudine, & figurarum exstantia præcipuè concipimus,
 dupli-

duplicatis, imò triplicatis interdum hisce qualitatibus. Cujus summum & incomparabile mihi videtur istud exemplum quod præter alia possidet Sereniss. Mutinæ &c. Dux. Adversæ facies M. Aurelii ejusque in imperio collegæ L. Veri; quadrigaque in parte postica, numisma faciunt, quod discum patinamque (ut cum Suetonio loquar) potius diceres, cum octo vulgares nummos ex ære magno amplitudine gravitateque superet: sed de illo, aliàs.

Homines, quod rarum est, carum censent, & utrumque habent in pretio: Contra quod tritum est & vulgare, ut ut elegantius & præstantius, spernunt: quo horumce numismatum dignitas cæteris longè posthabitis, & evadi maxime & majorem in posterum evasuram opinor. Si præterea nummus ærugine nobili splendeat, nihil in illo desiderabitur.

Seriem amplam horumce maximi moduli numismatum contexere difficillimum foret: neque enim omnium Imperatorum

peratorum exstant, adeoque semper hîc
erit quod desideres. Curiosissimi quivis
Antiquarii multa sollicitudine & indu-
striâ conquiſivêre, qui tamen, si omnes
suos labores, impensas, curas in unum
conferant, omnes ipsorum antiquitatis
thesauri non exhibebunt tot maximi
moduli nummos, quot unicum Regi-
næ Christianæ cimeliarchium depromere
potest: Quæ uti nulli pepercit in se di-
gnam antiquitatem nummariam, magni-
ficentiæ regiæ, ita nullam felicius, quàm
in Francisci Gottisfredi Nobilis Rom.
cimeliarchium impendit, quod trecentis
diversis hujus generis numismatibus,
nullo hactenus exemplo, refertum est.
Verùm quis Oedipum præstabit qui tot
ænigmata solvet, & inscriptiones inter-
pretabitur? & genio opus est & fortunâ:
utrumque suppeditabit, cùm libuerit,
incomparabilis illa Regina: *Sint Mæce-
nates non deerunt, Flacce, Marones.*

Quod restat, coronidem imporro pro-
more, exhibito hujus generis nummo
Imp. Commodi, cujus facies aversa
sacrificio



sacrificio antiquo eoque pulcherrimo inclyta est: Dolendum tamen temporum injuriam nonnihil ejus exstantiæ integritatisque attrivisse; quod damnum nisi tristi fato fuisset perpeffus, historia, typo, mole, elegantia, delineationis præstantiâ, raritateque nulli esset secundus.

CAPUT XX.

De Nummis supposititiis & adulterinis.

Recensui hætenus, benevole Lector, nummos antiquos genuinos qui curiosos rei nummarie animos potissimum occupant. Methodi ratio suadet, ut de fictis & supposititiis hoc loco, sed paucis, differam. Etenim luxuries ingenii humani, hujus generis plures effinxit, postquam in historia Veterum facta heroïca æternitate digna legit, nummis antiquis non expressa, defectum hunc suppletura, famæque Heroum litatura: pro veris ficta, pro veteribus nova, vetustatis

vetustatis tamen genium imitantia, insigni interdum artificio, substituit. Ita representatur illustre illud facinus quo hostes, fulminis instar, celeritate incredibili, percussit Julius Cæsar, cujus ipse gloriam Pontico triumpho inter pompæ fercula tribus verbis, VENI VIDI VICI, ostentavit. (*Sueton. in Jul. c. 37.*) Alii ejus nummo insculpserrunt, MARTI VICTORI. Aver-
sus Augusti nummus ejus moderationem, diligentiae junctam, innuit symbolo delphini, anchoræ intorti, cum hac epigraphe: FESTINALENTE. Refert alius strenuum Annibalem Carthaginensium Imp. equo insidentem telumque in mœnia Romanorum vibrantem, his verbis; ACCIPITE. Conspicitur etiam Aristotelis nummus, hac epigraphe, ΕΝΤΕΛΕΚΕΙΑ: & alius Alcibiadis cum Cupidine; Priami cum Troja & equo illo Trojano; Artemisiæ cum mausolco; Scipionis Africani cum curru triumphali & superba inscriptione, CARTHAGO SUBACTA: Quod
posteriorius

posterius vocabulum & in L. Æmilii nummo adparet : SUBACTA LIGURIA, ob expugnatos Ligures. Cinnæ etiam nummus fuit confectus, cum templo MARTI ULTORI dicato : Pub. Sempronii cum pyramide & verbulo unico, PIETAS : Marii cum tropæo Cimbrorum & Teutonum armis onusto, circumque : VICTORIA CIMBRICA : Crassi item cum corona & fascibus, DEVICTIS PARTHIS : Ciceronis cum Siciliæ symbolo, TRINACRIA PROSCRIPTO VERRE : M. Agrippæ in modum alterius Neptuni, equos marinos regentis, potentiamque suam in mare universum jactantis, hac epigraphæ : ÆQUORIS HIC OMNIPOTENS.

Nummus est valdè illustris Imper. Constantini Palæologi, illustrior factus doctis Josephi Scaligeri ad Marq. Freherum commentariis, quibus ejus suppositionem detegit. In averfa facie hæc leguntur : MIHI ABSIT GLORIARI NISI IN CRUCE DOMINI

MINI NOSTRI JESU CHRISTI
234. & circum caput : CONSTAN-
TIUS IN CHRISTO DEO FIDE-
LIS IMPERATOR ROMANORUM
ET SEMPER AUGUSTUS 235.

Hæc insuper est ratio eaque potior
quæ nummos supposititios induxit.
Cum non licuisset omnes in omnibus
cimeliarchiis nummos genuinos inferre,
visum est replendis oculis, ad antiquo-
rum artificiosam imitationem fictos
supponere. Ærei Othonis, Pertinacis,
Pescennii Nigri, rarissimi habentur, nec
minus aurei & argentei Pertinacis, Didii
Juliani, Pescennii Nigri & Gordiani
Africani; Ita ut ad seriei perfectionem
supposititiis nummis oculos supplere
consultum sit, donec genuinos fors bo-
naque fortuna offeret.

Triplici autem effinguntur artificio:
primum est ex metalli fusione, quale-
cunque sit; id porro præcipue juxta an-
tiquos nummos aurum est vel argentum
vel æs. Molem tunc refert, characteres,
figuras, typum, metallumque arche-
typi

typi genuini : pondus tamen paulo levius, siquidem fustum metallum majus exigit spatium, quàm fixum atque compressum.

Alter modus, quo nummi hi fabri-
fiunt, percussione peragitur; cùm me-
tallum inter duas matrices ad hunc finem
sculptas vi maxima comprimitur : ubi
quidem magnitudinis, typi, caracte-
rum, figurarum, ponderis & marginis
ipsius habetur ratio, qui proin exactiùs
antiquos æmulantur, quàm fusi, qui
plurimâ accuratâque opera indigent, qua
absolvantur. Utrumque tamen foetum
supposititium prodit conformitas, ge-
nuini scilicet cum adulterino; mirum
faciè & observatione dignissimum, cer-
tum item & exploratum, nunquam
unum antiquum nummum alteri ex
amissim per omnia respondere, quin
aliqua deprehendi possit dissimilitudo :
unde quoties unus alteri prorsus conve-
nit, certissimo indicio est, vel utrum-
que vel alterum saltem esse suppositi-
tium. Quæ verò sit diversitatis in tanta
copia

copia ratio, curiosæ indagini disquirendum relinquitur. Porro ad hanc rem faciunt Ad. Occonis celeberrimi verba ex ejus epistola ad JC. Amerbachium desumpta: *Addam aliud problema, inquit, aliquos esse in ea sententia ut putarent Veteres singulis nummis singulos jussisse fabrefieri. Et ut hoc credant adducuntur, quod nonnisi rarissimè duo nummi reperiuntur qui eundem typum repræsentent & per omnia sint æquales, quod ego in multis millibus observavi; neque propterea asseveraverim verum id esse quod aliqui somniant. Utcunque sit, magna fuit Romanorum majestas maximæ expensæ, ut ferè quidquid in mentem venerit, id ratum esse voluerint.*

Magno numero possidemus monetas hæc ad antiquarum imitationem percussas, quas à patria præstantissimi artificis Jo. CAVINI Patavini, *Paduanas* vulgo dicunt: sunt ex ad stuporem usque scalptæ, & quæ persæpe vel acutissimis imposuerunt: matrices (sic enim nuncupare lubet scalpta illa instrumenta chalybea, in quibus ut in utero cuduntur

tur nummi) Parisiis me vidisse memini olim ab harumce rerum ut & librorum intelligentissimo Raphaële Tricheto du Fresne Patavii vili pretio coemptas, quas ab ejus hæredibus comparâssem nisi vetuisset pudor supposititia Numismata provulgare. Ingens autem lapis quadratus, quo suis Nummis percutiendis utebatur Cavinus, ad tanti operis gloriam & monumentum, publicè expositus ac veluti sacratuſ conspicitur Patavii ad majoris templi fores, *Domo* vulgò dicti.

Non pudebit hîc referre excerpta quædam ex epistolis Basilii Amerbachii J. C. Basiliensis ad Guil. Stuckium Theologum Tigurinum & Jo. Jac. Rügerum Ecclesiasten Schaphusianum, ad rem nostram facientia: *VALERIUS BELLUS* *Vicentinus* qui intra annos 30 aut 40 obiit (Hæc autem superiori sæculo scripta sunt, cùm ipse Amerbachius peripneumoniâ obierit 26. April. 1591.) *nummos veterum Græcorum & Romanorum cum reversis suis affabrè & eleganter incidit: unde formæ plurimæ hinc inde di-*

G

tractæ

*tractæ sunt, quarum ad 50 numero habet quidam Germanus König ni fallor nomine Venetiis habitans (König Germanicè, dicitur Gallice le Roy) Ectypos cereos nuper aurifaber Venetiis huc veniens (Basi-
leam) ex iis desumptos mihi ostendit. Solonis numisma fecit, ut & Palamedis, Catonis Uticensis, Corn. Scipionis, Platonis, Mariæ cum Josepho & Francisco, Phaë-
tontis, Pauli inter mares & fœminas præ-
dicantis, Pacis, Alexandri. Dido quidem ab altero artifice sculpta est. Fecit etiam Mil-
tiadem & Ipsicrateam Reginam cum sacri-
ficio. Acceptum hoc referat Lector, Cl. Sebastiani Feschii J. C. humanitati, ha-
rumce Amerbachianarum litterarum ut
& elegantissimi numismatum cimeliar-
chii possessoris, atque horum ut elegan-
tiorum scientiarum peritissimi, quod-
que supra cætera me delectat, Viri mihi,
vel invitâ Fortunâ, strictissimis amicitia
modis conjunctissimi*

Nec minorem admirationem meren-
tur Galli cujusdam aurificis CARTERON
opera, præcipuè in auro : quæ tamen
omnia,

omnia, si cum antiquis expendas flocci facio; nec majoris, quàm simiam si cum homine, aut crySTALLUM, si cum adamante comparaveris. Volupe interim est, etiam istorum elegantiora intueri & figmenta recentiora à monumentis antiquis discernere, etsi hoc non datum, nisi oculatioribus.

Tertium fraudis genus est, cùm duorum antiquorum nummorum facies, quibus postica pars abrasa fuerit, simul committuntur; sic enim ex duabus antiquis faciebus, exurget nummus novus: Exemplo sint duo nummi conjugum, scilicet Philippi Imp. & Otaciliæ Severæ: nullus fere frequentior occurrit: Utrique si dematur postica pars, unusque alteri ex arte, imo ex fraude imponatur, rarissimus istorum conjugum exurget nummus, magnitudine, typo, figuris, characteribus, margine, colore & pondere, per omnia servatis, id quod pravo exemplo in ulum venisse, nimis mihi notum est.

Has porro imposturas non admittunt,

nisi qui lucrum turpe æquitati & pudori præferunt: Abhorret à talibus ingenuæ & honestæ mentis sensus: Ne tamen in ejusmodi præcipitium pronus fortè ruat antiquitatis tyro, id suaderem, ut virum bonum harumce artium peritum consulat, cùm pecuniam suam hisce permittendam deliciis cogitabit; satius est enim inscitiam credulam amico prodere, quàm venerandæ antiquitati, ejusque æstimationi fucum facere.

Neque verò nostris temporibus demùm Numismata fuere adulterata & ad antiquorum imitationem confecta: Falsarii enim & monetarum corruptores nullis non temporibus cum ipsa moneta exstitere; inprimis, ubi auri & argenti usus introduci cœpit, eos avaritia in fraudes laboriosas impulit. Plinius (l. 33. c. 9.) refert Mario Gratidiano statuam à Pop. R. positam, quòd primus inter genuinam & adulterinam monetam differentias docuisset, cùm scilicet fraudes istæ Romanis ingenti damno esse cœpissent. Interim tamen elegantiores nummos

mos adulterinos adservabant, & nescio quo genio dictante, pluris faciebant ipsis legitimis. *Falsi denarii spectatur exemplar, pluribusque veris denariis adulterinus emittitur.*

Animus erat spectatori antiquitatis studioso expressos omnes typis vulgare, qui quidem manus meas subierunt, nummos supposititios, ut in cimeliarchiorum lustratione promptiùs securiùsque verum à falso distinguerent. Verùm non videbatur æquum, plus honoris iis, quàm antiquis & genuinis tribuere. Exemplar tamen, uti in præcedentibus observatum, ad capitis calcem rejiciam, illam interim operam haud inutilem & ingratam alii tempori & operi reservaturus. Erit iste nummus, quem subjicimus, inter supposititios maximè illustris, quem tamen argumenti dignitas, linguarum diversitas, delineationis ratio, sæculo illi minimè convenientia, falsitatis omninò convincunt, ut pluribus documentis non sit opus.



CAPUT XXI.

*De quibusdam rei nummaria Scriptorum
erroribus.*

Omnēs omnium errores, quos undique apud Autores deprehendere liceret in catalogum referre velle, opus foret longè amplius, quàm quod capite uno complecti liceret : quosdam duntaxat quos recentior suggerit memoria enarrare animus est, qua meâ Epicrifi modestâ, non tam perstringam & ferula censoria notabo, quæ in Autoribus occurrunt, quàm Lectorem præmonebo, ab iis quæ in errorem inducere possent : illud fortè eadem operâ effecturus, ut qui hoc argumentum post me tractaturi sunt, minus perfunctoriè id facere audeant, sed aliorum exemplo sapientes, jam non primam, non secundam tertiamve, sed ultimam operi admoveant manum, non detrectantes, uti Orator stylum, Horatii monito, ita ipsi num-

num sæpius vertere. Interim nec Catonem agam, nec Dictatorem, minus satyrum; aurem tamen vellicabo, & quod res est, dicam.

Wolfgangus Lazius Medicus Austriacus primus exstitit qui historiam Rom. ex Numismatis compilavit: Interim quid dignum tanto feret hic promissorhiatu: spem facit septies centies mille Numismatum, cum tamen illis temporibus vix septies mille diversi generis in scenam producta sint. Excusationi forte dabitur locus, si dixeris Autorem, *indicando numero, characteribus* Arabicis usum; typographum verò ad conciliandam operi magnificentiam duas superpondii iniqui loco adjunxisse ziffras. Quid enim in homine erudito, medico cum primis probitatis studioso, sanæ mentis superesse potuisset, tam enormi errore, adversus sensum & experientiam, imponere voluisse credulitati lectoris, ut senex se turpiter proderet.

Cuspinianus Medicus Germanus opus summi laboris elegantiaque edidit Impp. Rom.

Rom. quorum numismata multo numero congeffit : plurima tamen minùs perspecta habuisse videtur. Exempli loco sit Heraclii nummus, quem expressius sub finem capitis præcedentis exhibuimus ; eum antiquum & genuinum deprædicat, *Numisma pulcherrimum & antiquissimum.*

Guillelmus du Choul Gallus ligno eleganter sculpi curavit multam Numismatum copiam, quo ipse glaciem fregit, & posteris viam muniit ad perfectionem. Et uti industriam ejus singularem in investigandis partim, partim delineandis Numismatis, suis laudibus neutiquam destituimus, ita liceat nobis non dissimulare plurima eum obtrudere conatum, quæ neutiquam ab Antiquis percussa sunt. Cui primum dedit locum Agrippæ numisma, cum templo in averfa parte, Pantheon dicto : & Herculis cum quadriga & zodiaco, hac inscriptione : ΑΔΥΝΑΤΑ ΖΗΤΩΝ, sicque Cantherius in porta offendit. Corripit insuper inscriptiones plurimas, fortè

G 5 quòd

quòd integras legisse non contigit: sic
aversam Hadrianei nummi inscriptio-
nem expressit: KOINON ICIOYNIAC,
quæ certè EEIOYNIAC debuit legi.
Ita mel è floribus legas, cæteris postha-
bitis.

Jacobus Strada Mantuanus plurima
quæ Historicos rei que pariter nummaria
studiosos mirificè juvant ex antiquitate
eruit: judicio interim discretivo opus
est & cribro, quo paleam à tritico sepa-
res. Prima erant tempora, quibus stu-
dium Numismatum excoli cœpit, cui
cætera condonanda videntur: Eoque
magis, quò nullum noverim laboribus,
aut impensis, melius de Republica li-
teraria nummariaque meritum: testes
mihi sunt fidei indubitatae quatuor illi
pretiosissimi Codices MS è bibliotheca
Cæsarea, mihi tum Augustissimi Leo-
poldi gratia, tum eruditissimi Lambecii
eorum custodis Viennæ indulti.

Octavianus Strada Imp. Rodolphi
antiquarius scalpi curavit magnum &
rariorum Numismatum numerum: si
tamen

tamen per me steteret, ea lucubrationibus suis (erat enim eruditissimus) illustrasset: sicque plurimos inscriptionum errores emendasset, abunde ex archetypis nobis cognitos. Malum sanè illis temporibus familiare, secundum memorialia exemplariaque scribere, non secundum antiquos solos nummos: hinc errorum seges, & malorum lerna.

Antonius le Pois Medicus Lotharingus Sambucum Polonum fugillat, quòd Othonem æreum in lucem protraxerit, quem nec ipse nec Italorum antiquariorum ullus viderit; sicque Othonem æreum facit chimæram & non-entium numero adscribit: quamvis nullo reclamante, Othones multos ex ære exstare constat: Ipse certus sum, me xxvi. va. ios hujus generis vidisse.

Marquardus Freherus dissertationem instituit, quâ Constantini Paleologi nummum antiquum esse probare conatus est. Verùm Jos. Scaliger superioris sæculi decus, ejus suppositionem non arguit modò sed convincit, ut actum agere nihil attineat.

Ful. Cæs. Bulengerus Soc. Jesu (de Imp. Rom. l. 2. c. 15.) nummum, cujus in averſa facie : FISCUS JUDAICI CALUMNIA SUBLATA ad Domitianum reſert, quem tamen convenit, Antiquariorum ſuffragiis, ad ejus ſucceſſorem Nervam pertinere, ut nomen & effigies ſatis ſuperque docent. Duos alios Imp. Trajano adſcribit, ad Nervam pertinentes : prior enim habet : VEHICULATIONE ITALIAE REMISSA; alter : PLEBEI URBANAE FRUMENTO CONSTITUTO. Adducit & aliam epigraphen manifeſtè ſuppoſititiam, ab Auguſto inſculptam : REPUBLICA CONSERVATA. Is enim non fuit puriſſimo illo ſæculo ſcribendi genius latinitate, ſermone, boniſque litteris, ad ſummum gloriæ faſtigium evehctis.

CAPUT XXII.

*De frequentioribus nummorum Romanorum
inscriptionibus.*

Illustre decus obtinet averſi nummi
facies, neque tamen minùs meretur
quod circum Impp. Rom. effigies con-
ſpicitur. Exhibetur quippe ſingularis
ille cultus, quo Romani ſuos Principes
venerati ſunt; quin imo haud rariter
chronologiæ inſerviunt, regni & vitæ an-
nos exhibentes. Stylus ſimplex quidem
eſt, cujus tamen ſublinitatem novi no-
ſtri Rhetores ſuâ verborum pompâ æ-
quare nequeunt. Is hodie mos obtinuit,
ut vix ullum adponatur ſymbolum, niſi
verſu adpoſito aut hemiſtichio ſignifica-
retur: uſque adeo ut verbum minus
comptum metri cauſâ ſæpe toleretur.
Talis fortè videri poteſt Numiſmatis
epigraphe, nomine Chriſtianiff. Gallia-
rum Regis in memoriam renovati cum
Helvetiis an. 1663. fœderis procuſi;

NULLA DIES SUB ME NATOQUE HÆC
FOEDERA RUMPET : Quid enim *sub*
me pro me filioque Regibus. Quàm sub-
limius & gravius & magnificentius longè
Veteres sua vota significabant, verbo-
rum minus quam rerum consonantiæ
intenti. Demosthenes & Cicero elocu-
tionis parentes dictionem ubique natu-
ralem, validam tamen nec affectatam
exhibent. Sic Numismata nostra anti-
qua & clarè & simpliciter & magnificè
sefe exprimunt : Cui probando hæc suf-
ficient exempla : ADLOCUTIO COHOR-
TIUM, SALUS GENERIS HUMANI, PAX
ORBIS TERRARUM, VICTORIA AUGU-
STI, DECURSIO, CONCORDIA EXERCIT-
UUM, VIRTUS EXERCITUS, JUDÆA
CAPTA, ADVERTORI LIBERTATIS PU-
BLICÆ, LIBERTAS RESTITUTA, REX
PARTHIS DATUS, REGNA ADSIGNATA,
AMOR MUTUUS AUGUSTORUM, PAX
FUNDATA CUM PERSIS, RESTITUTOR
URBIS, PACATOR ORBIS, SECURITAS
ORBIS. Neque verò ad orcum ablegabo
symbola omnia quæ versum sapiunt :
malim

malim tamen imitari morem Veterum, qui paucis multa & significanter, citra verborum adparatum & κατάχρησιν dicere adsueverunt.

Ut redeamus ad inscriptiones nostras, eas imprimis quæ circum effigies leguntur, tenendum, Romanos primitus duo, deinceps tria sibi vindicasse nomina: Quin imo primum non fuisse nisi unum uni nomen, tradunt Appianus & Varro, cui postea variis de causis alia adjecta. Pronomen verbi gratiâ est, **PUBLIUS**: Gentem & Familiam indicans est **CORNELIUS**: cognomen lineas, seu ramos discernens est **SCIPIO**: Agnomen epitheti vicem sustinens est **AFRICANUS**. Quæ quidem universa, vel unum alterumve nummis insculpebant. Sic Augusti filii solo prænomine designantur: **CAJUS**, **LUCIUS**: Neronis contra nummi, nomen pariter & cognomen familiæ in quam erat adoptatus, præ se ferunt; **NERO CLAUDIUS**. Inter numismata Corneliæ gentis prænomen, nomen & cognomen legere

legere est: LUCIUS SCIPIO ASIATICUS: neque verò meminero omnia quatuor nomina in uno nummo signata fuisse.

Nominibus etiam frequenter subiciebant dignitatem, illustrioresque titulos, quales sunt CÆSARIS, AUGUSTI, PONTIFICIS MAXIMI, IMPERATORIS, TRIBUNICIÆ POTESTATIS, CONSULIS, CENSORIS & PATRIS PATRIÆ. Fuere qui etiam provinciarum à se expugnatarum nomina inscribebant, quæ nos ad agnomina retulimus, ut fuerunt Scipionis AFRICANI, Veri ARMENIACI, Commodi GERMANICI, Severi PARTHICI & ARABICI & ADIABENICI, Claudii II. GOTHICI, & aliorum: Nonnunquam & cultu religioso excepti sunt cum numinum nomina iis dicata fuere, ut Augustus APOLLO, Diocletianus JOVIUS, Maximianus HERCULEUS.

Julius Cæsar qui dum viveret, hostis libertatis Romanæ censebatur, ab obitu, reli-

religiosè cultus fuit: cædis autores, ut sacrilegi & paricidæ sunt habiti: mone-
tæ jussu Senatûs percussæ eum inter sy-
dera Deosque exhibent. Inde CÆSA-
RIS nomen, tanta in veneratione ha-
bitum, successores ejus sibi perpetuò vin-
dicarunt, suisque nominibus præfece-
runt. Tiberius illud sibi sumsit, eò quòd
hæres ab Augusto dictus esset. Galba,
ut ut à familia Cæsarum alienus, tamen
à Neronis morte, nomen hoc sibi arro-
gavit. Hos imitati Imperatores alii, Cæ-
sares se dixêre, quamvis aliâ longè si-
gnificatione, quàm quâ primitus gentis
Julix familia indicabatur, voce intitulum
dignitatis translatâ, quâ ornabant, quos
in imperio successores suos designatos
cupiebant, ut plurima Numismata no-
stra ejus rei fidem faciunt.

Imperatores Romani omnes incly-
tum AUGUSTI nomen, postquam
is Senatui populoque Romano in pretio
esse cœpit, assumerunt. Quamvis enim
initia imperii ejus non usque adeo auspi-
cata videri possint, cædibus, proscri-
ptionibus

ptionibus & tyrannidis specie referta; exitus tamen gloriosissimus, pacificus & felicissimus extitit, ut nullus fortè unquam tantum sui desiderium reliquerit: Urbem quippe quam lateritiam invenit, marmoream reliquit. (*Sueton.*) Hinc apud Romanos factum est, teste Tacito, *ut CÆSAREM & AUGUSTUM principatus vocabula referret*: hist. lib. 2. c. 80. Qui ei in imperio successit Tiberius usurpavit Augusti nomen, non modò quod testamento ei erat tributum, sed in adulationis speciem & spem aucupandæ auræ popularis, (*Tacit. l. i. Annal*) quasi alterum plebi Augustum polliceretur. Caligula primùm hoc nomen repudiavit, ultimoque supplicio adfecit, qui id ei tribuerat, idque ideo, quod junioris *Ἰνθέρου* adjectum esset, & *ΝΕΑΝΙΣΚΕ ΑΥΓΟΥΣΤΕ* salutaretur. *Augusti* autem vox, quæ ex origine sua *Sanctum* denotat, dignitatis postea & cognominis vices subiit. Quotquot supremum gesserunt magistratum, *AUGUSTI* nomine insigniebantur, autoritatis

ritatis potius causâ, quàm quòd à secundo Imp. Rom. defluxissent. In uxores ipsas derivatum est, pro Imperatorum arbitrio.

Pontifex maximus imperium exercebat in sacra & religionem, ut mirum non sit, pro gentis Romanæ superstitione, sacrorum antistites **R E G E S** atque **D I V O S** sæpiùs dictos fuisse. Numa Pompilius titulum hunc primus sibi Regi factò adjecit, quem sequuti successores ejus omnes, Regno in Rempublicam converso, eligebantur qui sacris præessent: At cùm ea demùm uni subjecta est, potestatis & religionis tituli & characteres unâ juncti sunt, tunc in se derivavit Julius Cæsar, quidquid in aliis suspiciendum aut timendum erat. A morte Lepidi III. Viri, Augustus ejusque successores pontificatum continuò assumsunt, ut ex Numismatis non infrequenter legere est.

IMPERATORIS nomen in Republica Romana munus bellicum indicabat, (*Livius l. 43. & 52.*) Sed ex quo
Jul.

Jul. Cæsar omni usus est potestate, etiam nomen hoc sibi adscriptum aliò convertit. Observat Dio, Julium & Augustum IMPERATORIS titulum sibi arrogasse, non more Veterum, devictis scilicet hostibus, sed ubi imperio & summa rerum potiti fuerunt: Et uti æmulum suæ dignitatis ferre nequibant, etiam titulos superiorum dignitatum, imprimis splendidum & amplissimum IMPERATORIS nomen aliis invidebant, existimantes tantum sibi decedere, quantum aliis accederet.

Primi Imperatorum Romanorum eas exercebant artes politicas, quibus quidquid in dignitate ulla fuit sanctimonix & venerationis, id omne sibi tribuerent, cultum hac ratione plebis universæ, suo quasi jure, deposcentes. Inde POTESTAS TRIBUNICIA in Imperatores collata, quam ut monumentis ferè cunctis, ita nummis præcipuè pandebant. Non quod Tribunorum plebis pristinorum munere essent functuri, non etiam quòd nomen Tribuni pleb. ambirent; quin

quin imo nunquam admiserint; sed quò personam Imperatoris sanctam & inviolabilem redderent, & sacrilegii reos peragere possent, quotquot adversus eam aliquid molirentur. Et quamvis non essent, qui exercitio potestatis hujus Tribunitiæ resisterent, nullâ tamen urgente necessitate solennia dignitatis hujus amplissimæ observabant, re interim verâ dominium in ipsum Senatum, Populum, exercitus, ærarium & provincias obtinentes. Interim hosce tribunitiæ potestatis annos nummis antiquis frequenter expressas legimus, uti TR. P. XXXVIII. trigesies scilicet octies, continuata.

Annorum seriem nonnunquam referebant ad consulatum, cujus nihilominus æstimatissimam augustissimamque dignitatem deprimere studuerunt Impp. Romani; titulum porrò, ut & vires ad se prorsus interim rapientes. Regibus verò Româ exactis, eorumque dominatione abolita, Respublica constituta est, cui quotannis duo Consules præerant,

rant, primùm è Senatu lecti, postremùm diviso inter Senatum Populumque magistratu: de quo sic Livius (*lib. 7. dec. 1.*) ad annum Urbis Conditæ **CCCLXXVII.** *Annus hic erat insignis novi hominis consulatu, insignis novis duobus magistratibus, prætura & curuli ædilitate: Hos sibi patricii quæsivere honores pro concesso plebi altero consulatu.* Julii Cæsaris imperio, potestas consularis omnimodè depressa est, nec nisi nomine tenùs retenta; aliâ quippe non fulgebat auctoritate præter indultam ab Imperatoribus.

Censorium munus adprimè necessarium erat, Româ fere universâ luxu, molliæ, opibus diffuente, quo prudentium virorum auctoritate sumptus immoderati præcaverentur, & impotens civium libido refrænaretur. Historia Romana plurima Censurum præclarè facta refert, qui & Senatores vel improbos vel indignos loco movebant, & equestrem ordinem constituebant, Tribus mutabant, usuras moderabantur, poli-

politiamque alio quovis modo restaurabant. Potestas ipsis erat inquirendi in mores, opesque civium, rationesque cujusslibet rei à singulis petendi: Et quod deprehendebant minus honestum aut utile, censoriâ virgula notabant. Imperatores ipsi exercuere hoc munus, quoties vel à Senatu rogati, ut ex historia Augusti apparet, vel tyrannidem exercere sub specie justitiæ constituiebant: Domitianum CENSOREM PERPETUUM sæpe declarant.

Hisce ut ut splendidissimis dignitatum titulis meritò aliquot alios anteponerem, quamvis eos sæpe adulatio ambitioque fœdè corruerit & in abusum traxerit, ut PATRIS PATRIÆ: quasi is cui tribuebatur, non minùs curæ in Republicam impenderit ac pater in filios. M. Tul. Cicero meruit illustre hoc elogium, ut Romam ab excidio quod conjuratio Catilinaria ei minitabatur, liberavit; Etenim

*Roma patrem patriæ Ciceronem libera
dixit.*

& dixit

& dixit meritò eum, qui de se ad Quirites dicere potuit: *Tandem aliquando L. Catilinam, furem audacia, anhelantem scelus, pestem patriæ, nefariè molientem, vobis atque huic urbi ferrum flammamque minitantem, ex Urbe vel eiecimus, vel emisimus, vel ipsi egredientem Urbe prosequuti sumus; & quidem victoriâ incruentâ.* Cicero, *Catil.* 2. Adulatio in Jul. Cæsarem, ut ut everforem libertatis, hunc titulum certatim congeffit, quem Augustum, offerente senatu, in lacrymas effusisse scribit Suetonius. Tiberius recusavit, non tam, ita sentiente Tacito, modestiâ ductus, quàm ne tyrannidi à se exercitæ, exprobrari posset sinistro omine tributum axioma. Sed & Augustæ aliquot eo titulo interdum sunt decoratæ; legitur Julia Severi uxor in nummo MATER AUGG. MATER SENATUS MATER PATRIÆ. Priùs quidem in numismate, Faustina MATER CASTRORUM appellari erat passa.

Desiderare videntur ista, Lector
amice,

amice, amplius quàm capitis unius spatium : neque verò aliud quærebam, quàm ut ad prolixius veterum Historicorum scrutinium, animum tuum accenderem, quod Livius, Cicero, Tacitus, Suetonius, Plutarchus, Dio, feliciùs longè & uberiùs, quàm commentariorum meorum seges perficiunt.

CAPUT XXIII.

De Notis & vocum abruptionibus quæ in Numismatibus Romanis occurrunt.

A. Aulus.

A. A. A. F. F. Aere, Argento, Auro, Flando, Feriundo.

ACT. Actiacus, vel Actium.

ADIAB. Adiabenicus.

AED. CUR. Ædilis curulis.

AED. PL. Ædilis Plebis.

AEL. Ælius.

ALBIN. Albinus.

AET. Æternitas.

AFR. Africa vel Africanus.

H

ALIM.

ALIM. ITAL. Alimenta Italiæ.

ANT. Antonius *vel* Antoninus.

AQVA. MAR. Aqua Marcia.

ARAB. Arabicus.

ARAB. ADQ. Arabia Adquisita.

AVG. Augustus *vel* Augur.

AVGG. Augusti duo.

AVGGG. Augusti tres.

AVR. *vel* AVREL. Aurelius.

BARBAT. Barbatus.

BRIT. Britannicus.

BRVT. Brutus.

BON. EVENT. Bonus Eventus.

CAEL. Cælius.

C. Cajus.

C. A. Cæsarea Augusta.

C. *vel* CAE. *vel* CAES. Cæsar.

CAESS. Cæsares.

CENS. Censor.

CENS. P. Censor perpetuus.

CEST. Cestius *vel* Cestianus.

C. I. V. Colonia Julia Victrix, *vel* Valentia.

CIR.

XXIII. NUMISMATUM. 171

CIR. CON. Circum condidit, *vel potius* Circenses concessit.

CIVIB. ET. SIGN. MILIT. A. PARTH. RECVP. Civibus & signis militaribus à Parthis recuperatis.

CN. Cneus.

COL. Colonia.

COL. NEM. Colonia Nemausensis.

CONS. SVO. Conservatori suo.

CONCORD. Concordia.

CL. V. Clipeus Votivus.

COMM. Commodus.

CLOD. Clodius.

CL. *vel* CLAUD. Claudius.

COS. Consul.

COSS. Consules.

CORN. Cornelius.

CVR. X. F. Curavit Denarium faciendum.

CARTH. Carthago.

D. Decimus.

DAC. Dacicus.

D. M. Diis Manibus.

DES. *vel* DESIG. Designatus.

DICT. Dictator.

DOMIT. Domitianus.

D. N. Dominus noster.

DD. NN. Domini nostri.

DID. Didius.

D. P. Dii Penates.

EID. MAR. Idus Martiæ.

EX. S. C. Ex Senatus Consulto.

EQ. ORDIN. Equestris Ordinis.

EX. A. PV. Ex Argento publico. *vel*
Auctoritate publica.

ETR. Etruscus.

F. Filius, *vel* Filia, *vel* Felix, *vel* Faciundum, *vel* Fecit.

F. F. Flando feriundo.

FEL. Felix.

FELIC. Felicitas.

FL. Flavius.

FORT. RED. Fortunæ reduci.

FOVRL. Fourius *pro* Furius.

FONT. Fontejus.

FRVGIF. Frugiferæ (Cererî.)

GERM.

XXIII. NUMISMATUM. 173

GERM. Germanicus.

G. P. R. Genio Populi Romani.

HEL. Helvius.

HER. Herennius, *vel* Herennia.

JVN. Junior.

JAN. CLV. Janum Clusit. *vel* Clau-
fit.

IMP. Imperator.

IMPP. Imperatores.

I. S. M. R. Juno, Sospita, Mater, Regi-
na. *vel* Magna.

ITE. Iterum.

IVL. Julius, *vel* Julia.

IVST. Justus.

H-S. Sestertius.

I. O. M. SACR. Jovi Optimo Maxi-
mo Sacrum.

II. VIR. Duumvir.

III. VIR. R. P. C. Triumvir Reipu-
blicæ Constituendæ.

IIII. VIR. A. P. F. Quartumvir, *vel*
Quatuorviri Auro, *vel* Argento Pu-
blico feriundo.

H 3

L. Lu-

L. Lucius.

LAT. Latianus.

LEG. Legatus.

LEG. PROPR. Legatus Proprætoris.

LEG. II. Legio secunda.

LEP. Lepidus.

LENT. CVR. X. F. Lentulus curavit Denarium faciendum.

LIBERO. P. Libero Patri.

LIC. Licinius.

LVD. SÆC. F. Ludos sæculares fecit.

MES. Messius.

M. Marcus.

M. V. Manius.

MAR. CL. Marcellus Clodius.

M. F. Marci Filius.

M. OTACIL. Marcia Otacilla.

MAG. *vel* MAGN. Magnus.

MAC. Macellum.

MINER. Minerva.

MON. *vel* MONET. Moneta.

MAX. Maximus.

MAR. Martia (aqua.)

MAR.

XXIII. NUMISMATUM. 175

MAR. VLT. Marti Vltori.

N. C. Nobilissimus Cæsar.

N. Nepos, *vel* Noster.

NN. *vel* NOSTR. Nostri, *vel* No-
strorum.

NAT. VRB. Natalis Urbis.

NEP. RED. Neptuno reduci.

OPEL. Opelius.

ORB. TERR. Orbis Terrarum.

O. Optimo.

OB. C. S. Ob Cives Servatos.

P. Publius. *vel* Pater.

P. P. Pater Patriæ.

P. M. *vel* PONT. MAX. Pontifex
Maximus.

P. F. Pius, Felix.

PAPI. Papius *vel* Papirius.

PARTH. Parthicus.

PERT. *vel* PERTIN. Pertinax.

PESC. Pescennius.

P. R. Populus Romanus.

PR. Prætor.

PROP. Proprætor.

PROC. Proconsul.

PROQ. Proquæstor.

POMP. Pompejus.

PRINC. JUVENT. Princeps Juventutis.

P. *vel* POT. Potestate.

PERP. Perpetuus.

PLAET. Plætorius.

PRÆF. CLAS. ET. OR. MARIT.

Præfectus classis & oræ Maritimæ.

PRAEF. VRB. Præfectus Urbi.

PRON. Pronepos.

PROV. DEOR. Providentia Deorum.

PRIV. Privernum.

PVPIEN. Pupienus.

PAC. ORB. TERR. Paci orbi Terrarum.

Q. Quintus, *vel* Quæstor.

Q. C. M. P. I. Quintus Cæcilius Metellus Pius Imperator.

Q. P. Quæstor Prætorius.

Q. PR. Quæstor provincialis.

Q. DE-

Q. DESIG. Quæstor Designatus.

R. P. Respublica.

R. P. C. Reipublicæ Constituendæ.

RECEP. Receptis (signis) *vel* Receptus.

REST. Restituit.

ROM. ET. AUG. Romæ & Augusto.

SARM. Sarmaticus.

SALL. Sallustia.

S. C. Senatus-Consulto.

S. P. Q. R. Senatus Populusque Romanus.

SEPT. Septimius.

SER. Servius, *vel* Sergius.

SEV. Severus.

SEX. Sextus.

SCIP. ASIA. Scipio Asiaticus.

STABIL. Stabilita (terra.)

SIG. RECEP. Signis receptis.

SEC. ORB. Securitas orbis.

T. Titus.

TI. Tiberius.

H 5

TER

TER. Terentius, *vel* Tertium.

TEMP. Temporum.

TR. P. *vel* TRIB. POT. Tribunitia
potestate.

TR. MIL. Tribunus Militum.

TRIVMF. Triumphator.

TREB. Trebonianus.

V. Quintum.

VII. VIR. EPVL. Septemvir Epulo-
num

VIB. Vibius.

VIL. PVB. Villa publica.

VIRT. Virtus.

VIC. Victoria.

VESP. Vespasianus.

V. C. Vir clarissimus.

VOT. X. MVL. XX. Votis Decen-
nalibus, Multiplicatis vicennialibus.

X. Decimum.

XV. VIR. SACR. FAC. Quindecim
vir sacris faciundis.

XIV. Quartum decimum.

XIIX. Octavum decimum.

Posset

Posset opus hoc accessione aliarum inscriptionum locupletari, quarum plures in *Familiis nostris Romanis* hinc inde occurrunt ex nummis Consularibus à Goltzio commemoratæ. Commentarium deinde nuper emisit DE NOTIS ROMANORUM Ill. Sertorius Ursatus Eques & Professor Patavinus quantumvis avido Lectori omni ex parte satisfacturum. Hæc porro quæ scripsimus ad generalem Numismatum cognitionem comparandam sufficere arbitror.

CAPUT XXIV.

*De iis, qui Nummos antiquos scriptis
illustrarunt.*

U t in Bibliothecis nihil frequentius ipsis bibliothecarum indicibus & librorum catalogis, utpote qui totidem ferme bibliothecarum loco sunt: ita hîc, ubi veteris rei nummariae doctrinam explicamus, ejusdem Scriptores recensere non jucundum modo, sed

& utile, quinimo necessarium, fore visum est. Tribuatur hoc studii hujus honori, quod certe non video quo jure quisquam ei negare possit, ingenuarum voluptatum non ullam esse cum ista, vel suavitate, vel utilitate, comparandam, siue materiæ dignitatem spectes, siue rerum gestarum certissimis monumentis consignatam fidem. Et tamen compertum mihi est, intra centum fere & quinquaginta proximos annos, & natum esse hujus elegantiae studium, & in hanc amplitudinem, quam nunc miramur, excrevisse: prius verò rem litterariam altero hoc velut oculo caruisse. Postquam enim ducentis ferme abhinc annis politioris litteraturæ splendor è priorum sæculorum barbarie, tanquam ἐν ζόφῳ ἠερόεντι, in clarissimam lucem sensim emergere, & præstantiores hominum animos nova subinde majorique gloria cepit accendere, ad hoc quoq; studium quasi luxuriantes delapsi, levibus primum & supervacaneis operis illud excolere, deinde & diligentius versare,

fare, tandem etiam aliqui tota mente omnique impetu pertractare, & publicis scriptis celebrare satagerunt. Horum jam, quos quidem memoria teneo, catalogum texere mihi animus est, & libere, quid de plerisque sentiam, edicere. Quod si quis sit, qui diversum de uno alterove censendum existimet, huic ego suam sibi placere sententiam facile patior; modò & à mea dolum & invidiam procul abesse, latamque sine ira & studio, meminerit.

Elegantiae hujus excolendae Principes Itali fuerunt: quorum primus SADOLETUS Cardinalis ILLUSTRUM IMAGINES Leoni X. Pont. Max. inscriptas, suppresso tamen nomine, quamvis suum præmittere non dubitarit *Andreas Fulvius* dicitur edidisse. Impressit hunc librum Romæ *Jacobus Mazocheus*, anno superioris sæculi septimo decimo. Verum ut rudia sunt omnium rerum ac disciplinarum initia, sic in hunc, ne quid de sculpturae arte dicam, alienae falsæque imagines non paucæ irrepsere.

Secutus deinde JOHANNES HUTTICHIIUS Germanus, Imagines Fulvii describendo, etiam errores studiose confectatus est, in eo libro, cujus hic est titulus: IMPERATORUM ROM. LIBELLUS UNA CUM IMAGINIBUS AD VIVAM EFFIGIEM EXPRESSIS. ARGENTINÆ. MDXXV. Idem libellus deinceps Lugduni bis recusatus, nempe A. MDL. & MDLIV. eosdem semper errores retinuit.

Ex his effigies Imperatorum desumpsisse videntur *Munsterus*, *Cuspinianus*, *Abbas Urspergensis*, aliique, qui Cæsarium vitas litteris consignarunt; cum & illæ à nummorum auctoritate non parùm recedant.

WOLFGANGUS LAZIUS suam REM-PUBLICAM ROMANAM Viennæ An. MDLI. editam, ut & Commentarios DE REBUS GRÆCIÆ, variis Numismatibus exornavit: quam in rem operæpretium est audire Lud. Nonnium in præfatione, quam Huberti Goltzii Græciæ præmisit: *Quotus enim quisque,* inquit

quit ibi, *Græciæ Numismata attigit, imò si Wolfgangum Lazium excipias, non vidi hactenus qui aliquod pretium operæ præstitit.* Nec possum quin laudem hîc eruditæ epistolæ M-S. Basilii Amerbachii, J. C. Basiliensis, in bibliotheca Viri Cl. & amicissimi, Sebast. Feschii, J. C. Basil. servatas, quibus hæc accepta fero: *Wolfgangus Lazius in suo permagno libro REIPUBLICAE ROMANAE olim edito, cupiebat addi plurimorum nummorum imagines, reversas plerasque, sed vereor ne unquam edant typographi nostri, apud quos libri sunt. Deinde: Wolf. Lazius ex thesauro Ferdinandi Imp. parabat editionem nummorum græcorum, atque erant jam tabulæ aliquæ paratæ, quarum exempla ex reliquiis Oporini emi.*

Diffundente se rei nummariae studio, atque omnes litterati orbis regiones implente, liber prodiit gallico primùm idiomate scriptus, deinde in plerasque Europæ linguas versus, hoc titulo: *PROMPTUAIRE DES MEDAILLES, A LYON, 1554. in 4. deinde impressus ibidem*

ibidem Italicè, MDLXXXI. Hic quem non delectaret Adamum, Evam, Patriarchas, innumerosque alios ligno incisos cernere? Sed cave ad verum expressos existimes, quis enim unquam illorum temporum aut nummos, aut imagines vidit?

JACOBUS DE STRADA Mantuanus, librum edidit, cui titulus est: Epitome Thesauri Antiquitatum, hoc est, Imperatorum Romanorum, Orientalium & Occidentalium, Iconum ex antiquis Numismatibus quam fidelissime delineatarum; Lugduni MDLIII. Cum figuris ligno incisis, absque ullis nummorum averfis faciebus, quarum tamen in scripto nonnunquam mentionem facit. Eodem anno, librum hunc, sed gallicè à Jo. Louveau Aurelianensi redditum, edidit idem Jac. Strada, cum iisdem imaginibus. Opus hoc utile satis sua laude fraudandum non est, fatendum tamen, si cum politissimo hoc sæculo

sæculo conferatur, crudum omnino
 videri, præterquam quod præcipua
 nummorum facie sit destitutum. Her-
 culeum laborem diligentiamque stupen-
 dam Jac. Stradæ arguunt octo ejus libri
 M-S. rarissimorum nummorum deli-
 neationibus quovis auro contra caris re-
 ferti, quorum meminit, *in Bibliotheca*
Cæsarea, tom. I. pag. 77. Ill. Petrus
 Lambecius, quosque mecum aliquot
 abhinc annis Viennæ degente humanis-
 simè communicavit; quorum descri-
 ptionem aliquam hic exhibuisse non pœ-
 nitebit. Comparet in frontispicio titu-
 lus, DE CONSULARIBUS NUMISMA-
 TIS. Prima hæc pagina, exquisitissima
 arte picta; infrà dedicationem hanc ad-
 scriptam habet: REGI FERDINANDO
 CAESARI DESIGNATO AUGUSTO
 JACOBUS STRADA DEDICAVIT.
 CLXII figuras continet iste tomus,
 nummos aliquot rarissimos, qui neque
 à Fulv. Ursino editi sunt, neque nobis
 cum ejus FAMILIAS ROMANAS resti-
 tueremus, & augeremus, erant cogniti.

TOMUS II, complectitur CLIX. figuras, duabus in singulos nummos computatis. Tertius præstantissimam exhibet tituli picturam calamo factam, cum hac inscriptione: Series Imperatorum Romanorum ac Græcorum & Germanorum omnium à C. Julio C. F. C. N. Cæsare usque ad Maximilianum II. Cæs. P. F. Aug. una cum Liberis, Patrimis atque Matrimis, ex A. A. A. Numismatibus quam fidelissime delineatis. Inseruimus etiam juxta tempora Hexarchos & Longobardorum Reges: omnesque cum ipsorum Elogiis breviter descripsimus. Tomus I. continet XII. Cæss. à C. Jul C F. C. N. Cæs. usque ad Nervam Imp. Ex Museo Jacobi de Strada Mantuani Cæss. Antiquarii, Civis Romani. Estque ille meo judicio pretiosissimus.

Quartus

Quartus TOMUM II. continet. Quintus TOMUM III. Sexto hic est adscriptus titulus: ΚΑΤΑΛΟΓΟΣ ΑΥΤΟΚΡΑΤΟΡΩΝ ΡΩΜΑΙΩΝ ΤΕ ΚΑΙ ΕΛΛΗΝΩΝ ΚΑΙ ΓΕΡΜΑΝΩΝ ΑΠΑΝΤΩΝ ΑΠΟ ΓΑΙΟΥ ΙΟΥΛΙΟΥ ΓΑΙΟΥ ΥΙΟΥ, ΓΑΙΟΥ ΥΙΟΝΟΥ ΚΑΙΣΑΡΟΣ ΜΕΧΡΙ ΜΑΞΙΜΙΛΙΑΝΟΥ ΚΑΙΣΑΡΟΣ ΕΥΣΕΒΟΥΣ ΕΥΓΥΧΟΥΣ ΑΥΓΟΥΣΤΟΥ, ΜΕΤΑ ΤΕΚΝΩΝ ΩΝ ΠΕΡΙΕΙΣΙΝ ΑΜΦΟΤΕΡΟΙ ΟΙ ΓΟΝΕΙΣ ΟΤΙ ΑΚΡΙΒΕΣΤΑΤΑ ΥΠΟΓΡΑΦΕΝΤΩΝ ΕΚ ΧΡΥΣΩΝ ΤΕ ΚΑΙ ΑΡΓΥΡΩΝ ΚΑΙ ΚΑΛΧΩΝ ΝΟΜΙΣΜΑΤΩΝ ΠΑΡΕΝΕΙΡΑΜΕΝ ΔΕ ΚΑΤΑ ΧΡΟΝΟΥΣ ΤΟΥΣ ΤΕ ΕΞΑΡΧΟΥΣ ΚΑΙ ΤΟΥΣ ΒΑΣΙΛΕΑΣ ΠΑΝΤΑΣ ΔΕ ΣΥΝΤΟΜΩΣ ΜΕΤΑ ΤΩΝ ΟΙΚΕΙΩΝ ΕΛΟΓΕΙΩΝ ΚΑΤΕΓΡΑΨΑΜΕΝ.

Ο ΠΡΩΤΟΣ ΤΟΜΟΣ ΠΕΡΙΕΧΕΙ ΤΟΥΣ ΔΩΔΕΚΑ ΚΑΙΣΑΡΑΣ, ΤΟΥΣ ΑΠΟ ΓΑΙΟΥ ΙΟΥΛΙΟΥ, ΓΑΙΟΥ ΥΙΟΥ, ΓΑΙΟΥ ΥΙΟΝΟΥ, ΜΕΧΡΙ ΝΕΡΥΟΑ ΤΟΥ ΑΥΤΟΚΡΑΤΟΡΟΣ.

ΕΚ ΜΟΥΣΕΙΟΥ ΙΑΚΟΒΟΥ ΤΟΥ ΣΤΡΑΔΑΙ ΜΑΝΤΟΥΑΝΟΥ ΚΑΙΣΑΡΩΝ ΑΡΧΑΙΟΛΟΓΟΥ, ΠΟΛΙΤΟΥ ΡΩΜΑΪΟΥ. Continet ille CXLVI. icones numismatum, interdum etiam inscriptiones aut elogia Imperatorum, denique finit in Imp. Tetrico. Digni certè omnes qui luce publica donati nummariam bibliothecam

cam augeant : acceptissimos quippe fore orbi litterato nemo est qui dubitet, præsertim si ab aliquo harum rerum perito nonnullis in locis recogniti castigati-
que forent. Munificentia Cæsarea sola est, quæ tanto beneficio R. P. litterariam sibi devincire potest : itaque illam, cum tum pace tum bello sit ubique terrarum conspicua, provocare non intermittam, cum & illam nunquam mihi defuturam ore suo sacro benignissimè pollicitus sit ipse Cæsar, Numen omnibus bonis, omnibus litteratis, at mihi præcipue semper faustissimum,

Cæsare nil ingens mitius orbis habet.

De illis codicibus M-S. quorum partem repetito labore Monachii me voluisse meminisse memini, audiat hujus elegantiae studiosissimus Occo, in epist. M-S. ad Amerbachium : *Libri magno pretio compacti & inaurati, quos apud Albertum Bavariae Principem depictos vidi, quique magno constant, depicti sunt in folio regali*
à Fa-

à Jacobo Strada, & singulæ picturæ num-
morum singulis, ut audio, coronatis constitere:
Continent illi Consulium & Imperatorum
nummos, cuiusque metalli & typi. Ibidem
miraberis sanè & nummorum varietatem
& sumptuum gravitatem: sed omnino puto
multos esse appictos, qui non sunt in rerum
natura. Thesaurus est pretiosus & Principe
dignus.

ÆNEAS VICUS è primis fuit, qui
averfas nummorum partes æri commisit.
Multum eruditionis habent ejus lucu-
brationes, hocque magis lugendus Au-
toris immaturus obitus: quippe qui post
Jul. Cæsaris nummos explicatos insti-
tuerat & sequentes Imperatores pari di-
ligentia recensere; sed præventus subi-
tanea morte concidit, dum Duci Ferra-
riensi nummos quosdam monstraret.
Hæc verò sunt hujus viri scripta, quæ
ad manus nostras pervenêre.

Numismata XII. Imperato-
rum, Venetiis MDLIII. in 4.

Omniū Cæsarum rarissimæ
Ima-

Imagines ex antiquis Numismatis desumptæ: addita perbreui cuiusque vitæ descriptione ac diligenti eorum quæ reperiri potuerunt Numismatum aversæ partis delineatione. Libri primi Editio altera Venetiis, An. MDLIV. in 4.

Discorsi di M. Enea Vico Parmigiano sopra le Medaglie degli antichi, &c. Venetiis, MDLV. & MDLVIII. in 4.

Ex Libris XXIII. Commentariorum in vetera Impp. Rom. Numismata, Æneæ Vici, Venetiis, MDLXII.

Augustarum Imagines, Venetiis, MDLVII. in 4.

Le Immagini delle Donne Auguste intagliate in stampa di rame, con le vite & isposizioni, di Enea Vico, sopra i roversì delle

delle Loro Medaglie Antiche, Libro primo in Vinegia, appresso Enea Vico Parmigiano & Vincenzo Valgrifio, all'insegna d'Erasmo, MDLVII. in 4.

Reliqua Librorum Æneæ Vici Parmensis ad Imperatorum Historiam ex antiquis Nummis pertinentium, à Jacobo Franco Chalcographo Veneto. Venetiis MDCl. in 4. Opus posthumum.

CONSTANTINUS LANDUS Complani Comes, Veterum Numismatum Rom. Miscellaneas Explicationes vulgavit, Venetiis primum, deinde Lugduni MDLX. in 4. excusas.

HUBERTUS GOLTZIUS, Belga, sculptor insignis, & numismatum antiquorum heluo infatiabilis, quicquid hujus generis ubique reperitur in unum cogere conatus est, peragratis feliciter Germania, Gallia & Italia, harum deliciarum
fon-

fontibus inexhaustis. Unde tantam nominis famam quæsit, ut eruditi totius Europæ Viri ad illum explicanda mitterent, quæ aliis abstrusa censebantur. Ipse Medicus Occo Vir celeberrimus sic scribit ad Amerbachium, Ep. IV. *Goltz-
zius mirus fuit nummis perlegendis artifex,
quotidianâ nimirum edoctus experientiâ: &
ego illi omnia mea numismata cærea, quæ
legere non potui, aliquando transmisi, &
is singula additis inscriptionibus remisit.*
Idem in alia Epist. ad eundem. *Dominus
Laurinus pleraque scripsit, quæ Goltz-
zius edidit, cum hic pictor duntaxat, latinæ lin-
guæ ignarus, sed nummorum omnium pe-
ritissimus interpres, tam Græcorum quàm
Latinorum, qui in paupertate, ut audio,
obiit, scilicet an. MDLXXXIII.* Am-
plissimam etsi gloriam adeptus majorem
certè consecutus fuisset, si non nisi verè
antiqua Numismata proferre studuisset,
præsertim in superbo illo FASTORUM
opere. Adducor enim non levi conje-
ctura, ut credam utrosque (Laurinum
scilicet & Goltzium) multa excogitasse
supplen-

supplendæ Fastorum historiæ, quæ nusquam viderant. Ea ipsa manu Goltzii delineata vidi, quæ à V. Cl. Jo. Jac. Chifletio Regis Hispaniarum Archiatro, mihi dono data, ad eundem Parisiis Bruxellas referri curavi. In ejusdem ædibus ante XII. annos vidisse me inprimis memini, Goltzii longè præstantissimum codicem M-S. Græcarum Civitatum, omnis magnitudinis numismatibus refertum. Malè sit pudori, qui me à tanti thesauri possessione cohibuit. Omnium certè quos unquam vidi hujus generis pretiosissimum censeo: cujus opinor mentionem fecisse Lud. Nonnium doctissimum ejus commentatorem in præfatione *Græciæ* his verbis: *Secundus, Epirum, Acarnaniam &c. contineret, si tabulæ temporis injurias vel Autolyçi alicujus manus potuissent effugere.* Sed de his satis. Quæ vulgata sunt Goltzii opera, jam recensebimus.

Series Imperatorum Romanorum &c. Antverpiæ MDLVII.

Forma grandiuscula, absque averfis faciebus; quod ipsum Germanicè impressum ibidem eodem anno vidimus cum hoc titulo: Lebendige Bilder garnach aller Keysern von C. Julio Cæsare bis auff Carolum V. &c.

Fasti &c. Brugis Flandrorum MDLXVI. & iterum Antverpiæ, MDCXVII.

Sicilia & magna Græcia, cum Commentariis Brugis, MDLXXVII: iterum, Antverpiæ, MDCXVIII.

Græciæ universæ Numismata cum Commentariis Lud. Nonnii; Antverpiæ, MDCXX.

Julius Cæsar &c. Brugis, MDLXIII. & Antverpiæ, MDCXX.

Cæsar Augustus &c. Brugis, MDLXVI, & Antverpiæ, MDCXX.

The-

Thesaurus &c.

SEBASTIANUS ERIZZUS nobilis Venetus, numismatum copiam immensam sibi comparaverat, quorum partem rariorem eruditè descripsit. Illa sæpe contractasse mihi contigit apud Illustrissimum D. Benedictum Capellum Nob. Venetum, à quo, ut fieri decet, diligenter asservantur. Liber hunc præfert titulum: Discorso di M. Sebastiano Erizzo sopra le Medaglie de gli Antichi con la Dichiaratione delle Monete Consulari & delle Medaglie de gli Imperatori Romani &c. in Vinegia, MDLIX. in 8. Iterum ibidem, MDLXVIII. in 4. Iterum ibid. MDLXXI. Editio quarta, quæ ultima, cæteris amplior & correctior est.

FULVIUS URSINUS laudem meruit maximam, etiam Jos. Scaligeri elogio quod è M-S. Codice Bibliothecæ Regiæ, quem vulgo SCALIGERANA vocant, hic apponemus. *FAMILIÆ*

ROMANÆ Fulvii Ursini, inquit, *liber divinus, ex quo multa didici.* Hunc ediderat ROMÆ, MDLXXVII. in fol. quem tertiâ parte auctum, multisque in locis recognitum restituimus, PARISIIS, MDCLXIII. de quo infra. Ex litteris Occonis Medici ad JC. Amerbachium, constat Fulv. Ursinum OMISSA quædam operi huic adjungenda comparavisse, in iisque & Macrianum fuisse. Vereor ne perierint; cùm nihil ejus rei investigare potuerim, frustra etiam evoluto exquisitissimo ejus Codice M-S. Bibliothecæ Vaticanæ, inscriptionibus, statuis, antiquisque signis referto, è quo Boissardum Vefuntinum quàm plurima monumenta Antiquitatum suarum deprompsisse dubium nullum est.

ANTONIUS LE POIX Lotharingæ Ducis Medicus, ut tunc erant tempora vix adolescentis hujus elegantioris studii, eruditè satis scripsit vernaculè: Discours sur les Medailles Antiques &c. à Paris 1579. in 4. quibus

quibus adjunxit gemmas aliquot eleganter æri incisas.

GUILLIELMUS DU CHOUL, nobilis Gallus, multa tabulis buxeis eximia arte incidi curavit, & quantum ferebant tempora, diligenter examinavit, eo in libro quem inscripsit: Discours de la Religion des Anciens Romains, de la Castrametation &c. à Lyon, 1556. in 4. item Italicè 1569. in 4. item Lugduni 1581. item Gallicè a VEZEL, 1672. Hispanicè atque Germanicè impressum audiui.

ADOLPHUS Occo Medicus, Confessionis Augustanæ acerrimus defensor, Numismata Imperatorum Rom. à Pompejo Magno ad Heraclium descripsit, inspersis hinc inde Commentariis, illisque doctissimis. Hæc primum ANTVERPIÆ MDLXXIX. prodire: Iterum Multis millibus aucta, Augustæ Vindelicorum, MDCL. Index à multis nuncupatur hic liber, quem huic nostro studio apprimè neces-

sarium cenſeo ; hæc etiam cauſſa eſt, quod diſtractis omnibus exemplaribus venalis hodiè vix reperiatur. Equidem ſatis recorder aurem mihi olim vellicatam, ut aliquando temporis aliquid illi reſtituendo, recognoſcendo & augendo tribuere vellem : Verùm cum muneris publici & ſtudiorum ratio, hoc eſt & Medicinæ profeſſio & praxis, tantum otii mihi non concedat, ſi quis alius ſpartam hanc ſuſcipere vellet, manus meas ad auxiliandum ſentiret illico promp- tiſſimas. Nihil enim eſt, quod magis in votis habeam, quam remp. litterariam hac ex parte relinquere marmoream, atque omni cultus genere quam ornatiffimam.

ANTONIUS AUGUSTINUS Epifcopus Ilerdenſis, deinde Tarraconenſis Archiepiſcopus, inſignis ſui temporis Ju- riſconſultus, antiquitatis ſtudio prioribus Scriptoribus palmam præripuiſſe videtur illis *DIALOGIS*, quos primum in. 4. *ROMÆ*, *MDXCII.* in publicum dedit, atque iterum ibidem *MDC.*

Latini

Latini tandem redditi ab Andr. Schotto Soc. Jes. impressi sunt ANTVERPIÆ, MDCXVII. & iterum ibidem, MDCLIII. Iterum Italicè cum hoc titulo. Dialoghi di Dom Antonio Agostini Arcivescovo di Tarracona intorno alle Medaglie, inscrittioni & altre Antichita, tradotti di lingua Spagnola in Italiana, Roma MDCXXV. in fol. Scripsit idem Commentarium De Familiis Romanorum, qui quoniam Fulv. Ursi argumento conveniebat, ejus Familiis junctus est, tam in editione Romana, quàm in Parisina.

JOANNES SAMBUCUS in fine EMBLEMATUM aliquot numismata, eaque ut plurimum rara, in ligno incidi curavit, quæ Antverpiæ sæpè, absque ulla interpretatione excusa sunt. Quarta editio ea scilicet quæ An. MDLXXXIV. prodiit, emendatior est & auctior.

CLAUDIUS GUICHARD numismatum frequentem facit mentionem in suo

de FUNERIBUS opere, tum & *Abrahamus Ortelius* in ORBIS THEATRO; sed frequentius & majori cum gloria *Cæsar* Cardinalis *Baronius* in ANNALIBUS ECCLESIASTICIS.

GABRIEL SIMEON rerum antiquarum amore captus pro temporis illius ratione multa congeffit, eo in libro, cui fecit titulum: Illustrationi de gli Epitafi & Medaglie antiche di M. Gabriel Simeon Fiorentino, in Lyone MDLVIII.

JOANNES LE MENESTRIER Divionensis AUGUSTARUM IMAGINES cum Commentariis publicavit. Sed dolendum hîc non pauca numismata falsa mixta esse veris, & adulterina genuinis.

PAULUS PATAVIUS, Senator Parisiensis amplissimus, numismata vetera atque nova, statuas, lucernas, signa, inque his plurima rarissima edidit. Ejus tamen eruditioni opus non satis respondet, commentariis quippe destitutum.

LÆVINUS TORRENTIUS Episcopus Antverpiensis nummos addidit Suetonio, De Vitis XII. Cæsarum. Argumentum, me quidem iudice, egregium est, quodque, si ad cæteros rerum gestarum Auctores extenderetur, eos mirum in modum illustraret. Non satis æquum illi fuisse Adolph. Occonem antiquarium celeberrimum D. M. Lutheri dogmatibus pertinaciter addictum, ex atrocibus his verbis, ad Amerbachium scriptis, conjicio: *Torrentius Papicola opulentus ad Cardinalatum aspirat: Est homo vaser, ut audio, & ambitiosus. Commentarii in Suetonium editi, non sunt sui, sed alterius cujusdam Viri docti, qui morte præventus præstare id non potuit, quod ille præstitit, nimirum ut prælo committerentur: Antiquitatum studia parum, opinor, curat, gravioribus intentus.*

HELISEUS ROSLEIN D. Med. multa exposuit numismata, quæ suo tempore in Alsatiae ruderibus reperta sunt. Pleræque ejus interpretationes adeo ludicræ sunt, ut vel ipsi Heraclito risum

movere possent. Scripsit ille Germanicè Des Elsas und gegen Lotringen Wasgawischen Gebirgs gelegenheit &c. von alten Monumenten und Gedachtnus zeichen in alten Moneten und Müntzen, Schriften und Characteren der alten Gebäwen und Heusern &c. Strassbourg. 1593. in 8.

MARQUARDUS FREHERUS Dissertationem perdoctam edidit, De Numismate Censur à Phariseis in Quæstionem vocato, Heydelbergæ, 1599.

LEVINUS HULSIUS egregiè scripsit, & raritatis Numismatum mentionem fecit. At quàm difficile sit hac in parte omnibus placere perspiciamus ex ejus verbis, cùm ad Trajanum pervenit: *Numismata*, inquit, *huius Imperatoris reperiuntur, sed ex argento difficilius*. Posset tamen excusari, si quæ elapso sæculo rara fuere, frequentiora nunc occurrunt;

runt; præsertim cùm Trajani numismatum ex argento amplius tria millia habuerim, è quibus centum ferè variis typis signata. Ejus libelli hic est titulus: XII. primorum Cæsarum & LXIII. ipsorum Parentum & Uxorum numismata; Spiræ 1599. Iterum typis mandatus est, cum hoc titulo: Imperatorum Romanorum Numismatum Series à C. Julio Cæsare ad Rodolphum II. Francofurti, 1605. in 12.

PHILIPPUS PARUTA Nobilis Siculus Siciliæ numismata publicavit in folio 1612. deploramus mortem ejus immaturam, quæ commentarios nec absolvi nec imprimi permisit. Leonardus Agostinus iterum illa edi curavit, cum levi augmento, Romæ, MDCXLIX.

Syracusanorum numismatum frequentem facit mentionem DON VINCENTINUS MIRABELLA Eques, hoc in libro: Dichiarazioni della Pianta dell' Antiche Siracuse e d'Alcune

scelte Medaglie d'esse e de Principi che quelle possedertero, in Napoli, MDCXII^l. in folio. Item & liber iste L'antica Siracusa illustrata di D. Giacomo Bonanni e Colonna Duca di Montalbano, in Messina, MDCXXIV.

OCTAVIUS STRADA Jacobi filius, antiquitatis studio non minus celebris quàm Imperatoribus, quorum cimeliarchiis præerat, gratus, hanc etiam litterarum partem exornavit libro, quem inscripsit, De Vitis Imp. & Cæsarum Rom. tam Occidentalium quam Orientalium: nec non Uxorum & Liberorum eorum: item Tyrannorum &c. Opus novum ac longe præclarissimum, olim incredibili labore, sumptu magno, Peregrinationibus multis, iisque periculosis, Octavii de Strada à Rosberg Civis Romani,
S. C. M.

S. C. M. Rudolphi sacratissimæ
 memoriæ, Nobilis Aulici & An-
 tiquarii &c Francofurti MDCXV.
 in fol.

Jacobus Biæus sculptor insignis
 Numismata Aurea Impp. Rom.
 à Julio Cæsare ad Heraclium
 edidit cum eruditis Commentariis *Jo.*
Hemmelarii Canonici Antverpiensis; Ea
 scilicet quæ Princeps Chimaicensis, Ca-
 rolus Croyus Dux Arfchotanus colle-
 gerat. Postmodum sed absque ulla inter-
 pretatione, adjunctis tantum Ant. Au-
 gustini Archiep. Tarraconensis dialogis
 XII. exit ille liber, in folio, cum hoc
 titulo: Numismata Impp. Rom.
 Aurea, Argentea, Ærea, à C.
 Julio Cæsare usque ad Valenti-
 nianum Aug. opera Jac. Biæi Ant-
 verpiani aeri graphice incisa &c.
 Antverpiæ, MDCXVII. Prodiit ite-
 rum cum brevibus sed satis eruditis
 Commentariis docti cujusdam Viri Ant-
 I 7 verpien-

verpiensis, ut Typographus innuit in præfatione, qui studio tamen nomen suum opprimi voluit. Ibidem MDCLIV Istius Principis elogium à celeberrimo J. Lipsio scriptum, in *Præfatione Syntagmatis de bibliothecis*, non omittendum duco: *Eximius inter Belgii procures, qui rerum antiquarum elegantia & studio captus, nummos priscos & bibliothecas usui publico instrueret & adornaret.*

LUDOVICUS SAVOTIUS Medicus Parisiensis doctissimè scripsit de numismatibus, cum hoc titulo: *Discours sur les Medailles antiques, divisé en quatre parties, esquelles il est traitté si les Medailles antiques estoient monoyes, de leur matiere, de leur poids, de leur prix &c. Par M. Louys Savor, Medecin du Roy &c. à Paris 1627. in 4.*

FRANCISCUS ANGELONUS hunc vulgavit librum: *La Historia Augusta*
da

da Giulio Cesare infino à Constantino il Magno illustrata con la Verità delle Medaglie antiche da Francesco Angeloni, in Roma, 1641 in fol.

CASPAR GEVARTIUS hunc librum edidit : Icones Impp. Rom. &c. Stylo & opera Caspari Gevartii J. C. Archigrammatæi Antverpiani & Historiographi Cæsarei, Antverpiæ, MDCXLV. in fol.

JOANNES de LASTANNOSA Hispanus, ut audio, honestissimus, egit Hispanicè de nummis Hispanicis : legisse certe juit : libro titulum hunc adscripsit : Museo de las Medallas desconoscidas Espannolas , Osce, MDCXLV. in 4.

TRISTANUS à STO. AMANTE, Historiam scripsit Imperatorum Romanorum, ex eorum numismatibus depromptam, obscura plurima tantâ declaravit solertiâ, ut eorum manes eruisse videatur,

tur, qui hujus historiæ argumentum fuerunt. Utinam aut minùs acer, aut verbis expolitior fuisset. Quantum volumen paraverat, cui ut provideant hæredes enixè cupio. Toti operi præfixus est hic titulus: *Commentaires Historiques contenant l'Histoire generale de l'Empire Romain en trois Tomes, par Jean Tristan Escuyer Sr. de St. Amant, &c. à Paris, 1657. in folio.* Acriter quidem ejus errores reprehendit anonymus quidam, quem audio esse Abbatem Boninum, libello Italicè conscripto hoc titulo, *Il Bonino al Tristano,* in 4.

EZICHIEL SPANHEMIUS, recondita antiquitatis eruditione, linguarum peritiâ, elegantiaque singulari celebris, cum Romæ degeret, librum edidit hoc titulo insignem: *Dissertatio de Præstantia & usu Numismatum, Romæ, MDCLXIV. in 4.*
qui

qui postea auctior & variis Numismatum rarissimorum iconibus illustratus prodit, AMSTELODAMI MDCLXXI. Plura ab eodem expectare posset Respublica litteraria nisi negotia publica, quorum causa nomine Serenissimorum Electorum Brandenburgici & Palatini Coloniz degit, eum ab uberiori Musarum nostrarum cultura dimoverent.

PETRUS SEGUINUS eximie pietati, morum integritati, aulicisque disciplinis præclaram adjunxerat historię antiquę cognitionem: Hanc magno ære conquisitis undiquaque Numismatibus comparaverat, quæ vivus etiamnum Cimeliarchio Regio lubens addixit. Antiquariorum Dictator, nullo refragante, audiebat; ego certe in prima felicitatis parte pono, quo ad intimam ejus familiaritatem, vel invitâ fortunâ, seu potius Ibide meo quondam fuerim admissus. Librum reliquit mole quidem non magnum, sed elegantia & recondita eruditione conspicuum, cui titulum fecit: Selecta Numismata antiqua
ex

ex Museo Petri Seguini Sⁱ. Germani Antissiodorensis Paris. Decani; ejusdem Observationibus illustrata: Lutetiæ Parisiorum, MDCLXV. in 4.

JO. BAPTISTA CAPPONUS Medicinæ Professor Bononiensis De Ochrone *Æreo* Commentarium scripsit, Bononiæ 166... impressum in 4. Πολυμυσία & argumenti varietate præstantem.

Florentiæ transeunti mihi Ill. Ant. Magliabechius, vir omni laude dignus, libellum muneri dedit, Galeria Cæsarea da D Porporino da Faenza Monaco Celestino &c. in Faenza 1672. in 12. qui multa numismata, & multas illorum explicationes comprehendit.

JO. VAILLANT primùm edidit, Numismata Imp^{er} Rom. præstantiora à Julio Cæsare ad Postumum & Tyrannos per Jo. Vaillant Bellovacensem, Doct Med.
& Re-

& Regium Antiquarium: Tom. I. de Romanis Aëreis, Parisiis 1674. in 4. Eodem anno alterum Tomum vulgavit De Aureis & Argenteis. Plura ab eo expectantur: is enim est, qui cùm Romæ diu habitaverit, Venetiarum & præcipuarum Italiæ civitatum cimeliarchia Parisinaque, & quod omnium instar est, Regium illud, rarissimorum Numismatum affluens copia diligenter perlustraverit, rariora describere sibi proposuit, nominatis simul eorum possessoribus, itaque doctorum virorum desiderio uberrimè satisfactum iri arbitror, si quorum nummorum indicem tradidit, interpretationem quoque sit aggressurus.

OCTAVIUS FALCONERIUS morte suâ precoci multa eripuit Reipublicæ literariæ, quam longiori vita procul dubio plurimum ornasset, Argumento sit ejus, qui superest, libellus elegantissimus, cum hoc titulo: Octavii Falconerii de Nummo Apamensi Deucalionæi

næi Diluvii typum exhibente,
Dissertatio, Romæ, 1666. in 8.

ULRICUS OBRECHTUS historiarum
Professor in Academia Argentoratensi,
libellum conscripsit De Nummo Do-
mitiani Iliaco, Argentorati impres-
sum, MDCLXXV. in 4. elegantem ac
eruditum.

JO. PETRUS BELLARIUS, è primo-
ribus Romanis litteratis, nuper elegan-
tem libellum ad me transmisit hoc insi-
gnitum titulo: Selecti Nummi An-
toniniani, quorum primus anni
novi Auspicia, alter Commodum
& Annum Verum Cæsares exhi-
bet, Romæ MDCLXXVI. in 8.

JAC. OYSELIIUS J. C. Thesaurum
Numismatum Antiquorum Com-
mentariis illustravit, eruditis dignisque
qui omnium manibus terantur. Impres-
sus est Amstelodami, 1677. in 4.

Tandem & ad nostra accedamus,
quosque nos libros ad rem nummariam
perti-

pertinentes edidimus, in hunc quoque censum referamus, factâ cuilibet amplissima de iis judicandi potestate. Sunt autem ista. Familix Romanæ in antiquis Numismatibus ab urbe condita ad tempora Divi Augusti: ex Bibliotheca Fulvii Ursini, cum adjunctis Antonii Augustini Episc. Ilerdensis: Carolus Patin, D. M. P. restituit, recognovit, auxit. Parisiis MDCLXIII. in folio.

Introduction à l'Histoire des Medaillès, à Paris 1665. in 12. Libellus iste paulo auctior & correctior Amstelodami typis mandatus est, 1667. iterum Italicè, Venetiis, 1673.

Imperatorum Romanorum Numismata, ex Ære mediæ & minimæ formæ &c. Argentinx, MDCLXXI. in folio.

Thesaurus Numismatum. &c. Amstelodami, MDCLXXII. in 4.

C. Sue-

C. Suetonii Tranquilli Opera quæ exstant : Carolus Patinus, D. M. P. Notis & Numismatibus illustravit. Basileæ, MDCLXXV. in 4.

Quibus adjungi possent opuscula quædam ad idem argumentum spectantia, ut Epistola De Numismate Augusti & Platonis ad Com. Val. Zanium, 1675. Item altera, De Numismate antiquo Horatii Coclitis &c. ad Abbatem Jo. Bracesium, 1678. Aliaque nonnulla, quæ, Deo volente, ac concedente *ἀτυχία*, officiique mei medici ratione permittente, auctiora suo tempore prodibunt.

CAPUT XXV.

De Cimeliarchiis Nummariis.

Cimelii nomine, rem intelligimus seu novam seu pretiosam in loculis ad animi delicias servatam. Mirè autem competit illud antiquis numismatibus, raritate, pretio & eruditionis exercitatione cætera superantibus. Cimeliarchiæ nomine sive collectionem Numismatum, sive locum in quo illa servantur, sive utrumque intellexeris, à sensu meo non recedes: His enim significationibus utentes Galli, *Cabinet* illud appellant, Itali *studio*: Germani, si voce patria uti velint, *συνεδόχων* locum condendis Numismatibus dicatum, *Kunst-kamer*, nominant; quamvis proprie nomen hoc quodvis conclave rebus rarioribus & pretiosioribus, arte inprimis & manu elaboratis, destinatum designet.

Mibi hic de illis tantum cimeliarchiis verba facere animus est, quæ nummaria
dici

dici possent, omissis iis quæ res alias pretiosas complectuntur, ab instituto nostro nimium remotis. Eorum quæ ex amicorum litteris & præcipuè *αὐτοψία* innotuerunt, indicem scribere aggredior, meo quidem iudicio, non inutile futurum, tum in scripta hæc nostra incidentibus, tum possessoribus, præsertim verò illorum custodibus, quos non malè, ut arbitror, Cimeliarchas nuncupabo: opes quibus præsent, resque cæteras, à Principibus illustrioribusque Viris sollicitè servatas, hoc nomine comprehendi sic agnoscent, ut earum definant esse vel ignari vel negligentes custodes. Arduum, fateor, propositum mihi est opus; etsi enim temporis, impensis, atque laboribus minimè pepercerim, multa tamen diligentiam meam effugère, quæ Lectoris benignitati atque experientiæ cuiusvis reparanda relinquo.

Inter Germaniæ Principes, quantum inter ignes Luna minores, eminet ipse Lunæ Ottomanicæ terror, Imperii caput,

put, sacratissimus Imperator LEOPOLDUS, bono publico privatoque natus, cui nihil deesse videtur, præter otium. Is avorum suorum, etsi miram erga politiores disciplinas indolem, mille parasangis superavit, cum præter artes imperatorias, quibus felicissimè utitur, linguarum cognitionem reconditioribus studiis locupletavit. Summum vitæ meæ honorem fecit familiare primum illud quatuor horarum colloquium, ad quod me admittere non dedignatus est benignissimus ille Princeps: Acri quippe iudicio, & profunda eruditione & Ciceroniano eloquio (Latinè enim imò Romanè loqui voluit) insigniter percussit me tanta expectantem; Majorum suorum ora oculisque interim intuebatur, aderant enim omnes in nummis aureis, argenteis & æreis expressi, quorum aut virtutes collaudaret, aut vitia vituperaret. Mirandam numismatum copiam, raritatem, integritatemque, hujus non est instituti enarrare. Præter *Viennense* cimeliarchium,

K aliud

aliud est *Pragæ*, aliud *Oeniponti*; digna certè quæ Imperatoribus inserviant. Deinde *Viennæ* nobilissimas aliquot numismatum series sæpe mihi videre licuit apud Illustrissimum Comitem à *Thrautson*, & mihi amicissimum D. *Jonam Schrimpsium*.

Serenissimus *Bavariæ Dux Elector* præter statuarum antiquarum ingentem numerum, nummos habet aureos Consulium & Imperatorum Romanorum, circiter mille & quadringentos. Cave credas omnes antiquos esse; ut enim αὐτοψία multos adulterinos esse deprehendi, sic solerti indagatione intellexi quemdam Reverendum P. Soc. Jesu, *Principi Maximiliano*, harumce deliciarum cupidissimo, morem gerentem, ex auro fundi plurimos ad argenteorum formam curasse: Plurimi tamen genuini sunt, inter quos nonnulli rarissimi.

Brandenburgicus Elector Fridericus Guillelmus tum majorum insistens vestigiis, tum Sereniss. familiæ decus indies augens,

gens, bibliothecam amplissimam optimis libris nobilem Berolini coëgit, antiquorumque numismatum series diversas, quas etsi locupletissimas meæ curæ amplificandas commisisset generosus ille Princeps, nisi animum à litteris ad arma avertisset. Est scilicet Bellona furens, bonæ Germanorum indoli perniciofa. Quæ tamen nascenti isti Cimeliarcho deesse videbantur, consulenti Serenissimo Principi libenter aperui, datâ occasione consilii curam (ut ipse spem fecit) suscepturo.

Quin & *Dresdæ* apud Sereniss. *Electorem Saxonicum*, etsi aliis deliciis intentum, latent arculæ duæ numismatibus aureis antiquis plenæ, à majoribus suis collectæ, tanti ab ipso Principe habitæ, ut clavem iis aperiendis sibi retineat, neque, ut innumera alia ejus cimelia, custodis fidei committat. Eorum inspiciendorum copiam mihi fieri prohibuerunt frequentes, quibus præcipuè vacat Sereniss. Princeps, cervorum aprorumque venationes; quamvis

K 2

spem

spem fecerint, qui apud ipsum maxima pollent autoritate, DD. *Barones à Frisen.*

Palatinus Elector CAROLUS LUDOVICUS, omnes virtutes ac disciplinas animo complexus, a vitam auxit Numismatum congeriem; cujus amplio rem curam gereret si per bella liceret: Princeps enim est Reipublicæ litterariæ bono ita natus, ut nihil Musis nostris ab eo non sperandum esset, si per publicam Germaniæ calamitatem liceret.

Wurtembergiæ Duces duo amplissima coegerunt Numismatum cimeliarchia: *Eberardus* quidem nuper fatis functus, *Stutgardiae*, & *Fridericus Neostadii*. Utraque ferè ausim dicere opera manuum mearum, utraque omni metallo & serie locupletissima.

Apud *Duces Brunsvicenses & Lunenburgenses*, multos asservari nummos antiquos, persæpè audiui. Periiit quidem mihi illos videndi & adaugendi spes, funesto obitu Principis *Gustavi Augusti*, Ducis *Urici* filii: Adhuc mihi vivit, æter-

æternumque vivet, qui me tam impensè amare dignatus est.

Badensis Marchio Fridericus Magnus, aurea, argentea, ærea, antiqua recentiaque Numismata possidet *Durlaci*, quæ Ser. ejus Parens *Fridericus*, me ut plurimum suadente, comparaverat. Plura alibi vix reperies.

Neque frustra commemorabo *Germaniæ* civitates antiquitatis studio & possessione conspicuas. *Argentinum* primam ex Imperialibus urbibus celebrat quo ad delicias nostras *XVviri Eliæ Brackenhoferi* cimeliarchium, novis atque vetustioribus nummis, ut alia taceam, refertissimum.

Augustam Vindelicorum egregiè nobilitaverant elapso nuper sæculo celebratissimi Numismatum veterum Cultores, *Fuggerus Comes*, & Medicus *Adolphus Occo*, eandemque ei gloriam servant, urbis Syndicus *Dav. Thomannus*, *Vernerus*que pictor; ille quidem tum urbanitate tum eruditione nulli secundus: hic verò picturâ omnis generis notissimus.

Norimberga Jo. Georg. Volkamerum suum patritium, optimumque Medicum veneratur, ut & *D. de Viatis*: *Ulma Schermeyerum*, *Veickmanumque* in magistratu amplissimo collocatos: *Fena* suum perdidit *Bostum*, ut virum eruditissimum, sic antiquitatum omnis generis perditum amatorem & possessorem locupletissimum *Hamburgi* plurima esse cimeliarchia passim audivi, quorum præcipua sunt *Ludresianum* & *Fagelianum*. *Bremæ* quidem Jo. Herr. Eggelingius J. U. D. eximia quædam possidet Numismata, quorum aliquot delineationes ad me misit humanissimè, Reip. litterariæ communicandas.

Helvetiæ civitates adjungam Germanicis, id conciliante morum idiomatisque conformitate. *Tigurum*, peramæna civitas, bibliothecam instruit celeberrimis aliquando comparandam; cui ab aliquot annis nummos antiquos jungere instituit, pulchros finè, & qui ab optimæ indolis gente, priscæ integritatis amantissimæ, conservari & augeri mereantur.

Basilea,

Basilea, & Academia & civium probitate ac elegantia celebris, duo præcipue continet cimeliarchia. Alterum publicum est, ab optimo Magistratu ad communem utilitatem, urbisque decus comparatum, libris antiquis, picturis Holbenianis, & Numismatibus omnis generis, ab *Erasmo* & *Amerbachio* collectis, celeberrimum. Alterum, omnis generis cimeliis instructissimum, privatum quidem est, honestiori tamen nemini præclusum, sic volente ejus domino, *Sebastiano Feschio* Jurisconsulto, mihi, si quis alius, amicissimo & antiquitatis omnis, atque hujus inprimis nostræ intelligentissimo.

Basileæ jungamus *Scaphusium*, alium Helvetiorum pagum, illi morum & sacrorum cultu, sicut viciniâ, conjunctissimum. Illustrat hanc civitatem vir politissimus, qui & summæ ibidem dignationis, *Tobias Hollanderus*, tum eruditionis variæ præstantia, tum impenso in has nostras delicias studio, quarum & exquisitam jam copiam conquistavit.

Plurima certè in hoc genere posse videntur, quorum patria non unius sed plurium arbitrio regitur: præcipuè si fuerint ex *αἰετίς*: sic in Fœderato Belgio non pauci occurrunt opum suarum partem in nummorum veterum collectionem impendentes. *Nicol. Heinsius*, Danielis fil. ut eruditione singulari clavum navis litterariæ tenere videtur, sic eundem Numismatum possessione firmare, quorum Lugduni Batavorum ingentem habet ac eximium numerum. *Amstelodami* noveram *D. de Vitzem* urbis Secretarium, *D^{os}*. fratres *Vander Hem*, & *Lucam Occonem*, advocatos omnes, antiquarum rerum, & præcipuè nummorum cultores & possessores locupletissimos. Huic quidem cum *Adolpho Occone Medico Augustano* cognatio, & Italicum iter in juventute susceptum illas opes maximam partem pepere-
runt.

Triumphos *Christianissimi Regis LUDOVICI* scribat, cui laureata est penna;
Lysippo aut *Appelli* maneat vel celandi
 vel

vel pingendi potestas. Id mihi solum concedi rogo, ut quantum his nostris cimeliis operam dedit, vel debili stylo perstringam. Bibliothecam paravit Alexandrinâ Philadelphi nihil inferiorem, ac verè $\Psi\chi\eta\sigma\iota\alpha\tau\rho\epsilon\iota\omicron\omicron\omicron$. Ut illi, ejus temporis omnes aliæ hæud difficulter cedebant: sic hanc librorum copiâ atque delectu reliquas omnes faciliè credo superaturam. Picturas elegantiores, ac rarissimas mirari facilius est quàm enumerare. Quid jam de antiquis statuis dicam, quæ me, ut oculis sic animo, suspensum & attonitum frequentissimè tenuerunt. Juvat recordari, me quondam, etiam puerum, inspiciendis iis nimis attentum ab aulico prætereunte, convitii causa statuæ fuisse comparatum; sic cùm per juvenilia studia licebat, iis quoque rebus totum me mancipaveram. Quid multis? Sileant sua miracula Memphis Babilonque, & Parisiis quidquid architectura, pictura, sculpturaque valent, veneretur posteritas.

Præterea Rex Optimus percuntî naturæ æternitatem conciliaturus, volucrum, quadrupedum, piscium, monstorum, etiam omnis generis exactissimas picturas ac descriptiones fieri curavit. Neque hîc referre alienum puto, spem nobis factam esse, plantas omnis generis, ex toto orbe Parisios advectas, & in hortum regium collocatas, brevi in publicum esse mittendas. Ita fit, ut non minùs Regi obstricta videatur litteraria Respublica, cujus beneficio, ut in microcosmo, universi florum colores, stirpiumque vires emicant, quàm ipsi Soli tota hæc naturæ compages.

At quod me plus quàm cætera delectat series est Numismatum, omnis temporis, omnis generis, & omnis metalli, aliis omnibus anteponenda. Neque hanc Invictus Heros sibi solum comparatam putat, sic enim fama fert, orbem litteratum ejus, magnificentiae regiae beneficio, brevi participem fore; sic & olim mihi ab eorum custode *D. de Carcavy* indicatum memini. Felicem

licem Homërum , qui talem cantabit Achillem.

Magnates plerosque animadvertimus rariorem rerum indagini operam dare ; sicque se ad Principum suorum exemplum componere , ut illorum capterent aurem. Illustriss. *Jo. B. Colbertum* sub felici Regis autoritate potentissimum , suo genio in illas ferri compertum habemus , quarum in omni genere cumulat thesauros ; non prætermisiss antiquis Numismatibus , quibus primum inter cimelia locum deberi perspexit & dari iussit. Ejus consiliis æternum gaudebit Respublica litteraria : illis quippe factum est , ut ære quantumvis magno , honoribusque immensis , senum studia regiâ liberalitate compensarentur ; juvenumque promoverentur.

Henrici Magni filius *Dux Vernolius de Sally* , ingentem genii felicitatem inter cimelia exercuit. Flores , picturæ , statuarum , libri , numismata Principem hunc ab improbo venationum labore , primarumque regni administrationum ,

ab incunte jam ætate recrearunt ; quibus colligendis & amplificandis tempus & opes lubentissimè impendere consuevit.

Non nos latet. *Mendesii Episcopi* (quem Albigensem Archiepiscopum nuper à Rege nominatum referunt) ingentem pecuniarum vim Numismatibus acquirendis minùs ad famam, ut quibusdam contingit, quàm ad propriam utilitatem & animi delicias impendisse : est enim ille ut in sacris, sic in politicis & in historicis doctissimus, imò & ipse (ut audio) eruditorum Mœcenas. *Abati DE CAMPS* familiari suo, pariter rerum antiquarum intelligentissimo, laboris partem commisit, quo citiùs & nobilius exurgeret Cimeliarchium suâ dignitate dignum.

Supremum senatus Gallici splendorem ornat eximiè, *Guillelmi Lamonii* ejus Principis Πολυμάθεια incomparabilis : Hanc absque reconditoris historiæ monumentis languere nemo facilè ibit inficias ; quare, me conciliatore, accuratas

curatas paravit Numismatum series, integritate, nullis postponendas & quod præcipuum est, concessio à gravissimis regni negotiis otio, illorum ænigmata, ut jurisprudentiæ, litteraturæque difficilioris, solvere non intermit- tit.

In gloriam Generalis regni Procuratoris *HARLÆI* cedat, nullum unquam ejus ætatis tanto, quo fruitur, muneri, tantam adjunxisse eruditionem. Bibliothecam & Numismata, immensa pecuniarum vi conquistâ, ad animæ medicinam, inclitæque familiæ decus, o gemmis habere solet.

CAROLUS TRONSO in senatu Parisiensi Consiliarius, seriem numismatum ex argento paravit, & rarissimam, & integerrimam, quâ plurimum delectatur. Quamvis harumce deliciarum sit ille intelligentissimus, operam sibi adjunxit eruditi viri *D. FLORIOT*, qui & ipse insignem Numismatum copiam possidet, cujus oculis & suos sub- levat.

JO. BAPT. ALTINUS, N. HARDY, & IAC. REGNARD, tres in Urbano Parisiensi Regis prætorio Consilarii, numismata possident rarissima: hic quidem summâ arte magnisque impensis conquisita, prioribus verò non labore parta, sed ex hæreditate relicta sunt.

N. JUSTELLUS Regis Secretarius, politioris litteraturæ cultor eximius, bibliothecæ, numismatumque gloria nobilis apud omnes, & merito, audit.

Aureis numismatibus præcipuè delectatur *D. D' MONTIEU*, quorum pretiosissimum possidet numerum.

A quo *RR. PP. Societatis Jesu* Christianam pietatem elegantioribus litteris firmare constituerunt, mirum quantum profecerint, numero, opibus, famâ, autoritate: Libris præcipuè & Numismatibus reconditiorem eruditionem aggressi, laboris sui atque industriæ gloriam publicam fecerunt. Audiveram quidem à Rev. Patre Generali indictum

iis fuisse, nullam prætermitti debere horumce comparandorum occasionem, & pro opportunitate singulis in collegiis colligenda & diligenter servanda, quæ occurrerent. *Bruxellis* quidem humaniter mihi fuit exhibita, in ipsa eorum bibliotheca, numismatum antiquorum series conspicua. *Parisiis* accuratè servantur quæ *RR. PP. Sirmondus & Petavius* Jesuitarum doctissimi, olim in unum coegerant. Immensam illis lucem affunderet *R. P. Cossartius*, si per literata negotia, quibus pœnè obruitur, illi concessum foret.

Sic *D. Genovesæ Canonici* Regulares hac erudita suppellectile bibliothecam suam ornaverunt, quam præcipuè procuravit doctissimus ac honestissimus Vir *R. P. du Molinet*. Ei quasi gentilitium est, delectari Numismatibus, quorum fratrem idem habet maximum amatorem.

Non ausim prætermittere virum ceterorum intelligentissimum atque in eorum delectu & comparatione prudentissimum;

tissimum; *De Creil* illi nomen est, penes quem murrhyna vasa, statuae, libri, picturae, antiqui operis signa, Numismata ex omni metallo ut raritate & integritate, sic pretio nullis sunt secunda.

Mira Numismatum varietate apud *D. Bizot* saepe sum recreatus. Is enim pro ingenii qua pollet magnitudine, neque his neque illis contentus, nova semper suis superaddere conatus est, à XXV. annis, quibus in amicorum meorum album scriptus est. Recentia porro numismata, an ipsi magis cordi fuerint, asserere non ausim, at scio majori ardore & felicitate conquistata. Hinc ab Illustrissimo Colberto & honoribus & officiis exceptus est. Vix ullum esse in orbe arbitror, qui omnis generis cimeliorum notitiâ eum superet, maximè quo ad recentiora Numismata.

Huic adjungere liceat honestissimum *D. De la Lande*, virum harumce elegantiarum indagatorem indefessum, & qui earum arbiter prædicari mereretur.

Præter

Præter sua Numismata, ea fere omnia novit & contrectavit quæ Parisiis servantur.

Eorundem magnâ copiâ frui audio D. De Blois, Legati Regis Christianissimi in aula Turcica olim ab epistolis. Vir est, qui doctrinâ, elegantia, atque prudentiâ maximam sibi comparavit famam.

Nunquam deficeret occasio scribendi, si eos omnes enumerare mihi proponerem quos novi Parisiis numismata colentes; finem iis imponam nominato uno Nobis i Viro D. Du Plessis, qui quæ in militia pro Rege & patria fortiter gessit, sæpe eadem à Græcis Romanisque heroibus patrata feliciter recordatur: Hinc fortè ejus in libros amor atque Numismata, quorum ingentes acervos cumulare non desinit.

Ad exemplum Regum optimorum Gallos quoscunque Musis obviam ivisse diceres, cum ex orientalibus regionibus quasi exules in occidentales confugerunt: Libros atque numismata, eruditam
scilicet

scilicet earum supellectilem, omnibus officiis, & qualicunque pretio exceperunt, quorum postea cultores perpetui facti sunt, generosa hac indole à majoribus accepta, & cum hæreditate ad posteros transmissa. Aliquorum nomina hic indicabo, nullum omissurus, si noti omnes forent, sed horum indicem uberiorem me traditurum data occasione, polliceor.

Aque-Sextie (Aix) Canonico *Bonfilio* & Priore *BURILIO* primùm gloriabantur, ambobus in re nummaria opulentissimis, ut cætera taceam. Iis accessit Advocatus *D. SIBON* eruditione summa ut numismatum possessione conspicuus. Quin & curiosissimo Pharmacopœo *LAUTHIERO*, gemmarum præterea & cælaturarum antiquarum strenuo indagatori & possessori.

Arelatem, regni olim metropolim, *TERRENUS* suo cimeliarchio nobilitat, ut & aurifaber *AGARDUS*.

Avenioni *D. BEYREDUS* itidem & aurifaber *GREGORIUS*, numismata
egregia

egregia possident : Quasi ipsis Gallico solo circumscriptis, non liceret Gallicas delicias prætermittere : nisi mavis eos urbium Dominæ immemores esse non posse, qui Romæ parent.

Gratianopolim (Grenoble) urbem antiquam celebriorem efficiunt D. Senatoris *de la ROQUE* Numismata.

Lugdunum amplissima Galliæ civitas etsi majorem è commercii celebritate gloriam ducat, habuit tamen & adhuc habet quibus se elegantiarum litterarum decore ornet. *JACOBUS SPON* D. Medicus tanto ardore se antiquitatis studio tradidit, ut Roma non contentus, ipsam adierit Constantinopolim, inscriptiones & numismata investigaturus, quorum selectissimorum marum magnam coëgit, & in patriam retulit : Neque parum gloriæ hunc pugilem primum armasse, cui, si amplius otium mihi concedat Deus, ut felicius in Musarum castris pugnaturus artem cestusque sum repositurus.

Numismata ibidem habent R. P. Soc.

JESU

JESU De la CHAISE, Christianissimo Regi à confessionibus; Domini DU FAVRE, MAYER, item & prudentissimus mercator SILVESTER DUFOUR.

Montem-Pessulanum (Montpelier) artis Medicæ studio clarum & antiquitatis indagatione nobilitavit Medicinæ Professor RANCHINUS, cujus aurea præcipuè numismata ab ejus hæredibus etiamnum diligentissimè custodiuntur.

Civitates antiquas antiquitatis studio continuam dedisse operam, nisi abundè notum esset, argumentum præbere posset *Nemausus*. Habet quippe senatorem eruditissimum GAILLARDUM GUIRANUM, tum D. GRAVEROLS advocatum; utrumque antiquis numismatibus opulentum.

Angliæ Rex CAROLUS II. avita numismata, & ut mihi relatum est ab avo Rege JACOBO coacta, inter mille pretiosissima cimelia *Londini* studiosissimè servat. Illa omnia mihi monstrari olim benignissimè permisit, quorum
aurea

aurea adeò superba sunt, ut nunquam è memoriâ mea recessura confidam.

Quid factum fuerit de celeberrima numismatum serie ab Equite *ROBERTO COTTON* collecta, hæreo : nihil enim de ea investigare potui, nisi semotam esse ab hominum commercio, illamque suo tempore rursus in litterariæ Reipublicæ scenam prodituram; concedente præcipuè publico regni statu.

Memini me Londini observâsse amplissimam ut & pretiosissimam Numismatum antiquorum seriem apud D. *HARVEY*, Reginæ, ut vocant, thesaurarium. Duos alios nobiles Anglos novi, antiquitatis amantissimos : D. *Georgium Woelerum* nuper reducem ex Oriente, cum insigni numismatum rariorumque plantarum copia; & D. *Jo. Gailhardum* Gallum quidem sed in Angliâ degentem egregium eorundem investigatorem. Quidni & iis jungeretur nobilis Anglus *FALKNERUS*, qui quantum Smyrnæ degerit, tantum colligendis investigandisque nummis & oleum

oleum & operam impendit, quorum quidem ut ipse Venetiis observavi, magnum pretiosumque numerum in patriam reportabat.

CHRISTIANUS V. Daniæ Rex avitum numismatum thesaurum ampliare non intermitteret, borealium regionum gloriæ abundè consulens, nisi bellorum sævitia suavitatem ejus indolis exasperaret. Illum lustraturus *Hafniam* contendere statueram, quo me benignissimè Parisiis olim compellaverat magnanimus ille Princeps, at privatis impedimentis & turbulento Germaniæ statu præpeditus ab hoc consilio invitatus destiti. Recordor quidem gratissimè Regium istum Principem aureis muneribus studia hæc mea honorâsse; Danicumque Legatum Hannibalem Seested, magnatem literatissimum, venalia omnis generis numismata, at præcipuè aurea me curante conquissivisse, quorum ingentem numerum cumulâset, ni obstitisset ictus sanguinis ultimam curiositati ejus lineam præcoci fato imponens.

Holmiam

Holmiam Sueciæ metropolim nostris carere deliciis vix opinor: Eò præcipuè deportatis amplissimis Germaniæ spoliis. Porro ab inclita *Regina CHRISTINA*, vix quidquam ibi asservari audivi, consilium meum eò eundi avertente. At quot & quantas illa possideat Romæ, facilè intelliget aut qui ipsas viderit, aut qui *FRANCISCI GOTTIFREDI*, Nob. Romani, à quo ad regium Cime-
liarchium fluxere, & in conquirendis solertiam & acquirendis felicitatem no-
verit. Audivi porro *Grippiel* regni sena-
torem, *Holmiæ* possidere pretiosa nu-
mismata, ut & *Upsaliæ* eruditissimum
Professorem *Schefferum*.

Amoenissimam *Italiam*, provincia-
rum reginam, me prætermisisse arbitre-
tur nemo: Hæc quippe & antiquæ glo-
riæ vindex, & justa rerum æstimatrix,
Numismata undique contrahit, servat-
que, quæ per totum litteratorum orbem
dispenset. Vix credo fuisse ullum à du-
centis annis Pontificem Max. qui anti-
quarum rerum, & harum inprimis
amore

amore non fuerit captus. *Farnesiana* seu *Parmensis collectio*, suam debet *Paulo III.*, *P. M.* originem, *Barbarina* *Urbano VIII.* ut cæteras taceam; illi quod sciam præest nullus: huic verò *CAROLUS MORONUS* Fratri Cardinalis Barberini, à bibliotheca. Romana porro quælibet cimeliarchia superare videtur id, quod pridem *Gottifredianum*, nunc ab incomparabili Regina *CHRISTINA* possidetur, quodque regia benignitate non minus Litteratis publicum est, quàm si publicum esset. Ejus gloriæ plurimum obest *Fr. Cameli*, qui illi præerat, infelicitas; Is corporeis luminibus orbatus, quantumvis erudita sua perspicacitate & diligentia, reconditiora nummorum ænigmata ampliùs solvere non valet. Abbati *BRACCESII* series ex ære magno ea est, quæ nullam superiorem, parem fortè nullam habeat. Mœrens hic refero selectissimam numismatum *collectionem* Cardinalis *MAXIMI*, utpote cujus commemoratione renovatur dolor mihi patronum, Reipublicæ litterariæ
orna-

ornamentum , ac Ecclesiæ Principem nuper ereptum esse: utinam illa in manus deveniat eruditæ , & tanto thesauro dignas; cuius non minima erit gloria, per V. C. *Petrum Bellorium* politioris litteraturæ, ut & antiquitatis intelligentissimum coactam fuisse; cùm nummos ejus aliquot rariores doctissimis interpretationibus illustraverit.

Medicæi Principes Magni Hetruriæ Duces, quantum possideant enarrare mei non est propositi. Judicent soli qui *Florentias* lustravêre. Avitis quidem Numismatibus, tantum tamque pretiosum numerum adjunxerat fel. mem. *Cardinalis LEOPOLDUS*, ut mihi pulcherrimam civitatem percurrenti, vix licuerit ea notare quæ pridem Antiquariis erant incognita, schedisque meis inferere. Ibidem *NICOLINUS* Marchio cimeliarchium habet omni laude dignum, seu numerum aureorum, argenteorum & æreorum spectes, seu eorundem raritatem, seu statuarum, vasorum & inscriptionum eruditam varietatem.

tem. Quod imitantur Ill. D. D. *Gaddi*, Marchio Riccardi, aliique ejusdem elegantissimæ Civitatis Proceres.

Mutinæ Dux immensas possidet ejusmodi opes, ab Estensibus Ferrariæ Ducibus, de republica litteraria oppidò benè meritis, collectas, quas certe supra quolibet laudare audeo. Illis præest Eques *Jo. Donzi*.

Præterea antiqua numismata olim possidebant *Mantuae Duces*, quæ bellorum furore atque injuriâ distracta sunt. Ibidem porrò R. P. *Bulgarinus* Serenissimæ à sacris &c. eorum, ut audio magnam congerit seriem: forte ne celeberrimæ urbi desit quod famam possit ulterius extendere.

Neapolitanum unum cimeliarchium mirè extollunt, qui illud lustravêre, à *Francisco Pechietto* architecto regio coactum; non prætermisso eo quod inchoavit Nobilis eruditus *Andreas Andreinus*.

Paucæ certè sunt Italiæ civitates quæ nummorum antiquorum collectionibus
non

non sint conspicuæ. *Imolæ* id præstant
tum R. P. Mag. & Prior Servita, *Ant.*
Franciscus Cani, ut illorum intelligen-
tissimus, sic mihi amicissimus, tum
Co. Ramirus Machivelli. Faventiae, D.
Petr. Maria Cavina: Foro Livii (Forli)
Eques Sigismundus Marchesi. Pisauri, D.
Hieron. Gavellus, & Doct. Dominicus
Olivierius. Regii, R. P. Fontanellus Servi-
ti. Rhodigi, litterarum politiorum a-
mantissimus D. Silvester Camillus.

Bononiæ, præter Cardinalem Archiepi-
scopum Buoncompagni, multi multa ha-
bent numismata: Comes Valer. Zani:
Senator Car. Maria Gessius, olim Senat.
Berlingerii filius: Marchio Ferdinandus
Caspi: Ant. Felix Marsilius: Com. Hie-
ron. Bosellus: Doct. Silvester Bonfiglioli:
Celeberrimus Medicinæ Doct. Marcellus
Malpighius. R. P. Maria Minii, Vica-
rius Clericorum Min. Regularium.
R. P. Leo Canalis Servita. R. P. Jo. Bapt.
Cattanius Ordinis Minoris Oblervantiæ,
è cujus intelligentia atque eruditione
sperare possumus magnum antiquis

nummis argumentum, ex iis quos ex Hispania in has oras detulit. R. P. *Jo. Angelus Ricci*, ille & Ordinis Minorum Provinciæ Bononiensis Secretarius ac Commissarius Provincialis, *Jac. Maria Marchesinus*: *Valerius Polazzus* antiquitatum amantissimus. *Marchio Montalbanus*: *Lud. Laurentius*, Medicus. *Joseph Magnavacca* pictor, cui & alios ejusdem artis eximie alumnos adjungam, *Blancum Negri*, qui fratris sui *Jo. Francisci* hæres, hoc titulo eximia possidet Numismata; & celebrem *Prosperum Mancinum*.

Mediolanum postremis sæculis tot bella passum est, ut mirum sit aliquot ibi superesse Cimeliarchia; Principibus pro tempore dominantibus, rariora quælibet ad avitas collectiones deferentibus. Unum porro est superbissimum, libris exquisitissimisque tabellis pictis refertissimum. *AMBROSIANUM* scilicet ab optimo eruditissimoque Cardinale *Frederico Borromæo* instauratum. Partem ejus non ignobilem faciunt Numismata

numismata antiqua plurima, à Divo Carolo hujus patruo collecta, quæ omnia curæ commissa sunt urbanissimi ac singularis eruditionis Viri *Petr. Pauli Busca*. Ei adjungamus, quæ videntur tum apud Canonicum Illustrem virum *Manfredum Septalium*, tum apud nobilem *Franciscum Mediobarba Birago*, tum Doctorem *Secchia*.

Verona Comitem habet *Lud. Moscardum*, tam vastæ curiositatis, ut omnis generis cimelia possideat. *Museum Calceolarium* Moscardici longè superioris basim esse, utrumque satis commendat: hoc deinde Numismatibus antiquis singnisque, clarissimum est.

Nec *Vincentiæ* desunt deliciarum nostrarum amatores *R. P. Tressinus* Canonicus Regularis, & *Jo. Bonorno*, J. U. Doct. & Presbyter dignissimus.

Utinum, eruditissimum *Antonium Griffonium*, sui decoris (quod Musas nostras spectat) vindicem habet, mihi ut cætera taceam amicissimum. Deinde & alium Nobilem *D. Lucretium Agricola*.

Cadorum, Titiani patria, Medicum habet eumque Poëtam & Philologum, Numismatum Possessorem amantissimum, cui nomen *Jo. Bapt. Fabri*

Quid de *Venetis* referrem, quod tantæ urbis celebritati impar non foret, opes ubique quærantur, at illic reperiuntur: nec de vulgaribus modò loquor, sed de cruditis ac antiquis. Ulla vix ab oriente ad hoc emporium appellit navis, quæ id non ditet aliquo thesauro recenter effosso, rem nummariam maximè illustrante. Tanta numismatum antiquorum delectatione afficiuntur Veneti Principes, ut quod à Serenissimæ Reipublicæ officiis tempus habent residuum, illis conquirendis & investigandis lubentissimè concedant; adeò veteris Romæ veterumque ejus Heroum in Venetias Venetosque migravit animus. Singulos enarrare nimis foret longum, majora tamen nomina, imò maxima, reticere nequico. *Leonardus Pisaurus*, *Angelus Morosinus*, *Juliusque Justinianus*, D. Marci Procuratores.

Marc.

Marc. Ruzinus, Petrus Morosinus, Nicol. Michael, Jo. Dominicus Tiepolus, Georg. Barbarus, Bened. Cappellus, Anton. Capellus, Ant. Sodarinus, Petrus Garzonus, Abbasque Grimannus, illi sunt qui omni ex parte quaecunque hoc elogium superant. Porro commemorare non intermittam Baronem *Ferdinandum de Tassis*, Abbatem *Angelum Riccium D. Med. Mar. Brunum, Nicol. Bon. J. U. Doct.* urbanissimumque *Dominicum Zianum*, & *Hieron. Torcilianum* eloquentissimum. Plures, fateor, sunt mihi incogniti, qui gloriæ Tuæ studentes, ô Adriatici maris Regina, numismatum eruditioni, investigationi ac possessioni operam navent.

Præcipuum mihi quod superest, *Patavium* explicet: urbs Antenoreâ nobilitate, Trojanaque vetustate superba, Academia celebris, & numismatibus antiquis locupletissima. Unus *Foannes Comes à Lazara*, vir ut antiqua probitate sic clarissimis avorum imaginibus illustrissimus, majorem habet numerum,

L 4 quàm

quàm decem aliæ hujus nominis Civitates ostenderent; tantæque integritatis atque raritatis, ut sæpius mihi in mentem venerit, illa ex archetypis deprompta toti orbi communicare; quæ præcipuè ex ære magno sunt; adeò supra cætera ejusdem speciei eminent. Eques *Grimaldus* armis litterisque clarus, ex utrisque Cæsari comparandus, summæ antiquitatis cognitioni Numismatum adjunxit possessionem, minus aucupandæ famæ (quam omni ex parte adeptus est) gratiâ, quàm nectareo hoc cibo pascendi animi. Comes *Andreas Zabarella*, *Car. Paparettus* prætorius cancellarius; *Georgius à Torre & Sebastian. Guzzonus*, ambo viri medici doctissimi inter cæteros conspicui sunt, qui præterea Patavii numismata colligunt. Denique locum hîc inveniat mihi amicissimus *Car. Torta* Academiæ Cancellarius, cujus curæ atque sedulæ indagationi amplissima hæc civitas debet, quidquid aureorum Numismatum habet, quorum superbiam enarrare non est hujus loci.

Tan-

Tandem & ignaviæ notam incurere, nimixque modestiæ atque in publicum injuriæ accusari possem, si Musæi mei nullam hic rationem habendam cense-rem. Conquærentur fortè sexcenti Nummi singulares, non minori diligentiâ, quam sumptibus conquisiti, qui in eo asservantur. Horatiæ gentis numisma *COCLITEM* indicans, inter eos excellit. Multi postea Impp. Romanos celebrant ex ære mediocri, in coloniis & græcis civitatibus præcipuè cusi, qui raritate suâ aut integritate non minus desiderium, quàm voluptatem insipientibus excitant.

Barbaras gentes censeas, quæ elegantioribus istis rei litterariæ ornamentis nullam dant operam: sic se habent Scythæ, Garamantes & Indi, quorum mentionem fecisse in hoc opusculo penè pudet. Libenter quidem audiveram cimeliarchium antiquis numismatibus refertum in Constantinopolitanâ bibliothecâ Cæsaris Ottomanici Archiatro concredita diligentissimè servari: vercor
tamen

tamen ne mihi fucum fecerit qui hæc retulit : Quippe nota lex Mahumetis, scribente Jo. Leonclavio, *Pandect. histor. Turcic. num. 55. quæ statuas, simulachra, sculptas & pictas imagines ex interdicti præscripti divino severè prohibuit*. Notum quanto zelo Musulmani Christianorum in templis imagines mutilare, frangere, destruere soleant. Itaque cum Romanorum & Græcorum Imperatorum imagines **IN NUMMIS** & aspris expressæ conspicerentur, violari Prophetæ Legem clamabant, & abolendæ **MONETÆ VETERIS** autores erant: sed interim sub prætextu religionis impostores nequissimi quæstum faciebant, ut ipsimet Turci satis ingenuè fatentur. Ad hæc accedit imò superat nuper defuncti Querini autoritas : Is Serenissimæ Reipublicæ Venetæ ad Imperatorem Turcicum Legatus, rerum antiquarum & præcipuè Numismatum æstimator, in illas summâ diligentia inquisiverat, sed altum ubique silentium neque ullum vestigium comparebat, quod Constantino- poli redux mihi familiari colloquio asseverare non est gravatus. No-

Nolim porrò Constantinopolin egredi non celebrata Numismatum congerie, quàm & summa autoritate summisque impensis coëgit Christianissimi Regis ad Ottomanicum Imperatorem Legatus, D. *de Nointel*, cujus industria factum est, ut in media barbarie, amœniores Musas restitutas lætemur, brevi in Gallicas convertendas. Optandum esset, ut quod apud istos litterarum oïores, eruditæ supellectilis reliquum est, ad ejusdem Cultores Italos, Gallos, Germanos, aliosve politiores populos deferretur. Hoc est, quod præcipuè in votis habere me confiteor.

F I N I S.

ERRATA.


Pag. 3. lin. 5. l. ex ipsis ruinis.

Ibid. lin. 15. l. Principibus ac Magnatibus.

p. 10. lin. 20. l. exigebant.

p. 11. lin. 18. Sagi.

p. 13. lin. 1 & 2. Reipublicæque.



82 B2616

B-1

SPECIAL

CJ

231

P29

1683

82-B

2616

Bound
with:

83-B

2278

